

सिरि उसहदेव सामिस्स णमो । सिरि गोडी - जिराउला - सव्वोदयपासणाहाणं णमो । नमोऽत्थुणं समणस्स भगवओ महइ महावीर वद्धमाण सामिस्स । सिरि गोयम - सोहम्माइ सव्व गणहराणं णमो । सिरि सुगुरु - देवाणं णमो । **स्स्स् श्रीओघनिर्युक्तिः- स्स्स्** नमो अरहंताणं णमो सिद्धाणं णमो आयरियाणं णमो उवज्जायाणं णमो लोए सव्वसाहूणं 'एसो पंचनमुक्कारो, सव्वपावप्पणासणो । मंगलाणं च सव्वेसिं, पढमं होइ मंगलं ॥१॥ (दुविहोवक्कमकालो सामायारी अहाउयं चैव । सामायारी तिविहा ओहे दसहा पयविभागे ॥१॥ नवमयपच्चक्खाणाभिहाणपुव्वस्स तइयवत्थूओ । वीसइमपाहुडाओ तओ इहानीणिया जइया ॥२॥ सो उ उवक्कमकालो तयत्थनिव्विग्घसिक्खणत्थं च । आईय कयं चिय पुणो मंगलमारंभये तं च ॥३॥ **स्स्स् प्रमेय (पक्खेव गाहा - ३१)** अरहंते वंदित्ता चउदसपुव्वी तहेव दसपुव्वी । एक्कारसंगसुत्तत्थधारए सव्वसाहू य ॥१॥ ओहेण उ निज्जुत्तिं वुच्छं चरणकरणाणुओगाओ । अप्पक्खरं महत्थं अणुग्गहत्थं सुविहियाणं ॥२॥ जुम्मं । ओहे पिंड समासे संखेवे चैव होंति एगट्ठा । निज्जुत्तित्ति य अत्था जं बद्धा तेण निज्जुत्ती ॥१ **☆☆☆ भाष्यं (भास गाहा - ३२२)**॥ वय समणधम्म संजम वेयावच्चं च बंभगुत्तीओ । नाणाइतियं तव कोहनिग्गहाई चरणमेयं ॥२॥ पिंडविसोही समिई भावण पडिमा य इंदियनिरोहो । पडिलेहण गुत्तीओ अभिग्गहा चैव करणं तु ॥३॥ चोदगवयणं छट्ठी संबंधे कीस न हवइ विभत्ती ? । तो पंचमी उ भणिया किमत्थि अत्तेऽवि अणुओगा ? ॥४॥ चत्तारि उ अणुओगा चरणे धम्म गणियाणुओगे य । दवियाणुओगे य तहा अहक्कमं ते महिइढीया ॥५॥ सविसयबलवत्तं पुण जुज्जइ तहविअ महिडिडअं चरणं । चारित्तरक्खणट्ठा जेणिअर तिन्नि अणुओगा ॥६॥ चरणपडिवत्तिहेउं धम्मकहाकालदिक्खमाईआ । दविए दंसणसुद्धी दंसणसुद्धस्स चरणं तु ॥७॥ जह रण्णो विसएसुं वयरे कणगे अ रयय लोहे अ । चत्तारि आगरा खलु चउण्ह पुत्ताण ते दिन्ना ॥८॥ चिंता लोहागरिए पडिसेहं सो उ कुणइ लोहस्स । वयराईहि अ गहणं करिंति लोहस्स तिन्नियरे ॥९॥ एवं चरणंमि ठिओ करेइ गहणं विहीइ इयरेसिं । एएण कारणेणं हवह उ चरणं महइढीअं ॥१०॥ अप्पक्खरं महत्थं महक्खरऽप्पत्थ दोसुऽवि महत्थं । दोसुऽवि अप्पं च तहा भणिअं सत्थं चउविग्गं ॥१॥ सामायारी ओहे नायज्झयणा य दिट्ठिवाओ य । लोइअकप्पासाई अणुक्कमा कारगा चउरो ॥२॥ बालाईणऽणुकंपा संखडिकरणंमि होअगारीणं । ओमे य बीयभत्तं रण्णा दिन्नं जयवयस्स ॥३॥ भ० । एवं थैरेहिं इमा अपावमाणाण पयविभागं तु । साहूणऽणुकंपट्ठा उवइट्ठा ओहनिज्जुत्ती ॥४॥ **भाष्यं** ॥ पडिलेहणं च पिंडं उवहिपमाणं अणाययणवज्जं । पडिसेवणमालोअण जह य विसोही सुविहियाणं ॥३॥ आभोग मग्गण गवेसणा य ईहा अपोह पडिलेहा । पेक्खण निरिक्खणाविय आलोय पलोयणेगट्ठा ॥४॥ पडिलेहओ य पडिलेहणा य पडिलेहियव्वयं चैव । कुंभाइसु जह तितयं परूवणा एवमिहयंपि ॥५॥ एगो व अणेगो वा दुविहा पडिलेहणा समासेणं । ते दुविहा नायव्वा निक्कारणिआ य कारणिआ ॥६॥ असिवाई कारणिआ निक्कारणिआ य चक्कथूभाई । तत्थेगं कारणिअं वोच्छं ठप्पा उ तिन्नियरे ॥७॥ असिवे ओमोयरिए रायभए खुहिअ उत्तमट्ठे अ । फिडिअ गिलाणाइसए (प्र० णे अब्बसेस) देवया चैव आयरिए ॥८॥ संवच्छरबारसएण होही असिवंति ते तओ णिंति । सुत्तत्थं कुव्वंता अइसयमाईहिं नाऊण ॥१५॥ भा० । अइसेस देवया वा निमित्तगहणं सयं व सीसो वा । परिहाणि जाव पत्तं निग्गमणि गिलाणपडिबंधो ॥६॥ संजयगिहितदुभयभदिआ य तह तदुभयस्सवि अ पंता । चउवज्जण वीसुं उवस्सए य तिपरंपराभत्तं ॥७॥ असिवे सदसं वत्थं लोहं लोणं च तहय विगईओ । एयाइं वज्जिज्जा चउवज्जणयंति जं भणिअं ॥८॥ उव्वत्तण निल्लेवण बीहंते अणभिओगऽभीरू य । अगहिअकुलेसु भत्तं गहिए दिट्ठिं परिहरिज्जा ॥९॥ पुव्वाभिग्गहवुइढी विवेग संभोइएसु निक्खिवणं । तेऽविय पडिबंधठिआ इयरेसु बला सगारदुगं ॥२०॥ कूयंते अब्भत्थण समत्थभिक्खुस्स णिच्छ तद्विसं । जइ विंदघाइभेओ ति दु वेगो जाव लाउवमा ॥१॥ संगारो रायणिए आलोयण पुव्व पत्त पच्छा वा । सोममुहिकालरत्तच्छऽणंतरे एक्को दो विसए ॥२॥ एमेव य ओमम्मिवि भेओ उ अलंभि

सोऽन्य :- प.पू. साध्वीश्री मुक्तिश्री७ म.सा. ना शिष्या प.पू. साध्वीश्री जयलक्ष्मीश्री७ म.सा. नी प्रेरणाथी श्री शत्रुंजय - मुक्ति - विरेन्दु - रत्नत्रयी द्रस्ट

गोणिदिट्ठंतो । रायभयं च चउद्धा चरिमदुगे होइ गणभेओ ॥३॥ निव्विसऊत्तिय पढमो बिइओ मा देह भत्तपाणं तु (प्र० से) । तइओ उवगरणहरो जीवचरित्तस्स वा भेओ ॥४॥ अहिमर अणिट्ठ दरिसणवुग्गाहणया तहा अणायारे । अवहरण दिक्खणाए व आणालोवे व कुप्पिज्जा ॥५॥ अंतेउरप्पवेसो वायणिमित्तं व सो पउस्सेज्जा । खुभिए मालुज्जेणी पलायणं जो जओ तुरियं ॥६॥ तस्स पंडियमाणिस्स, बुद्धिल्लस्स दुरप्पणो । मुद्धं पाएण अक्कम्म, वाई वाउरिवागओ ॥७॥ निज्जवगस्स सगासं असई एगाणिओ व गच्छिज्जा । सुत्तत्थपुच्छगो वा गच्छे अहवाऽवि पडिअरिउं ॥८॥ फिडिओ व परिरएणं मंदगई वावि जाव न मिलिज्जा । सोऊणं व गिलाणं ओसहकज्जे असई एगो ॥९॥ अइसेसिओ व सेहं असई एगाणियं पठावेज्जा (प्र० पयट्टेज्जा) । देवय कलिंग रूवणा पारणए खीर रूहिरं च ॥३०॥ चरिमाए संदिट्ठो ओगाहेऊण मत्तए गंठी । इहरा कयउस्सग्गो परिच्छ आमंतिआ सगणं ॥१॥ गच्छेज्ज को णु ? सव्वेऽवऽणुग्गहो कारणाणिं दीविंता । अमुओ एत्थ समत्थो अणुग्गहो उभय किइक्कम्मं ॥३२॥ भाष्यं । पोरिसिकरणं अहवावि अकरणं दोच्चऽपुच्छणे दोसा । सरण सुय साहु सन्ती अंतो बहि अन्नभावेणं ॥९॥ बोहण अप्पडिबुद्धे गुरूवंदण घट्टणा अपडिबुद्धे । निच्चलणिसण्णझाई दट्ठुं चिट्ठे चलं पुच्छे ॥१०॥ अप्पाहि अणुत्ताओ ससहाओ नीइ जा पहायंति । उवओगं आसण्णे करेइ गामस्स सो उभए ॥१॥ हिमतेणसावयभया दारा पिहिया पहं अयाणंतो । अच्छइ जाव पभायं वासियभत्तं च से वसभा ॥२॥ ठवणकुल संखडीए अणहिंदंते सिणेहपयवज्जं । भत्तट्ठिअस्स गमणं अपरिणए गाउयं वहइ ॥३॥ अत्थंडिलसंकमणे चलवक्खित्तऽणुवउत्तसागरिए । पडिवक्खेसु उ भयणा इयरेण विलंबणं लोगं ॥४॥ पुच्छाए तिणि तिआ छक्के पढम जयणा तिपंचविहा । आउम्मि दुविह तिविहा तिविहा सेसेसु काएसु ॥५॥ पुरिसो इत्थि नपुंसगं एक्केक्को थेर मज्झिमो तरूणो । साहम्मिअन्नधम्मिअगिहत्थदुग अप्पणा तइओ ॥६॥ साहम्मिअपुरिसासइ मज्झिमपुरिसं अणुण्णविअ पुच्छे । सेसेसु होंति दोसा सविसेसा संजईवग्गे ॥७॥ थेरो पहं न याणइ बालो पवंचे न याणई वावि । पंडित्थिमज्झ संका इयरे न याणंति संका य ॥८॥ पासट्ठिओ य पुच्छेज्ज वंदमाणं अवंदमाणं वा । अणुवइऊण व पुच्छे तुण्हिक्कं मा य पुच्छेज्जा ॥९॥ पंथब्भासे य ठिओ गोवाई मा य दूरि पुच्छिज्जा । संकाईया दोसा विराहणा होइ दुविहा उ ॥२०॥ असई मज्झिमथेरो दढस्सुई भइओ य जो तरूणो । एमेव इत्थिवग्गे नपुंसवग्गे य संजोगा ॥१॥ एत्थं पुण संजोगा होंति अणेगा विहाणसंगुणिआ । पुरिसित्थिनपुंसेसुं मज्झिम तह थेर तरूणेसुं ॥२॥ तिविहो पुढविक्काओ सच्चित्तो मीसओ अ अच्चित्तो । एक्केक्को पंचविहो अच्चित्तेणं तु गंतव्वं ॥३॥ सुक्कोल्ल उल्लगमणे विराहणा दुविह सिग्गखुप्पंते । सुक्कोवि य धूलीए ते दोसा भट्टिए गमणं ॥४॥ तिविहो उ होइ उल्लो महुसित्थो पिंडओ य चिक्खल्लो । लत्तपहलित्त उड्डुअ खुप्पिज्जइ जत्थ चिकिखल्लो ॥३३॥ भाष्यं । पच्चावाया वालाइ सावया तेण कंटगा मेच्छा । अक्कंतमणक्कंते सपच्चवाएयरे चेव ॥५॥ तस्सासइ धूलीए अक्कंत निरच्चएण गंतव्वं । मीसगसच्चित्तेसुऽवि एस गमो सुक्कउल्लाइं ॥६॥ उडुबद्धे रयहरणं वासावासासु पायलेहणिआ । वड उंबरे पिलंखू तस्स अलंभंमि चिचिणिआ ॥७॥ बारसअंगुलदीहा अंगुलमेगं तु होइ विच्छिन्ना । घणमसिणनिव्वणाविअ पुरिसे पुरिसे य पत्तेयं ॥८॥ उभओ नहसंठाणा सच्चित्ताचित्तकारणा मसिणा । आउक्काओ दुविहो भोमो तह अंतलिकखो य ॥९॥ महिआवासं तह अंतरिक्खिअं दट्ठु तं न निग्गच्छे । आसन्नाओ नियत्तइ दूरगओ घरं च रूक्खं वा ॥३०॥ सभए वासत्ताणं अच्चुदए सुक्खरूक्खचडणं वा । नइकोप्परवरणेणं भोमे पडिपुच्छिआ गमणं ॥१॥ नेगंगिपरंपर (चलथिर) पारिसाडिसालंबवज्जिए सभए । पडिवक्खेण उ गमणं तज्जाइयरे व संडेवा ॥२॥ चलमाणमणक्कंते सभए परिहरिअ गच्छ इयरेणं । दगसंघट्टणलेवो पमज्ज पाए अदूरंमि ॥३॥ पाहाणे महुसित्थे वालुअ तह कद्दमे य संजोगा । अक्कंतमणक्कंते सपच्चवाएयरे चेव ॥४॥ जंघद्धा संघट्टो नाभी लेवो परेण लेवुवरिं । एगो जले थलेगो निप्पगले तीरमुस्सग्गो ॥३४॥ भा० । निभएऽगारित्थीणं तु मग्गओ चोलपट्टमुस्सारे । सभए अत्थग्घे वा ओइण्णेसुं घणं पट्टं ॥५॥ दगतीरे ता चिट्ठे निप्पगलो जाव चोलपट्टो उ । सभए पलंबमाणं गच्छइ काएण अफुसंतो ॥६॥ असइ गिहि नालियाए आणक्खेउं पुणोऽवि पडियरणं । एगाभोग पडिग्गह केई सव्वाणि न य पुरओ ॥७॥ सागारं संवरणं ठाणतिअं परिहरित्तुऽनाबाहे (नावाए) । ठाइ नमोक्कारपरो तीरे जयणा इमा होइ ॥८॥ नवि पुरओ नवि मग्गओ मज्झे उस्सग्ग पण्णवीसाउ । दइउद (डु) यतुंबेसु अ एस विही होइ संतरणे ॥९॥ वोलिणे अणुलोमे पडिलोमऽद्देसु ठाइ तणरहिए । असई

य गत्तिणंतगउल्लतलिगाइ डेवणया ॥४०॥ जह अंतरिक्खमुदए नवरि निअंबे य वणनिगुंजे य । ठाणं सभए पाउण घणकप्पमलंबमाणं तु ॥१॥ तिविहो वणस्सई खलु परित्तऽणंतो थिराथिरेक्केक्को । संजोगा जह हेट्ठा अक्कंताई तहेव इह ॥२॥ तिविहा बेइंदिय खलु थिरसंघयणेयरा पुणो दुविहा । अक्कंताई य गमो जाव उ पंचिंदिआ नेआ ॥३॥ पुढविदए य पुढविए उदए पुढवि तस वाल कंटा य । पुढविवणस्सइकाए ते चेव उ पुढविए कमणं ॥४॥ पुढवितसे तसरहिए निरंतरतसेसु पुढविए चेव । आउवणस्सइकाए वणेण नियमा वणं उदए ॥५॥ तेऊवाउविहूणा एवं सेसावि सव्वसंजोगा । नच्चा विराहणदुगं वज्जंतो जयसु उवउत्तो ॥६॥ सव्वत्थ संजमं संजमाउ अप्पाणमेव रक्खिज्जा (प्र० क्खंतो) । मुच्चइ अइवायाओ पुणो विसोही न याविरई ॥७॥ संजमहेउं देहो धारिज्जइ सो कओ उ तदभावे ? । संजमफाइनिमित्तं च देहपरिपालणा इट्ठा ॥८॥ चिक्खल्लवालसावयसरेणुपंतयतणे बहुजले अ । लोगोऽवि नेच्छइ पहे को णु विसेसो भयंतस्स ? ॥९॥ जयणमजयणं च गिही सचित्तमीसे परित्तऽणंतो य । नवि जाणंति न यासिं अवहपइण्णा अह विसेसो ॥१०॥ अविअ जणो मरणभया परिस्समभया व ते विवज्जेइ । ते पुण दयापरिणया मोक्खत्थमिसी परिहरंति ॥१॥ अविस्सिद्धंमिवि जोगंमि बाहिरे होइ विहुरया इहरा । सुद्धस्स उ संपत्ती अफला जं देसिआ समए ॥२॥ एक्कंमिवि पाणिवहंमि देसिअं सुमहदंतरं समए । एमेव निज्जरफला परिणामवसा बहुविहीआ ॥३॥ जे जत्तिया य हेऊ भवस्स ते चेव तत्तिआ मुक्खे । गणणाईया लोगा दुणहवि पुण्णा भवे तुल्ला ॥४॥ इरिआवहमाईआ जे चेव हवंति कम्मबंधाय । अजयाणं ते चेव उ जयाण निव्वाणगमणाय ॥५॥ एणंतेण निसेहो जोगेसु न देसिओ विही वावि । दलियं पप्प निसेहो होज्ज विही वा जहा रोगे ॥६॥ जंमि निसेविज्जंतो अइआरो होज्ज कस्सइ कयाइ । तेणेव य तस्स पुणो कयाइ सोही हवेज्जाहि ॥७॥ अणुमित्तोऽवि न कस्सइ बंधो परवत्थुपच्चओ भणिओ । तहविय जयंति जइणो परिणामविसोहिमिच्छंता ॥८॥ जो पुण हिंसाययणेसु वट्टई तस्स नणु परीणामो । दुट्ठो न य तं लिंगं होइ विसुद्धस्स जोगस्स ॥९॥ तम्हा सया विसुद्धं परिणामं इच्छया सुविहिणं । हिंसाययणा सव्वे परिहरियव्वा पयत्तेणं ॥६०॥ वज्जेमिस्सि परिणओ संपत्तीए विमुच्चई वेरा । अविहंतोऽवि न मुच्चइ किलिठ्ठभावोत्ति वा तस्स ॥१॥ पढमबिइया गिलाणे तइए सण्णी चउत्थ साहम्मि । पंचमियंमि य वसही छट्ठे ठाणट्ठिओ होइ ॥२॥ एहिअपारत्तगुणा दुत्ति य पुच्छा दुवे य साहम्मि । तत्थेक्केक्का दुविहा चउहा जयणा दुहेक्केक्का ॥३॥ पडिदारगाहा । इहलोइआ पविती पासणया तेसि संखडी सइढो । परलोइआ गिलाणे चेइय वाई य पडिणीए ॥४॥ अविहीपुच्छा अत्थित्थ संजया ? नत्थि. तत्थ समणीओ । समणीसु अ ता नत्थी संका य किसोरवडवाए ॥५॥ सइढेसु चरिअकामो संकाचारी य होइ सइढीसु । चेइयघरं व नत्थिह तम्हा उ विहीइ पुच्छेज्जा ॥६॥ गामदुवारब्भासे अगडसमीवे महाणमज्जे वा । पुच्छेज्ज सयंपक्खा विआलणे तस्स परिकहणा ॥७॥ निस्संकिअ थूभाइसु काउं गच्छेज्ज चेइअघरं तु । पच्छो साहुसमीवं तेऽवि अ संभोइया तस्स ॥८॥ निक्खिविउं किइकम्मं दीवणऽणाबाह पुच्छण सहाओ । गेलण्ण विसज्जणया अविस्सज्जुवएस दावणया ॥९॥ पुणरवि अयं खुभिज्जा अयाणगा मो स भणिज्ज संचिक्खे । उभओऽवि अयाणंता वेज्जं पुच्छंति जयणाए ॥१०॥ गमणे पमाण उवगरण सउण वावार ठाण उवएसो । आणण गंधुदगाई उट्टमणुट्ठे अ जे दोसा ॥१॥ पढमावियारजोगं नाउं गच्छे बिइज्जए दिण्णे । एमेव अण्णसंभोइयाण अण्णाइ वसहीए ॥२॥ एगागि गिलाणंमि उ सिट्ठेतो किं न कीरई वावि ? । छगमुत्तकहणपाणगधुवणऽत्थर तस्स नियगं वा ॥३॥ सारवणं साहल्लय पागड धुवणे य सुइ समायारा । अइबिंभले समाही सहुस्स आसास पडिअरणं ॥४॥ सयमेव दिट्ठपाठी करेइ पुच्छइ अयाणओ वेज्जं । दीवण दव्वाइंमि अ उवएसो जाव लंभो उ ॥५॥ कारणिअ हट्ठ पेसे गमणऽणुलोमेण तेण सह गच्छे । निक्कारणिअ खरंटाण बिइज्ज संघाडए गमणं ॥६॥ समणिपवेसि निसीहिअ दुवारवज्जण अदिट्ठ परिकहणं । थेरीतरूणिविभासा निमंतऽणाबाहपुच्छा य ॥७॥ सिट्ठंमि सहू पडिणीयनिग्गहं अहव अण्णहिं पेसे । उवएसो दावणया गेलन्ने वेज्जपुच्छा अ ॥८॥ तह चेव दीवण चउक्कएण अन्नत्थ वसहि जा पढमा । तह चेवेगाणीए आगाढे चिलिमिली नवरं ॥९॥ निक्कारणिअं चमढण कारणिअं नेइ अहव अप्पाहे । गमणित्थि मीससंबंधिवज्जिए असइ एगागी ॥१०॥ एगबहू समणुण्णाण वसहीए जो य एग अमणुत्तो । अमणुत्तसंजईण य अण्णहिं एक्कं चिलिमिलीए ॥१॥ विहिपुच्छाए पवेसो सण्णिकुले चेइ पुच्छ साहम्मि । अन्नत्थ अत्थि इह ते गिलाणकज्जे अहिवडंति ॥२॥ सव्वंपि न घेत्तव्वं निमंतणे जं तहिं

गिलाणस्स । कारणि तस्स य तुज्झ य विउलं दव्वं तु पाउग्गं ॥३॥ जाएँ दिसाए गिलाणो ताएँ दिसाए उ होइ पडियरणा । पुव्वभणिअं गिलाणो पंचणहवि होइ जयणाए ॥८४॥ तेसि पडिच्छण पुच्छण सुट्ठुकयं अत्थि नत्थि वा लंभो । खग्गूडे विलओलणदाणमणिच्छे तहिं नखणं ॥३५॥ भा० । पंतं असहू करित्ता निवेयण गहण अहव समणुत्ता । खग्गूड देहि तं चिअ कमढग तस्सप्पणो पाए ॥६॥ किं कीरउ ? जं जाणसि अतरंति सढेत्ति वच्च तं भंते ! । निद्धम्मा न करंती करणमणालोइय सहाओ ॥७॥ उभओ निद्धम्मेसुं फासुपडोआर इयरपडिसेहो । परिमिअदाण विसज्जण सच्छंदोद्धंसणा गमणं ॥८॥ एस गमो पंचणहवि होइ नियाइण गिलाणपडियरणे । फासुअकरण निकायण कहण पडिक्कामणा गमणं ॥९॥ संभावणेऽविसद्धो देउलिअखरंट जयण उवएसो । अविसेस निणहगाणवि न एस अम्हं तओ गमणं ॥४०॥ तारेहि जयणकरणे अमुगं आणेहऽकप्प जणपुरओ । नवि एरिसया समणा जयणाएँ तओ अवक्कमणं ॥१॥ चोअगवयणं आणा आयरिआणं तु फेडिआ तेणं । साहम्मिअकज्जबहुत्तया य सुचिरेणवि न गच्छे ॥२॥ तित्थगराणा चोयग ! दिट्ठंतो भोइएण नरवइणा । जत्तुग्गय भोइअदंडिए अ घरदार पुव्वकए ॥३॥ रण्णो तणघणकरणं सचित्तकम्मं तु गामसामिस्स । दोणहंपि दंडकरणं विवरीयऽण्णेणुवणओ उ ॥४॥ जह नरवइणो आणं अइक्कमंता पमायदोसेणं । पावंति बंधवहरोहच्छिज्जमरणावसाणाइं ॥५॥ जिणवराण आणं अइक्कमंता पमायदोसेणं । पावंति दुग्गइपहे विणिवायसहस्सकोडीओ ॥६॥ तित्थगरवयणकरणे आयरिआणं कयं पए होइ । कुज्जा गिलाणगस्स उ पढमालिय जाव बहिगमणं ॥७॥ जइ ता पासत्थोसण्णकुसीलनिणहवगाणंपि देसिअं करणं । चरणकरणालसाणं सबभावपरंमुहाणं च ॥८॥ किं पुण जयणाकरणुज्जयाण दंतिदिआण गुत्ताणं ? । संविग्गविहारीणं सव्वपयत्तेण कायव्वं ॥९॥ भाष्यं । एवं गेलन्नट्टा वाघाओ अह इयाणि भिक्खट्टा । वइयग्गामे संखडि सन्नी दाणे य भद्दे य ॥८५॥ उव्वत्तणमप्पत्तं च पडिच्छे खीरगहण पहगमणे । वोसिरणे छक्काया धरणे मरणं दवविरोहो ॥६॥ खद्धादाणिअगामे संखडि आइन्न खद्ध गेलन्ने । सण्णी दाणे भद्दे अप्पत्तमहानिनादेसु ॥७॥ पड्ढिच्छिखीर सतरं घयाइ तक्कस्स गिणहणे दीहं । गेहि विगिंचणियभया निसट्ठ सुवणे य परिहाणी ॥८॥ गामे परितलिअगमाइमग्गणे संखडी छणे विरूवा । सण्णी दाणे भद्दे जेमण विगई गहण दीहं ॥९॥ अह जग्गह गेलन्नं अस्संजयकरण जीववाघाओ । इच्छमणिच्छे मरणं गुरूआणा छइडणे काया ॥९०॥ तक्कोयणाण गहणे गिलाण आणा (बाला) इया जढा होंति । अप्पत्तं च पडिच्छे सोच्चा अहवा सयं नाउं ॥१॥ दूरुट्टिअ खुइडलए नव भड अगणी अ पंत पडिणीए । अप्पत्तपडिच्छण पुच्छ बाहिं अंतो पविसिअव्वं ॥२॥ कक्खडखेत्तचुओ वा दुब्बल अद्धाण पविसमाणो वा । खीराइगहण दीहं बहुंच उवमा अयकडिल्ले ॥३॥ जे चेव पडिच्छणदीहखद्धसुवणेसु वण्णिआ दोसा । ते चेव सपडिवक्खा होंति इहं कारणज्जाए ॥९४॥ विहिपुच्छाए सण्णी सोउं पविसे न बाहि संचिक्खे । उग्गमदोसभएणं चोयगवयणं बहिं ठाउं ॥९०॥भा० । सोच्चा दट्ठुणं वा बाहिठिअं उग्गमेगयर कुज्जा । अप्पत्त पविट्ठो पुण चोयग ! दट्ठुं निवारेज्जा ॥९१॥भा० । उग्गमदोसाईणं कहणा उप्पायणेसणाणं च । तत्थ उ नत्थी सुन्ने बाहिं सागार कालदुवे ॥९५॥ फेडेज्ज व सइकालं संखडि घेतूण वा पए गच्छे । सुण्णघराइपलोयण चेइय आलोयणाऽबाहं ॥९२॥भा० । उग्गमएसणकहणं न किंचि करणिज्ज अम्ह विहिदाणं । कस्सऽट्टा आरंभो तुज्झेसो ? पाहुणा डिंभा ॥३॥ रसवइपविसण पासण मिअममिअमुवक्खडे तहा गहणं । पज्जत्ते तत्थेव उ उभएगयरे य ओयविए ॥४॥ असइ अपज्जत्ते वा सुण्णघराईण बाहिं संसट्ठे । लट्ठीइ दारघट्टण पविसण उस्सग्ग आसत्थे ॥५॥ आलोअणमालावो अट्ठिंमिवि तहेव आलावो । किं उल्लावं न देसी ? अट्ठिं निससंकिअं भुंजे ॥६॥ दिट्ठ असंभम पिंडो तुज्झविय इमोति साह वेउव्वी । सोवि अगारी दोच्चा नीइ पिसाउत्तिकाऊणं ॥७॥ निव्वेण व मालेण व वाउपवेसेण अहव सढयाए । गमणं च कहण आगम दूरुभासे विही इणमो ॥८॥ थोवं भुंजइ बहुअं विगिंचई पउमपत्तपरिगुणणं । पत्तेसु कहिं भिक्खं ? दिट्ठमदिट्ठे विभासा उ ॥९॥ अट्ठिं किं वेला ? तेसि निबंधंमि दायणे खिंसा । ओहामिओ उ बडुओ वण्णो य पहाविओ तहिअं ॥६०॥ सुण्णघरासइ बाहिं देवकुलाईसु होइ जयणा उ । तेगिच्छिधाउखोभो मरणं अणुकंपं पडिअरणं ॥१॥ इरियाइ पडिक्कंतो परिगुणणं संधिआ भि का गुणिआ ? । अम्हं एसुवएसो धम्मकहा दुविहपडिवत्ती ॥२॥ थंडिल्लासइ चीरं निवायसंरक्खणाइ पंचेव । सेसं जा थंडिल्लं असईए अण्णगामंमि ॥३॥ अपहुप्पंतं काले तं चेव दुगाउयं नइक्कामे । गोमुत्तिअदइढाइसु भुंजइ अहवा पएसेसुं ॥६४॥भा० । दिट्ठमदिट्ठा दुविहा नायगुणा

चेव हुंति अन्नाया । अदिट्ठावि य दुविहा सुअमसुअ पसत्थमपसत्था ॥९६॥ दिट्ठा व समोसरणे न य नायगुणा हवेज्ज ते समणा । सुअगुण पसत्थ इयरे समणुत्तिअरे य सव्वेवि ॥७॥ जइ सुद्धा संवासो होइ असुद्धाण दुविह पडिलेहा । अब्भित्तरबाहिरिआ दुविहा दव्वे य भावे य ॥८॥ घट्टाइतलिअदंडग पाउय संलग्गिरी अणुवओगो । दिसि पवण गाम सूरिय वितहं अच्छोलणा दव्वे ॥९॥ विकहा हसिउग्गाइय भिन्नकहाचक्कवालछलिअकहा । माणुसतिरिआवाए दायणआयरण्या भावे ॥१००॥ बाहिं जइवि असुद्धा तहावि गंतूण गुरूपरिक्खा उ । अहव विसुद्धा तहवि उ अंतो दुविहा उ पडिलेहा ॥१॥ पविसंत निमित्तमणेसणे व साहइ न एरिसा समणा । अमहंपि ते कहंती कुक्कुडखरियाइठाणं च ॥२॥ दव्वंमि ठाणफलए सेज्जासंथारकायउच्चारे । कंदप्पगीयविकहावुग्गहकिइडा य भावंमि ॥३॥ संविग्गेषु पवेसो संविग्गऽमणुन्न बाहि किइकम्मं । ठवणकुलापुच्छणया एत्तोच्चिय गच्छ गविसणया ॥४॥ संविग्गसंनिभद्दग सुत्ते निइयाइ मोत्तुऽहाछंदे । वच्चंतस्सेतेसुं वसहीए मग्गणा होइ ॥५॥ वसही समणुण्णेषुं निइयादमणुण्ण अण्णहिं निवेए । संनिगिहि इत्थिरहिए सहिए वीसुं घरकुडीए ॥६॥ अहणुव्वासिअ सकवाड निब्बिले निच्चले वसइ सुण्णे । अनिवेइएयरेसिं गेलन्ने न एस अमहंति ॥७॥ नीयाइअपरिभुत्ते सहिएयर पक्खिए व सज्झाए । कालो सेसमकालो वासो पुण कालचारीसु ॥८॥ तेणं परं पासत्थाइएसु न य वसइऽकालचारीसु । गहिआवासगकरणं ठाणं गहिएणऽगहिएणं ॥९॥ निसिअ तुयट्टण जग्गण विराहणभएण पासि निक्खिवइ । पासत्थाईणेवं निइए नवरं अपरिभुत्ते ॥११०॥ एमेव अहाछंदे पडिहणणा ज्ञाण अज्झयण कन्ना । ठाणट्ठिओ निसामे सुवणाहरणा य गहिएणं ॥१॥ असिवे ओमोयरिए रायदुदुत्ते भए नदुट्टाणे । फिडिअगिलाणे कालगवासे ठाणट्ठिओ होइ ॥२॥ तत्थेव अंतरा वा असिवादी सोउ परिरयस्सऽसइं । संचिकखे जाव सिवं अहवावी ते तओ फिडिआ ॥३॥ पुण्णा व नई चउमासवाहिणी नवि य कोइ उत्तारे । तत्थंतरा व देसो व उट्ठिओं न य लब्भइ पवती ॥६५॥ भा० । फिडिएसु जा पवित्ती सयं गिलाणो परं व पडियरइ । कालगया व पवती ससंक्रिए जाव निस्संकं ॥६६॥ भा० । वासासुं उब्भिण्णा बीयाई तेण अंतरा चिट्ठे । तेगिच्छि भोइ सारक्खणहट्टे ठाणमिच्छंति ॥४॥ संविग्गसंनिभद्दग अहप्पहाणेसु भोइयघरे वा । ठवणा आयरियस्सा सामायारी पउंजणया ॥५॥ एवं ता कारणिओ दूइज्ज जुत्त अप्पमाणं । निक्कारणिअं एत्तो चइओ आहिंदिओ चेव ॥६॥ जह सागरंमि मीणा संखोहं सागरस्स असहंता । निति तओ सुहकामी निग्गयमित्ता विनस्संति ॥७॥ एवं गच्छसमुद्वे सारणवीईहिं चोइया संता । निति तओ सुहकामी मीणा व जहा विणस्संति ॥८॥ उवएस अणुवएसो दुविहा आहिंदिआ समासेणं । उवएस देसदंसण अणुवएसो इमे होंति ॥९॥ चक्के थूभे पडिमा जम्मण निक्खमण नाण निव्वाणे । संखडि विहार आहार उवहि तह दंसणट्टाए ॥१२०॥ एते अकारणा संजयस्स असमत्तदुभयस्स भवे । ते चेव कारणा पुण गीयत्थविहारिणो भणिआ ॥१॥ गीयत्थो य विहारो बिइओ गीयत्थमीसिओ भणिओ । एत्तो तइअविहारो नाणुत्ताओ जिणवरेहिं ॥२॥ संजमआयविराहण नाणे तह दंसणे चरित्ते य । आणालोव जिणाणं कुव्वइ दीहं तु संसारं ॥३॥ संजमओ छक्काया आयाकंटऽट्टिऽजीरगेलन्ने । नाणे नाणायारो दंसण चरगाइ वुग्गाहे ॥६७॥ भा० । णेगावि होंति दुविहा कारणनिक्कारणे दुविहभेओ । जं एत्थं नाणत्तं तमहं वोच्छं समासेण ॥४॥ जयमाणा खलु एवं तिविहा उ समासओ समक्खाया । विहरंताविय दुविहा गच्छगया निग्गया चेव ॥४॥ प्र० । जयमाणा विहरंता ओ हाणाहिंडगा चउद्ध उ । जयमाणा तत्थ तिहा नाणट्टा दंसणचरित्ते ॥५॥ पत्तेयबुद्ध जिणकप्पिया य पडिमासु चेव विहरंता । आयरिअथेरवसभा भिक्खू खुट्टा य गच्छंमि ॥६॥ ओहावंता दुविहा लिंग विहारे य होंति नयव्वा । लिंगेणऽगारवासं नियया ओहावण विहारे ॥७॥ उवएस अणुवएसो दुविहा आहिंदिआ मुणेयव्वा । उवएस देसदंसण थूभाई हुंतिऽणुवएसो ॥८॥ पुण्णंमि मासकप्पे वासावासासु जयणसंकमणा आनंतणा य भावे सुत्तत्थ न हायई जत्थ ॥९॥ अप्पडिलेहियदोसा वसही भिक्खं च दुल्लहं होज्जा । बालाइगिलाणाण व पाउंग्ग अहव सज्झाओ ॥१३०॥ तम्हा पुव्वं पडिलेहिऊण पच्छा विहीएँ संकमणं । पेसेइ जइ अणापुच्छिउं गणं तत्थिमे दोसा ॥१॥ अइरेगोवहिपडिलेहणाएँ कत्थवि गयत्ति तो पुच्छे । खेत्ते पडिलेहेउं अमुगत्थ गयत्ति तं दुंठुं ॥२॥ तेणा सावय मसगा ओमऽसिवे सेह इत्थि पडिणीए । थंडिल्ल अगणि उट्टाण एवमाई भवे दोसा ॥३॥ पच्चंति तावसीओ सावयदुब्भिक्खतेणपउराइं । णियगपदुट्टाणे फेडणहरियाइ(हरिहरिय) पण्णीए ॥४॥ सीसे जइ आमंतइ पडिच्छगा तेण बाहिरं भावं । जइ इयरे तो सीसा तेवि समत्तंमि गच्छंति ॥५॥ तरुणा बाहिरभावं न य

पडिलेहोवही न किइकम्मं । मूलयपत्तसरिसया परिभूया वच्चिमो थेरा ॥६॥ जुण्णमएहिं विहूणं जं जूहं होइ सुट्टुवि महल्लं । तं तरुणरहसपोइयमयगुम्मइअं सुहं हंतु ॥७॥ थुइमंगलमामंतण नागच्छइ जो य पुच्छिओ न कहे । तस्सुवरिं ते दोसा तम्हा मिलिएसु पुच्छेज्जा ॥८॥ केई भणंति पुव्वं पडिलेहिअ एवमेव गंतव्वं । तं च न जुज्जइ वसही फेडण आगंतु पडिणीए ॥९॥ कयरी दिसा पसत्थ ? अमुई सव्वेसिं अणुमई गमणं । चउदिसि ति दु एगं वा पणगं तिग जहण्णं ॥१०॥ अणभिग्गहिए वावारणा उ तत्थ उ इमे न वावारे बालं वुडढमगीअं जोगिं वसहं तहा खमगं ॥१॥ हीलेज्ज व खेलेज्ज व कज्जाकज्जं न याणई बालो । सो वाऽणुकंपणिज्जो न दिंति वा किंचि बालस्स ॥६८॥ भाप्यं । वुडढोऽणुकंपणिज्जो चिरेण न य मग्गथंडिले पेहे । अहवावि बालबुडढा असमत्था गोयरतियस्स ॥९॥ पंथं च मासवासं उवस्सयं एच्चिरेण कालेणं । एहामोत्ति न याणइ चउव्विहमणुण्ण ठाणं च ॥७०॥ तूरंतो य ण पेहे पंथं पाढट्टिओ न चिर हिडे । विगई पडिसेहेइ तम्हा जोगिं न पेसेज्जा ॥१॥ ठवणकुलाणि न साहे सिट्ठाणि न देंति जा विराहणया । परितावण अणुकंपण तिण्हऽसमत्थो भवे खमगो ॥७२॥ भा० । एए चेव हवेज्जा पडिलोमेणं तु पेसए विहिणा । अविही पेसिज्जंते ते चेव तहिं तु पडिलोमं ॥२॥ सामायारिमगीए जोगमणागाढ खवग पारावे । वेयावच्चे दायण जुयलसमत्थं व सहियं वा ॥३॥ पंथुच्चारं उदए ठाणे भिक्खंतंरा य वसहीओ । तेणा सावय वाला पच्चावाया य जाण विही ॥४॥ सो चेव उ निग्गमणे विही उ जो वन्निओ उ एगस्स । दव्वे खेत्ते काले भावे पंथं तु पडिलेहे ॥७३॥ भा० । कंटग तेणा वाला पडिणीया सावया य दव्वंमि । समविसमउदयथंडिल भिक्खायरि अंतरा खेत्ते ॥४॥ दियराउऽपच्चाए ट जाणई सुगमदुग्गेमे काले । भावे सपक्खपरपक्खपेल्लणा निण्हगाईया ॥७५॥ भाप्यं । सुत्तत्थं अकरिंता भिक्खं काउं अइंति अवरणहे । बिइयदिणे सज्झाओ पोरिसिअब्बाइ संघाडो ॥५॥ खेत्तं तिहा करेत्ता दोसीणे नीणिअंमि अ वयंति । अण्णो लद्धो बहुओ थोवं दे मा य रुसेज्जा ॥६॥ अहव ण दोसीणं चिअ जायामो देहि दहि घयं खीरं । खीरे घयगुलपेज्जा थोवं थोवं च सव्वत्थ ॥७॥ मज्झण्हि पउरभिक्खं परिताविअपिज्जजूसपयकट्ठिअं । ओभट्टमणोभट्टं लब्भइ जं जत्थ पाउग्गं ॥८॥ चरिमे परितावियपेज्जजूस आएस अतरणट्टाए । एक्केक्कगसंजुत्तं भत्तट्टं एक्कमेक्कस्स ॥९॥ ओसह भेसज्जाणि य कालं च फुले य दाणमाईणि । सग्गामे पेहिता पेहंति ततो परग्गामे ॥१०॥ चोयगवयणं दीहं पणीयगहणे य नणु भवे दोसा । जुज्जइ तं गुरुपाहुणगिलाणगट्टा न दप्पट्टा ॥१॥ जइ पुण खद्धपणीए अकारणे एक्कसिंपि गिणहेज्जा । तहिअं दोसा तेण उ अकारणे खद्धनिद्धाइं ॥२॥ एवं-रुइए थंडिल वसही देउलिअसुण्णगेहमाईणि । पाओगमणुणवणा वियालणे तस्स परिकहणा ॥३॥ सिंगक्खोडे कलहो ठाणं पुण नेव (प्र० नत्थि) होइ चलणेसुं । अहिठाणि पोट्ट रोगो पुच्छंमि य फेडणं जाण ॥७६॥ भा० । मुहमूलंमि य चारी सिरे य कउहे य पूयसक्कारो । खंधे पट्टीए भरो पोट्टंमि य धावओ वसहो ॥७७॥ उद्देसणुपुव्वीए वुच्चत्थं पेहमाणिणो दोसा । जे य गुणा पढमाए ते वाघायंमि सेसासु ॥प्र०५॥ पउरन्न पाण पढमा बीयाए भत्तपाण न लहंति । तइआ उवगरणहरी नत्थि चउत्थीइ सज्झाओ ॥६॥ पंचमिआए संखडि छट्टीइ गणस्स भेयणं जाण । सत्तमिआ गेलन्नं मरणं पुण अट्टमी बिंति ॥७॥ बुद्धीए पुव्वमुहं वसहमिओ गंतु उत्तरे पासे । एवं पुव्वुत्तरओ वसहिं गिण्हिज्ज निद्दोसं ॥८॥ रुइए महथंडिल्लं पेहिण्णा चोयगो भणइ एवं । एवंतच्चिय तुब्झ य अमंगलं कुव्वण भंते ! ॥९॥ आणयरिओ लोए नगरनिवेशंगि पठमपत्थुंमि । सीयाणं पेहिब्बर न य दिट्ठं तं अमंगलयं ॥१०॥ तदिसा अवरदक्खिणा य अवरा य दक्खिणापुव्वा । अवरुत्तरा य पुव्वा उत्तरपुव्वुत्तरा चेव ॥११॥ उद्दिट्टकमेणासिं पढंमं पडिलेहिऊण वाघाए । बीयं पडिलेहेज्जा एवं उद्देसओऽहाणी ॥१२प्र०॥ दव्वेतणडगलाई अच्छणभाणाइधोवणा खेत्ते । काले उच्चारई भावेण गिलाणकूरुवमा ॥७८॥ भा० । जाव गुरुण य तुज्झ य केवइया ? तत्थ सागरेणुवमा । केवइकालेणेहिह ? सागार ठवंति अण्णेवि ॥४॥ पुव्वुद्दिट्टे इच्छइ अहव भणिज्जा हवंतु एवइया । तत्थ न कप्पइ वासो असई खेत्ताणऽणुत्तेओ ॥५॥ सक्कारो सम्माणो (३०६) भिक्खग्गहणं च होइ पाहुणए । जइ जाणउ वसइ तहिं साहम्मिअवच्छलाऽऽणई ॥६॥ जइ तिन्नि सव्वगमणं एसु न एसुत्ति दोसुविय दोसा । अण्णपहेणऽगुणंता निययावासोऽह मा गुरुणो ॥७॥ गंतूणं गुरुसमीवं आलोएत्ता कहेंति खत्तेगुणा । न य सेसकहण मा होज्ज मा होज्ज संखडं रत्ति साहेंति ॥८॥ पढमाए नत्थि पढमा तत्थ उ घयखीरकूरदहिलंभो । बिइयाए बिइ तइयाए दोवि तेसिं च धुवलंभो ॥९॥ ओहासिअधुवलंभो पाउग्गाणं चउत्थिए नियमा । इहरावि जहिच्छाए तिकालजोगं च

सव्वेसिं ॥१६०॥ मयगहणं आयरिओ कत्थ वया मोत्ति ? तत्थ आयरिओ (जागरिया) । खुभिआ भणंति पढमं तं चिअ अणुओगतत्तिल्ला ॥१॥ बिइयं च सुत्तगाही उभयग्गाही अ तइययं खेत्तं । आयरिओ अ चउत्थं सो उ पमाणं हवइ तत्थ ॥२॥ मोहुब्भवो उ बलिए दुब्बलदेहो न साहए जोए । तो मज्झबला साहू दुट्टस्सेणेत्थ दिट्ठंतो ॥३॥ पणपण्णगस्स हाणी आरेणं जेण तेण वा धरइ । जइ तरूणा नीरोगा वच्चंति चउत्थगं ताहे ॥४॥ अह पुण जुण्णा थेरा रोगविमुक्का य असहुणो तरूणा । ते अणुकूलं खेत्तं पेसंति न यावि खग्गूडे ॥५॥ एगपणअब्भमासं सट्ठी सुणमणुयगोणहत्थीणं । राइंदिएण उ बलं पणगं तो एक्क दो तिन्नि ॥६॥ सागारिउपुच्छगमणे बाहिरा मिच्छ छेय कयनासी । गिहि साहू अभिधारण तेणगसंकाइ जं चउण्णं ॥७॥ अविहीपुच्छा उग्गाहिएण सिज्जातरी उ रोएज्जा । सागारियस्स संका कलहे य सएज्जिआ खिंसे ॥१६८॥ वसहीए वोच्छेओ अभिसंधारिंतयाण साहूणं । पुणरावती होज्ज व पव्वज्जा उज्जुअमईणं ॥१३॥प्र० । हरिअच्छेयण छप्पइय घच्चणं किच्चणं च पोत्ताणं । छण्णेरं च पगयं इच्छमणिच्छे य दोसा उ ॥९॥ जइआ चेव उ खेत्तं गया उ पडिलेहणा तओ पाए । सागारियस्स भावं तणुएंति गुरु इमेहिं तु ॥१७०॥ उच्छू वोलिंति वइं तुंबीओ जायपुत्तभंडा य । वसभा जायत्थामा गामा पव्वायचिक्खल्ला ॥१॥ अप्पोदगा य मग्गा वसुहावि य पक्कमट्टिआ जाया । अण्णक्कंता पंथा साहूणं विहरिउं कालो ॥२॥ समणाणं सउणाणं भमरकुलाणं च गोउलाणं च । अनियाओ वसहीओ सारइयाणं च मेहाणं ॥३॥ आवस्सगकयनियमा कल्लं गच्छाम तो उ आयरिओ । सपरिजणं सागारिअ वाहरिउं दिंति अणुसिट्ठिं ॥४॥ पव्वज्ज सावओ वा दंसण भद्दो जहण्णयं वसहिं । जोगंमि वट्टमाणे अमुगं वेलं गमिस्सामो ॥५॥ तदुभय सुत्तं पडिलेहणा य उग्गयमणुग्गए वावि । पडिछाहिएरणतेणे नट्टे (ट्टे) खग्गूड संगारो ॥१७६॥ पडिलेहंतच्चिअ बेंटियाउ काऊण पोरिसि करिंति । चरिमा उग्गाहेउं सोच्चा मज्झण्हि वच्चंति ॥७९॥ भा० । तिहिकरणंमि पसत्थे नक्खत्ते अहिवइस्स अणुकूले । घेत्तूण निंति वसभा अक्खे सउणे परिकखंता ॥८०॥ वासस्स य आगमणे अवसउणे पट्टिआ निवत्तंति । ओभावणा पवयणे आयरिआ मग्गओ तम्हा ॥१॥ मइल कुचेले अब्भंगिएल्लए साण खुज्ज वडभे या । एए उ अप्पसत्था हवंति खित्ताउ निंताणं ॥२॥ नारी पीवरगब्भा वडडकुमारी य कट्टुभारो य । कासायवत्थ कुच्चंधरा य कज्जं न साहेंति ॥३॥ चक्कयरंमि भमाडो भुक्खामारो य पडुरंगंमि । तच्चन्नि रूहिरपडणं बोडियमसिए धुवं मरणं ॥प्र० १४॥ जंबू य चासमऊरे भारद्वाए तहेव नउले य । दंसणमेव पसत्थं पयाहिणे सव्वसंपत्ती ॥४॥ नंदी तूरं पुण्णस्स दंसणं संखपडहसद्दो य । भिंंगारछत्तचामर धयप्पडागा पसत्थाइं ॥५॥ समणं संजयं दंतं, सुमणं मोयगा दहिं । मीणं घंटं पडागं च, सिद्धमत्थं विआगरे ॥६॥ सेज्जातरेऽणुभासइ आयरिओ सेसगा चिलिमिलीए । अंतो गिण्हन्तुवहिं सारविअ पडिस्सया पुव्विं ॥७॥ बालाई उवगरणं जावइयं तरति तत्तियं गिण्हे । जहणेण जहाजायं सेसं तरूणा विरिंचिंति ॥८॥ आयरिओवहि बालाइयाण गिण्हंति संघयणजुत्ता । दो सोत्ति उण्णिसंधारए य गहणेक्कपासेणं ॥९॥ आउज्जोवण वणिए अगणि कुडुंबी कुकम्म कम्मरिए । तेणे मालागारे उब्भामग पंथिए जंते ॥९०॥भा० । संगार बीय वसही तइए सण्णी चउत्थ साहम्मि । पंचमगंमि य वसही छट्टे ठाणट्टिओ होति ॥१७७॥ दारा । आओसे संगारो अमुई वेलाएँ निग्गए ठाणं । अमुगत्य वसहि भिक्खं बीओ खग्गूड संगारो ॥९१॥भा० रत्तिं न चेव कप्पइ नीयदुवारे विराहणा दुविहा । पण्णवणे बहुयरगुणे अणिच्छ बीओ व उवही वा ॥२॥ सुवणे वीसुवघातो पडिबज्झंतो य जो उ न मिलेज्जा । जग्गण अप्पडिबज्झण जइवि चिरेणं न उवहम्मि ॥९३॥भा० । पुरओ मज्झे तह मग्गओ य ठायंति खित्तपडिलेहा । दाइंतुच्चाराइं भावासण्णाइरक्खट्टा ॥८॥ डहरे भिक्खग्गामे अंतरगामंमि ठावए तरूणे । उवगरणगहण असूह व ठावए जाणगं चेगं ॥९॥ दूरूट्टिअ खुड्डलए नव भड अगणी य पंत पडिणीए । संघाडेगो धुवकम्मिओ व सुण्णे नवरि रिक्खा ॥१८०॥ जाणंतठिँ ता एउ वसहीए नत्थि कोइ पडियरइ । अण्णाएऽजाणंतेसु वावि संघाड धुवकम्मि ॥१॥ जइ अब्भासे गमणं दूरे गंतुं दुगाउयं पेसे । तेवि असंथरमाणा इंती अहवा विसज्जंति ॥२॥ पढमबियाए गमणं गहणं पडिलेहणा पवेसो उ । काले संघाडेगो वऽसंथरंताण तह चेव ॥३॥ पढमबितियाएँ गमणं बाहिं ठाणं च चिलिमिणी दोरे । धित्तूण इंति वसहा वसहिं पडिलेहिउं पुव्विं ॥९४॥ भा० । वाघाए अण्णं मग्गिऊण चिलिमिणि पमज्जणा वसहे । पत्ताण भिक्खवेलं संघाडेगो परिणओ वा ॥४॥ सव्वे वा हिंइंता वसहिं मग्गंति जह व समयाणं । लद्धे संकलियनिवेयणं तु तत्थेव उ नियट्टे ॥५॥ एक्को धरेइ भाणं एक्को दोणहवि पवेसए उवहिं । सव्वो

उवेइ गच्छो सबाल वुड्ढाउलो ताहे ॥६॥ चोयगपुच्छा दोसा मंडलिबंधंमि होइ आगमणं । संजमआयविराहण वियालगहणे य जे दोसा ॥७॥ अइभारेण उ इरियं न सोहए कंटगाइ आयाए । भत्तट्टिय वोसरिया अइंतु एवं जढा दोसा ॥८॥ आयरियवयण दोसा दुविहा नियमा उ संजमायाए । वच्चह न तुज्झ सामी असंखडं मंडलीए वा ॥९॥ कोऊहल आगमणं संखोभेणं अकंठ गमणाइं । ते चेव संखडाइं वसहिं व न दंति जं वऽन्नं ॥१९०॥ भारेण वेयणाए न पेहए थाणुकंट आयाए । इरियाइ संजमंमि य परिगलमाणेण छक्काया ॥१॥ सावयतेणा दुविहा विराहणा जा य उवहिणा उ विणा । तणअग्गिगहणसेवण वियालगमणे इमे दोसा ॥२॥ पविसणमग्गणठाणे वेसित्थिदुगुंछिए य बोद्धव्वे । सज्झाए संथारे उच्चारे चेव पासवणे ॥३॥ सावयतेणा दुविहा विराहणा जा य उवहिणा उ विणा । गुम्मियगहणाऽऽहणणा गोणाईचमढणा चेव ॥४॥ फिडिए अण्णोण्णारण तेण य राओ दिया य पंथंमि । साणाइ वेसकुत्थिअ तवोवणं मुसिआ जं च ॥५॥ अप्पडिलेहिअकंटाविलंमि संथारगंमि आयाए । छक्कायसंजमंमि य चिलिणे सेहऽन्नहाभावो ॥६॥ कंटगथाणुगवालाविलंमि जइ वोसिरेज्ज आयाए । संजमओ छक्काया गमणे पत्ते अइंते य ॥७॥ मुत्तनिरोहे चक्खु वच्चनिरोहेण जीवियं चयइ । उड्ढनिरोहे कोट्टं गेलन्नं वा भवे तिसुवि ॥८॥ जइ पुण वियाल पत्ता पए व पत्ता उवस्सयं न लभे । सुन्नघरदेउले वा उज्जाणे वा अपरिभोगे ॥९॥ आवाय चिलिमिणीए रण्णे वा निब्भए समुद्दिसणं । सभए पच्छन्नासइ कमढय कुरूया य संतरिआ ॥२००॥ कोट्टग सभा व पुव्विं काले वियाराइभूमिपडिलेहा । पच्छा अइंति रत्तिं पत्ता वा ते भवे रत्तिं ॥१॥ गुम्मियभेसण समणा निब्भय बहिठान वसहिपडिलेहा । सुन्नघर पुव्वभणिअं कंचुग तह दारूदंडेणं ॥२॥ संथारगभूमितिगं आयरियाणं तु सेसगाणेगा । रूंद्राए पुप्फइन्ना मंडलिआ आवली इयरे ॥३॥ संथारगहणाए बेंटिअउक्खेवणं तु कायव्वं । संथारो घेत्तव्वो मायामयविप्पमुक्केणं ॥४॥ पोरिसिआपुच्छणया सामाइय उभय कायपडिलेहा । साहणिय दुवे पट्टे पमज्ज भूमिं जओ पाए ॥५॥ अणुजाणह संथारं बाहुवहाणेण वामपासेणं । कुक्कुडिपायपसारण अतरंतं पमज्जए भूमिं ॥६॥ संकोए संडासं उव्वत्तंते य कायपडिलेहा । दव्वाइउवओगं णिस्सासनिरुंभणाऽऽलोयं ॥७॥ दारं जा पडिलेहे तेणभए दोण्णि सावए तिण्णि । जइ य चिरं तो दारे अण्णं ठावेत्तु पडिअरइ ॥८॥ आगम्म पडिक्कंतो अणुपेहे जाव चोदसवि पुव्वे । परिहाणि जा तिगाहा निद्वपमाओ जढो एवं ॥९॥ अतरंतो व निवज्जे असंथरंतो य पाउणे एक्कं । गहभदिट्ठंतेणं दो तिण्णि बहू जह समाही ॥२१०॥ वसहित्तदारं । दुविहो य विहरियाविहरिओ उ भयणा उ विहरिए होइ । संदिट्ठो जो विहरित्तो अविहरिअविही इमो होइ ॥१॥ अविहरिअ विहरिओ वा जइ सइढो नत्थि नत्थि उ निओगो । नाए जइ ओसण्णा पविसंति तओ य पण्णरस ॥९५॥ भा० । संविग्गमणुण्णाए अइंति अहवा कुले विरंचंति । अण्णाउंळं व सहू एमेव य संजईवग्गे ॥६॥ एवं तु अण्णसंभोइयाण संभोइयाण ते चेव । जाणित्ता निब्बंधं वत्थव्वेणं स उ पमाणं ॥७॥ असइ वसहीए वीसुं राइणिए वसहि भोयणागम्म । असहू अपरिणया वा ताहे वीसुं सहूवियरे ॥८॥ तिण्हं एक्केण समं भत्तट्ठो अप्पणो अवड्ढं तु । पच्छा इयरेण समं आगमणवियरेणु सो चेव ॥९॥ चेइयवंद निमतंण गुरूहिं संदिट्ठो जो वऽसंदिट्ठो । निब्बंधं जोगगहणं निवेय नयणं गुरूसगासे ॥१००॥ अविहरियमसंदिट्ठो चेइय पाहुडियमेत्तं गेण्हंति । पाउग्गपउरलंभे नऽम्हे किं वा न भुंजंति ? ॥१॥ गच्छस्स परीमाणं नाउं घेत्तुं तओ निवेयंति । गुरूसंघाडग इयरे लद्धं नेयं गुरूसमीवं ॥२॥ भा० । मा वच्चह गिण्ह गुरूजोगं ॥ एवइमं वा गिण्हह पज्जत्तं वा नियत्तह य भंते ! । अणिवेइए अ गुरूणो हिंदंताणं इमे दो सा ॥प्र० १५॥ दरहिंडिय वुड्ढाई आगंतु समुद्दिसंति जं किंचि । दव्वविरूद्धं च कयं गुरूहिं जंकिंचि वा भुत्तं ॥१६ प्र० ॥ एगागिसमुद्दिसगा भुत्ता उ पहेणएण दिट्ठंतो । हिंडणदव्वविणासो निब्बंधं महुरं च पुव्वं तु ॥३॥ भा० । सन्नित्ति भत्तट्टिय आवस्सग सोहेउं तो अइंति अवरणहे । अब्भुट्ठणं दंडाइयाण गहणेक्कवयणेणं ॥२॥ खुड्ढलविगट्ठतेणा उण्हं अवरण्हि तेण उ पएवि । पक्खित्तं मोत्तूणं निक्खिवमुक्खित्तमोहेणं ॥३॥ अप्पा मूलगुणेसुं विराहणा अप्प उत्तरगुणेसु । अप्पा पासत्थाइसु दाणग्गहसंपओगोहा ॥४॥ भुंजइ भुत्ता अम्हे जो वा इच्छे अभुत्त सह भोज्जं । सव्वं च तेसि दाउं अन्नं गेण्हंति वत्थव्वा ॥५॥ तिण्णि दिणे पाहुन्नं सव्वेसिं असइ बालवुड्ढाणं । जे तरूणा सग्गामे वत्थव्वा बाहि हिंडंति ॥६॥ संघाडगसंजोगो आगंतुगभइएयरे बाहिं । आगंतु व बाहिं वत्थव्वगभइए हिंडे ॥७॥ वित्थिण्णा खुड्ढलिआ पमाणजुत्ता य तिविह वसहीओ । पढमबिइयासु ठाणे तत्थ य दोसा इमे होंति ॥८॥ खरकम्मिअ वाणियगा कप्पडिअ सरक्खगा य वंठा य । संमीसावासेणं दोसा य हवंति णेगविहा ॥९॥

आवासगअहिकरणे तदुभय उच्चारकाइयनिरोहे । संजमआयविराहण संका तेणे नपुंसित्थी ॥२२०॥ आवासयं करिते पवंचए झाणजोगवाघाओ । असहण अपरिणया वा भायणभेओ य छक्काया ॥१॥ सुत्तत्थऽकरण नासो करणे उड्ढं चगाइ अहिकरणं । पासवणिअरनिरोहे गेलन्नं दिट्ठि उड्ढाहो ॥२॥ मा दच्छिहिति तो अप्पडिलिहिए (थंडिल्ले) दूर गंतु वोसिरति । संजमआयविराहण गहणं आरक्खितेणेहिं ॥३॥ ओणयपमज्जमाणं दट्ठुं तेणेत्ति आहणे कोई । सागारिअसंघट्टण अपुमित्थी गेण्ह साहइ वा ॥४॥ ओरालसरीरं वा इत्थि नपुंसा बलावि गेण्हति । सावाहाए ठाणे निते आवडणपडणाई ॥५॥ तेणेत्ति मण्णमाणो इमोवि तेणेत्ति आवडइ जुद्धं । संजमआयविराहणभायणभेयाइणो दोसा ॥६॥ तम्हा पमाणजुत्ता एक्केक्कस्स उ तिहत्थसंथारो । भायणसंथारंतर जह वीसं अंगुला हुंति ॥७॥ मज्जारमूसगाइ य नवि वारे नवि य जाणुघट्टणया । दो हत्था य अबाहा नियमा साहुस्स साहूओ ॥८॥ भुत्ताभुत्तसमुत्था भंडणदोसा य वज्जिआ एवं । सीसंतेण व कुड्डं तु हत्थं मोत्तूण ठायंति ॥९॥ पुव्वुद्धिट्ठो उ विही इहवि वसंताण होइ सो चेव । आसज्ज तिन्नि वारे निसन्न आउंटए सेसा ॥२३०॥ आवस्सिअमासज्जं नीइ पमज्जंतु जाव उ च्छन्नं । सागारिय तेणुब्भामए य संका तउ परेणं ॥१॥ नत्थि उ पमाणजुत्ता खुड्डलिया चेव वसति जयणाए । पुरहत्थ पच्छ पाए पमज्ज जयणाए निग्गमणं ॥२॥ उस्सीस भायणाइं मज्झे विसमे अहाकडा उवरिं । ओवग्गहिओ दोरो तेण य वेहासि लंबणया ॥३॥ खुड्डलियाए असई विच्छिन्नाए उ मालणा भूमी । बिलधम्मो चारभडा साहरणेगंतकडपोत्ती ॥४॥ असई य चिलिमिलीए भए व पच्छन्न भूइए लक्खे । आहारा नीहारो निग्गमणपवेस वज्जेह ॥५॥ पिंडेण सुत्तकरणं आसज्ज निसीहियं च न करिति । कासण न पमज्जणया न य हत्थो जयण वेरतिं ॥६॥ वसहित्ति । पत्ताण खेत्त जयणा काऊणावस्सयं तत्तो ठवणा । पडणीयपत्त (सम्मत्त) मामग भद्दग सद्धे य अचियत्ते ॥७॥ बाहिरगामे वुच्छा उज्जाणे ठाणवसहिपडिलेहा । इहरा उ गहिअभंडा वसहि वाघाय उड्ढाहो ॥१०४॥ भा० । मइल कुचेले अब्भंगिएल्लए साण खुज्ज वडभे या । एए उ अप्पसत्था हवंति खित्ताउ नित्ताणं ॥५॥ नारी पीवरगब्भा वड्डकुमारी य कट्टुभारो य । कासायवत्थ कुच्चंधरा य कज्जं न साहेति ॥६॥ चक्कयरंमि भमाडो भुक्खामारो य पंडुरंगंमि । तच्चन्नि रूहिरपडणं बोडियमसिए धुवं मरणं ॥७॥ जंबूअ चास मउरे भारद्दाए तहेव नउले य । दंसणमेव पसत्थं पयाहिणे सव्वसंपत्ती ॥८॥ नंदी तूरं पुण्णस्स दंसणं संखपडहसद्धो य । भिंगार छत्त चामर धयप्पडागा पसत्थाइं ॥९॥ समणं संजयं दंतं, सुमणं मोयगा दहिं । मीणं घंटं पडागं च, सिद्धमथं विआगरे ॥११०॥ तम्हा पडिलेहिअ दीवियंमि पुव्वगय असइ सारविए । फड्डयफड्डपवेसो कहणा न य उट्ट इयरेसिं ॥१॥ आयरियअणुट्टाणे ओहावण बाहिरा यऽदक्खिण्णा । साहणय वंदणिज्जा अणालवंतेऽवि आलावो ॥२॥ वुड्ढा निरोवयारा अग्गहणमलोगजत्त वोच्छेओ । तम्हा खलु आलवणं सयमेव उ तत्थ धम्मकहा ॥३॥ वसहिफलं धम्मकहा कहणअलद्धी उ सीस वावारे । पच्छा अइति वसहिं तत्थ य भुज्जो इमा जयणा ॥४॥ पडिलेहण संथारग आयरिए तिण्णि सेस उ कमेण । विंटीअउक्खेवणया पविसइ ताहे य धम्मकही ॥५॥ उच्चारे पासवणे लाउय निल्लेवणे य अच्छणए । पुव्वट्ठिय तेसि कहेऽकहिए आयरणवोच्छेओ ॥६॥ भत्तट्ठिआ व खवगा अमंगलं चोयए जिणाहरणं । जइ खमगा वंदंता दायंतियरे विहिं वोच्छं ॥७॥ सव्वे दट्ठुं उग्गाहिएण ओयरिअ भयं समुप्पज्जे । तम्हा ति दु एगो वा उग्गाहिअ चेइए वंदे ॥८॥ सद्धाभंगोऽणुग्गाहियंमि ठवणाइया य दोसा उ । घरचेइअ आयरिए कइवयगमणं च गहणं च ॥९॥ खेत्तंमि अपुव्वंमी तिट्ठाणट्ठा कहिति दाणाइं । असई य चेइयाणं हिंडंता चेव दायंति ॥१२०॥ दाणे अभिगमसद्धे सम्मत्ते खलु तहेव मिच्छत्ते । मामाए अचियत्ते कुलाइं दायंति गीयत्था ॥१॥ कयउस्सग्गामंतण पुच्छणया अकहिएगयरदोसा । ठवणकुलाण य ठवणा पविसइ गीयत्थसंघाडो ॥२॥ गच्छंमि एस कप्पो वासावासे तहेव उडुबुद्धे । गामागरनिगमेसुं अइसेसी ठावए सड्ढी ॥३॥ भा० । किं कारणं चमढणा दव्वखओ उग्गमोऽविय न सुज्जे । गच्छंमि निययकज्जे आयरियगिलाणपाहुणए ॥२३८॥ पुव्विंपि वीरसुणिया छिक्का छिक्का पहावए तुरियं । सा चमढणाए सि (खि) न्ना संतंपि न इच्छए घेतुं ॥४॥ भा० । एवं सड्ढकुलाइं चमढिज्जंताइं ताइं अण्णेहिं । निच्छंति किंचि दाउं संतंपि तयं गिलाणस्स ॥५॥ दव्वक्खएण पंतो इत्थिं घाएज्ज कीस ते दिण्णं ? । भद्दो हट्टपहट्टो करेज्ज अन्नंपि समणट्ठा ॥६॥ आयरिअणुकंपाए गच्छो अणुकंपिओ महाभागो । गच्छाणुकंपयाए अब्बोच्छिती कया तित्थे ॥७॥ परिहीणं तं दव्वं चमढिज्जंतं तु अण्णमण्णेहिं । परिहीणंमि य दव्वे नत्थि गिलाणस्स जं जोग्गं ॥८॥ चत्ता होंति

गिलाणा आयरिया बालवुड्ढसेहा य । खमगा पाहुणगाविय मज्जायमइक्कमंतेणं ॥९॥ सारक्खिया गिलाणा आयरिया बालवुड्ढसेहा य । खमगा पाहुणगाविय मज्जायं ठावयंतेणं ॥१३०॥ भा० । जड्ढे महिसे चारी आसे गोणे अ तेसि जावसिआ । एएसिं पडिवक्खे चत्तारि उ संजया हुंति ॥२३९॥ जड्ढो जं वा तं वा सुकुमारं महिसिओ महुरमासो । गोणो सुगंधद्वं इच्छइ एमेव साहूवि ॥१॥ भा० । एवं च पुणो ठविए अप्पविसंते भवे इमे दोसो । वीसरण संजयाणं विसुक्ख गोणो अ आरामो ॥२॥ अलसं घसिरं सुविरं खमगं कोहमाणमायलोहिल्लं । कोऊहलपडिबद्धं वेयावच्चं न कारिज्जा ॥१३३॥ भा० । ता अच्छइ जा फिडिओ सइकालो अलस सोविरे दोसा । गुरुमाई तेण विणा विराहुणस्सक्क ठवणाई ॥प्र०१७॥ अप्पत्ते अविलंभो हाणी ओसक्कणाइ अइभदे । अणहिंदंतो अ चिरं न लहइ जंकिंचि वा णेइ ॥१८॥ गिण्हामि अप्पणो ता पज्जत्तं तो गुरुण पच्छा उ । धित्तूण तेसि पच्छा सीअलओसक्कमाईओ ॥१९॥ परिआविज्जइ खवगो अह गिण्हइ अप्पणो इअरहाणी ॥ अविदिन्ने उमपाणाइ थद्धो न उ गच्छई पुणो जं च । माई भद्दगभोई पंतेण उ अप्पणो छाए ॥२०॥ ओहासइ खीराई विज्जंतं वा न वारई लुद्धो । जे अगवेसणदोसा एगस्स य ते लुद्धस्स ॥२१॥ नडमाई पिच्छंतो ता अच्छइ जाव फिड्ढई वेला । सुत्तथे पडिबद्धो ओसक्कणुसक्कमाईआ ॥प्र० २२ ॥ एयदोसविमुक्कं कडजोगिं नायसीलमायारं । गुरुभत्तिमं विणीयं वेयावच्चं तु कारेज्जा ॥१३४॥ भा० । साहंति य पिअधम्मा एसणदोसे अभिग्गहविसेसे । एवं तु विहिग्गहणे द्वं वड्ढंति गीयत्था ॥५॥ दव्वप्पमाणगणणा स्वारिअ फोडिअ तहेव अद्धा य । संविग्ग एगठाणे अणेगसाहूसु पन्नरस ॥६॥ संघाडेगो ठवणाकुलेसु सेसेसु बालवुड्ढाई । तरूणा बाहिरगामे पुच्छा दिट्ठंतऽगारीए ॥१३७॥भा० । पुच्छा गिहिणो चिंता दिट्ठंतो तत्थ खुज्जबोरीए । आपुच्छिऊण गमणं दोसा य इमे अणापुच्छे ॥२४०॥ परिमिअभत्तगदाणे नेहादवहरइ थोव थोवं तु । पाहुण वियाल आगम विसन्न आसासणा दाणं ॥८॥ भा० । एवं पीइविवुड्ढी विवरीयऽण्णेण होइ दिट्ठंतो । लोउत्तरे विसेसो असंचया जेण समणा उ ॥९॥ जणलावो परगामे हिंदिन्ताऽऽणंति वसइ इह गामे । दिज्जह बालाईणं कारणजाए य सुलभं तु ॥१४०॥ पाहुणविसेसदाणे निज्जर किती य इहर विवरीयं । पुवं चमढणसिग्गा न देंति संतंपि कज्जेसु ॥१॥ गामभ्भासे बयरी नीसंदकडुप्फला य खुज्जा य । पक्कामालसडिंभा घा (खा) यंति घ (य) रे गया दूरे ॥२॥ गामभ्भासे बयरी नीसंदकडुप्फला य खुज्जा य । पक्कामालसडिंभा खायंतियरे गया दूरं ॥३॥ सिग्घयरं आगमणं तेसिऽण्णेसिं च देंति सयमेव । खायंती एमेव उ आयपरहिआवहा तरूणा ॥४॥ खीरदहिमाइयाणं लंभो सिग्घतरगं च आगमणं । पइरिक्क उग्गमाई विजढा अणुकंपिआ इयरो ॥५॥ आपुच्छिअ उग्गाहिअ अण्णं गामं वयं तु वच्चामो । अण्णं च अपज्जत्ते होंति अपुच्छे इमे दोसा ॥६॥ तेणाएसगिलाणे सावय इत्थी नपुंस मुच्छा य । आयरिअबालवुड्ढा सेहा खमगा य परिचत्ता ॥१४७॥भा० । आयरिए आपुच्छा तस्संदिट्ठे व तंमि उवसंते । चेइयगिलाणकज्जाइएसु गुरुणो य निग्गमणं ॥२४१॥ भण्णइ पुव्वनिउत्ते आपुच्छित्ता वयंति ते समणा । अणभोगे आसन्ने काइयउच्चारभोमाई ॥२॥ दवमाइनिग्गयं वा सेज्जायर पाहुणं च अप्पाहे । असइं दूरगओऽविय नियत्त इहरा उ ते दोसा ॥३॥ अण्णं गामं च वए इमाइं कज्जाइं तत्थ नाऊणं । तत्थवि अप्पाहणया नियत्तई वा सईकाले ॥४॥ दूरट्ठिअ खुइडलए नव भड अगणी य पंत पडिणीए । पाओग्गकालऽइक्कम एक्कगलंभो अपज्जत्तं ॥५॥ पाउग्गाईणमसई संविगं सण्णिमाइ अप्पाहे । जइ य चिरं तो इयरे ठवित्तु साहारणं भुंजे ॥६॥ जाएँ दिसाए उ गया भत्तं घेतुं तओ पडियरंति । अणपुच्छनिग्गयाणं चउद्विसं होइ पडिलेहा ॥७॥ पंथेणो दो उप्पहेण सद्दं करंति वच्चंता । अक्खरपडिसाडणया पडियरणिअरेसि मग्गेणं ॥८॥ गामे व गंतु पुच्छे घरपरिवाडीएँ जत्थ उ न दिट्ठा । तत्थेव बोलकरणं पिंडियजणसाहणं चेव ॥९॥ एवं उग्गमदोसा विजढा पइरिक्कया अणोमाणं । मोहतिगिच्छा य कया विरियायारो य अणुचिण्णो ॥२५०॥ अणुकंपायरियाई दोसा पइरिक्कजयणसंसट्ठं । पुरिसे काले खमणे पढमालिय तीसु ठाणेसु ॥१॥ चोयगवयणं अप्पाऽणुकंपिओ ते य भे परिचत्ता । आयरियअणुकंपाए परलोए इह पसंसणया ॥८॥ भा० । एवंपि अपरिचत्ता काले खवणे य असहुफरिसे य । कालो गिम्हो उ भवे खमगो वा पढमबिइएहिं ॥९॥ जइ एवं संसट्ठं अप्पत्ते दोसिणाइणं गहणं । लंबणभिक्खा दुविहा जहण्णमुक्कोस तिअपणाए ॥१५०॥ भा० । एगत्य होइ भत्तं बिइयंमि पडिग्गहे दवं होइ । पाउग्गायरियाई मत्ते बिइए उ संसत्तं ॥२॥ जइ रित्तो तो दव मत्तगंमि पढमालियाएँ करणं तु । संसत्तगहण दवदुल्लहे य तत्थेव जं पत्तं ॥३॥ अंतरपल्लीगहियं

पढमागहियं व सव्व भुंजेज्जा । धुवलंभसंखडीयं व जं गहियं दोसिणं वावि ॥४॥ दरहिंडिए व भाणं भरियं भोच्चा पुणोवि हिंडिज्जा । कालो वाऽइक्कमई भुंजेज्जा अंतरा सव्वं ॥५॥ एसो उ विही भणिओ तंमि वसंताण होइ खेत्तंमि । पडिलेहणंपि इत्तो वोच्छं अप्पक्खरमहत्थं ॥६॥ दुविहा खलु पडिलेहा छउमत्थाणं च केवलीणं च । अब्भितर बाहिरिआ दुविहा दव्वे य भावे य ॥७॥ पाणेहि उ संसत्ता पडिलेहा होइ केवलीणं तु । संसत्तमसंसत्ता छउमत्थाणं तु पडिलेहा ॥८॥ संसज्जइ धुवमेअं अपेहियं तेण पुव्व पडिलेहे ॥ पडिलेहिअंपि संसज्जइत्ति संसत्तमेव जिणा ॥९॥ नाऊण वेयणिज्जं अइबहुअं आउअं च थोवागं । कम्मं पडिलेहेउं वच्चंति जिणा समुग्घायं ॥२६०॥ संसत्तमसंसत्ता छउमत्थाणं तु होइ पडिलेहा । चोयग जह आरक्खी हिंडिताहिंडिया चेव ॥१॥ तित्थयरा रायाणो साहू आरक्खि भंडगं च पुरं । तेणसरिसा य पाणा तिगं च रयणा भवो दंडो ॥२॥ किं कय किं वा सेसं किं करणिज्जं तवं च न करेमि ? । पुव्वावरत्तकाले जागरओ भावपडिलेहा ॥३॥ ठाणे उवगरणे या थंडिलउवथंभमग्गपडिलेहा । किंमाई पडिलेहा पुव्वणहे चेव अवरणहे ॥२६४॥ ठाणनिसीयतुयट्टणउवगरणाईण गहणनिकखेवे । पुव्वं पडिलेहे चक्खुणा उ पच्छा पमज्जेज्जा ॥१५१॥ भा० । उड्ढनिसीयतुयट्टण ठाणं तिविहं तु होइ नायव्वं । उड्ढं उच्चारई गुरूमूलपडिक्कमागम्म ॥२॥ पक्खे उस्सासाई पुरतो अविणीय मग्गओ वाऊ । निकखम पवेसवज्जण भावासण्णो गिलाणाई ॥३॥ भारे वेयणखमगुणहमुच्छपरियावच्छिंदणे कलहो । अवाबाहे ठाणे सागारपमज्जणा जयणा ॥४॥ संडास पमज्जित्ता पुणोवि भूमिं पमज्जिआ निसिए । राओ य पुव्वभणिअं तुयट्टणं कप्पई न दिवा ॥५॥ अब्धाणपरिस्संतो गिलाणवुड्ढा अणुणवेत्ताणं । संथारूत्तरपट्टो अत्थरण निवज्जणाऽऽलोगं ॥६॥ उवगरणाईयाणं गहणे निकखेवणे य संकमणे । ठाण निरिक्खपमज्जण काउं पडिलेहए उवहिं ॥७॥ उवगरण वत्थपाए वत्थे पडिलेहणं तु वोच्छामि । पुव्वणहे अवरणहे मुहणंतगमाइ पडिलेहा ॥१५८॥ भाष्यं । उड्ढं थिरं अतुरिअं सव्वं ता वत्थ पुव्व पडिलेहे । तो बिइअं पप्फोडे तइयं च पुणो पमज्जेज्जा ॥५॥ वत्थे काउड्ढंमि य परवयण ठिओ गहाय दसियंते । तं न भवति उक्कुडुओ तिरिअं पेहे जह विलित्तो ॥१५९॥ भा० । घेत्तुं थिरं अतुरिअं तिभाग बुद्धीय चक्खुणा पेहे । तो बिइअं पप्फोडे तइयं च पुणो पमज्जेज्जा ॥१६०॥ भा० । अणच्चाविअं अवलिअं अणाणुबंधि अमोसलिं चेव । छप्पुरिमा नव खोडा पाणी पाणपमज्जणं ॥६॥ वत्थे अप्पाणंमि य चउह (३०१) अणच्चाविअं अवलिअं च । अणुबंधि निरंतरया तिरिउड्ढह य घट्टणा मुसली ॥१६१॥ भा० । आरभडा सम्मद्दा वज्जेयव्वा य मोसली तइया । पप्फोडणा चउत्थी विक्खित्ता वेइया छट्टा ॥७॥ वितहकरणे च तुरिअं अण्णं अण्णं व गेणहणाऽरभडा । अंतो व होज्ज कोणा निसियण तत्थेव संभद्दा ॥२॥ भा० । मोसलि पुव्वुद्धिट्टा पप्फोडण रेणुगुंडिए चेव । विक्खेवं तुक्खेवो वेइयपणं च छट्टोसा ॥३॥ भा० । पसिढिल पलंब लोला एगामोसा अणेगरूवधुणा । कुणइ पमाणपमायं संकियगणणोवगं कुज्जा ॥८॥ पसिढिलमघणं अतिराइयं च विसमगहणं व कोणं वा । भूमीकरलोलणया कड्ढणगहणेक्कामोसा ॥१६४॥ भा० । धुणणा तिण्ह परेणं बहूणि वा घेत्तु एक्कई धुणइ । खोडणपमज्जणासु य संकियगणणं करि पमाई ॥१६५॥ भा० । अणूणाइरित्तपडिलेहा, अविवच्चासा तहेव य । पढमं पयं पसत्थं, सेसाणि य अप्पसत्थाणि ॥२६९॥ नवि ऊणा नवि रिता अविवच्चासा उ पढमओ सुद्धो । सेसा होइ असुद्धा उवरिल्ला सत्त जे भंगा ॥१६६॥ भा० । खोडपमज्जणवेलाउ चेव ऊणाहिया मुणेयव्वा । अरूणावासग पुव्वं परोप्परं पाणिपडिलेहा ॥२७०॥ एते उ अणाएसा अंधारे उग्गएविहु न दीसे । मुहरयनिसिज्जचोले कप्पतिग दुपट्ट थुइ सूरु ॥१॥ पुरिसुवहिविवच्चासो सागरिए करिज्ज उवहिवच्चासं । आपुच्छित्ताण गुरूं पहुच्चमाणेयरे वितहं ॥२॥ पडिलेहणं करेत्तो मिहो कहं कुणइ जणवयकहं वा । देइ व पच्चखाणं वाएइ सयं पडिच्छइ वा ॥३॥ पुढवीआऊक्काएतेऊवाऊवणस्सइतसाणं । पडिलेहणापमत्तो छणहंपि विराहओ होइ ॥४॥ घडगाइपलोट्टणया मट्टिय अगणी य बीय कुंथाई । उदगया व तसेयर ओमुय संघट्ट झावणया ॥५॥ इय दव्वओ उ छणहंपि विराहओ भावओ इहरहावि । उवउत्तो पुण साहू संपत्तीए अवहओ अ ॥२३ प्र० ॥ पुढवीआउक्काएतेऊवाऊवणस्सइतसाणं । पडिलेहणमाउत्तो छणहंऽपाराहओ होइ ॥६॥ जोगो जोगो जिणसासणंमि दुक्खक्खया पउंजंते । अण्णोणमबाहाए असवत्तो होइ कायव्वो ॥७॥ जोगे जोगे जिणसासणंमि दुक्खक्खया पउंजंते । एक्केकंमि अणंता वट्टंता केवली जाया ॥८॥ एवं पडिलेहंता अईयकाले अणंतगा सिद्धा । चोयगवयणं सययं पडिलेहेमो जओ सिद्धी ॥९॥ सेसेसु अवट्टंतो पडिलेहंतोवि देसमाराहे । जइ पुण

सव्वाराहणमिच्चसि तो णं निसामेहि ॥२८०॥ पंचिंदिएहिं गुत्तो मणमाईतिविहकरणमाउत्तो । तवनियमसंजमंमि अ जुत्तो आराधओ होइ ॥१॥ इंदियविसयनिरोहो पत्तेसुवि रागदोसनिग्गहणं । अकुसलजोगनिरोहो कुसलोदय एगभावो वा ॥१६७॥भा० । अब्भित्तरबाहिरं तवोवहाणं दुवालसविहं तु । इंदियतो पुव्वुत्तो नियमो कोहाइओ बिइओ ॥८॥ पुढविदगअगणिमारूअवणस्सइबित्तिचउक्कपंचिंदी । अज्जीव पोत्थगाइसु गहिएसु असंजमो जेणं ॥९॥ पेहेत्ता संजमो वुत्तो, उपेहित्तावि संजमो । पमज्जेत्ता संजमो वुत्तो, परिट्ठावेत्तावि संजमो ॥१७०॥ ठाणाइ जत्थ चेए पुव्वं पडिलेहिऊण चेएज्जा । संजयगिहिचोयणउचोयणे य वावारओवेहा ॥१॥ उवगरणं अइरेणं पाणाई वाऽवहट्टु संजमणं । सागारिएऽपमज्जण संजम सेसे पमज्जणया ॥२॥ जोगतिगं पुव्वभणिअं समत्तपडिलेहणाए अज्झाओ । चरिमाएँ पोरिसीए पडिलेह तआ उ पायदुगं ॥१७३॥भा० । पोरिसि पमाणकालो निच्छयववहारिओ जिणक्खाओ । निच्छयओ करणजुओ ववहारमतो परं वोच्छं ॥२८२॥ अयणाईयदिणगणे अट्टगुणेगट्ठिभाइए लद्धं । उत्तरदाहिणमाई पोरिसि पयसुज्झपक्खेवा ॥३॥ अट्टेगसट्ठिभागा खयवुइठी होइ जं अहोरत्ते । तेणट्टगुणक्कारो एगट्ठी सूरतेएणं ॥प्र २४ ॥ आसाढे मासे दो पया, पोसे मासे चउप्पया । चित्तसोएसु मासेसु, तिपया हवइ पोरिसी ॥४॥ अंगुलं सत्तरत्तेणं, पक्खेणं तु दुअंगुलं । वड्ढए हायए वावि, मासेण चउरंगुलं ॥५॥ आसाढबहुलपक्खे भद्वए कत्तिए य पोसे य । फग्गुणवइसाहेसु य बोद्धवा ओमरत्ताओ ॥६॥ जेट्टामूले आसाढसावणे छहिं अंगुलेहिं पडिलेहा । अट्टहिं बीअतियंमि य तइए दस अट्टहिं चउत्थे ॥७॥ उवउज्जिऊण पुव्वं तल्लेसो जइ करेइ उवओगं । सोएण चक्खुणा घाणओ य जीहाएँ फासेणं ॥८॥ पडिलेहणियाकाले फिडिए कल्लाणगं तु पच्छित्तं । पायस्स पासु बेट्टो सोयादुवउत्त तल्लेसो ॥१७४॥ भा० । मुहणंतएण गोच्छं गोच्छगगहिअंगुलीहिं पडलाइं । उक्कुडुयभाणवत्थे पलिमंथाईसु तं न भवे ॥९॥ चउकोण भाणकण्णं पमज्ज पाएसरीय तिगुणं तु । भाणस्स पुप्फगय तो इमेहिं कज्जेहिं पडिलेहे ॥२९०॥ मूसयरयउक्केरे, घणसंताणए इय । उदए मट्ठिआ चेव, एमेया पडिवत्तिओ ॥१॥ नवगनिवेसे दूराउ उक्केरो मूसएहिं उक्किण्णो । निद्धमहि हरतणू वा ठाणं भेत्तूण पविसेज्जा ॥२॥ कोत्थलगारिअघरं घणसंताणाइया व लगेज्जा । उक्केरं सट्टाणं हरतणु संचिट्ट जा सुक्को ॥३॥ इयरेसु पोरिसितिगं संचिक्खावेत्तु तत्तिअं छिदे । सव्वं वावि विगिंचइ पोरारणं मट्ठिअं ताहे ॥४॥ पत्तं पमज्जिऊणं अंतो बाहिं सइं तु पप्फोडे । केइ पुण तिण्णि वारा चउरंगुल भूमि पडणभया ॥५॥ विंटीअबंधणधरणे अगणी तेणे य दंडियक्खोभे । उउबद्ध धरणबंधण वासासु अबंधणा ठवणा ॥२९६॥ रयताण भाण धरणा उउबद्धे निक्खिवेज्ज वासासु । अगणीतेणभएण व रायक्खोभे विराहणया ॥१७५॥भा० । परिगलमाणा हीरेज्ज डहणा भेया तहेव छक्काया । गुत्तो व सयं डज्जे हीरेज्ज व जं च तेण विणा ॥६॥ वासासु नत्थि अगणी नेव य तेणा उ दंडिया सत्था । तेण अबंधणठवणा एवं पडिलेहणा पाए ॥७॥ भा० । अणावायमसंलोए अणवाए चेव होइ संलोए । आवायमसंलोए आवाए चेव संलोए ॥७॥ तत्थावायं दुविहं सपक्खपरपक्खओ य णायव्वं । दुविहं होइ सपक्खे संजय तह संजईणं च ॥८॥ संविग्गमसंविग्गा संविग्ग मणुण्णएयरा चेव । असंविग्गावि दुविहा तप्पक्खियएअरा चेव ॥९॥ परपक्खेविय दुविहं माणुस तेरिच्छिअं च नायव्वं । एक्केक्कंपि य तिविहं पुरिसित्थिनपुंसगे चेव ॥३००॥ पुरिसावायं तिविहं दंडिअ कोडुंबिए य पागइए । ते सोयऽसोयवाई एमेवित्थी नपुंसा य ॥१॥ एए चेव विभागा परतित्थीणंपि होइ मणुयाणं । तिरिआणंपि विभागा अओ परं कित्तइस्सामि ॥२॥ दित्तादित्ता तिरिआ जहण्णमुक्कोसमज्झिमा तिविहा । एमेवित्थिनपुंसा दुगुंछिअदुगुंछिआ नेया ॥३॥ गमण मणुण्णे इयरे वितहायरणंमि होइ अहिगरणं । पउरदवकरण दट्टुं कुसील सेहऽण्णहाभावो ॥४॥ जत्थऽमहे वच्चामो जत्थ य आयरइ नाइवग्गो णे । परिभव कामेमाणा संकेयगदिन्नया वावि ॥५॥ दव अप्प कलुस असई अवण्ण पडिसेह विप्परीणामो । संकाईया दोसा पंडित्थिगहे य जं चऽण्णं ॥६॥ आहणणाई दित्ते गरहिअतिरिएसु संकमाईया । एमेव य संलोए तिरिए वज्जेतु मणुयाणं ॥७॥ कलुसदवे असई य व पुरिसालोए हवंति दोसा उ । पंडित्थीसुवि एए खद्धे वेउव्वि मुच्छा य ॥८॥ आवायदोस तइए बिइए संलोयओ भवे दोसा । ते दोवि नत्थि पढमे तहिं गमणं तत्थिमा मेरा ॥९॥ कालमकाले सण्णा कालो तइयाइ सेसयमकालो । पढमा पोरिसि आपुच्छ पाणगमपुप्फियऽण्णदिसिं ॥३१०॥ अइरेगगहण उग्गाहिएण आलोय पुच्छिउं गच्छे । एसा उ अकालंमी अणहिंडिय हिंडिया कालो ॥१॥ कप्पेऊणं पाए एक्केक्कस्स उ दुवे पडिग्गहए । दाउं दो दो गच्छे तिण्हऽट्टु दवं तु घेत्तूणं

॥२॥ अजुगलिया अतुरंता विकहारहिया वयंति पढमं तु । निसिइत्तु डगलगहणं आवडणं वच्चमासज्ज ॥३॥ अणावायमसंलोए, परस्सणुवघाइए । समे अज्जुसिरे यावि, अचिरकालकयंमि य ॥४॥ वित्थिण्णे दूरमोगाढे, नासण्णे बिलवज्जिए । तसपाणबीयरहिए, उच्चाराईणि वोसिरे ॥५॥ एगदुगतिगचउक्कग-पंचछसत्तट्टनवगदसगेहिं । संजोगा कायव्वा भंगसहस्सा चउव्वीसं ॥६॥ उभयमुहं रासिदुगं हेट्टिल्लाणंतरेण भय पढमं । लद्धहरासिविभत्ते तस्सुवरिगुणं तु संजोगा । २५ प्र० । आयापवयणसंजम तिविहं उग्घाइमं तु नायव्वं । आरामं वच्च अगणी पिट्ठण असुई य अन्नत्थ ॥१७८॥ भा० । विसम पलोट्टण आया इयरस्स पलोट्टणंमि छक्काया । झुसिरंमि विच्छुगाई उभयक्कमणे तसाईया ॥९॥ जे जंमि उउंमि कया पयावणाईहि थंडिला ते उ । होंतियरंमि चिरकया वासा वुच्छेय बारसगं ॥१८०॥ हत्थायामं चउरस्स जहणं जोयणे बिच्छक्कियरं । चउरंगुलप्पमाणं जहणयं दूरमोगाढं ॥१॥ दव्वासणं भवणाइयाण तहियं तु संजमायाए । आयापवयणसंजमदोसा पुण भावआसण्णे ॥२॥ होंति बिले दो दोसा तसेसु बीएसु वावि ते चेव । संजोगओ अ दोसा मूलगमा होंति सविसेसा ॥१८३॥ भा० । दिसिपवणगामसूरियछायाए पमज्जिऊण तिक्रवुत्तो । जस्सोग्गहोत्ति कारुण वोसिरे आयमेज्जा वा ॥३१७॥ उत्तरपुव्वा पुज्जा जम्माए निसियरा अहिवडंति । घाणाऽरिसा य पवणे सूरियगामे अवण्णे उ ॥४॥ भा० । संसत्तगहणी पुण छायाए निग्गयाए वोसिरइ । छायासइ उण्हंमिवि वोसिरिय मुहुत्तयं चिट्ठे ॥१८५॥ भा० । उवगरणं वामे ऊरुगंमि मत्तं च दाहिणे हत्थे । तत्थऽन्नत्थ व पुंछे तिहि आयमणं अदूरंमि ॥८॥ पढमासइ अमणुत्तेयराण गिहियाण वावि आलोए । पत्तेयमत्त कुरूकुय दवं च पउरं गिहत्थेसु ॥९॥ तेण परं पुरिसाणं असोयवाईण वच्च आवायं । इत्थिनपुंसालोए परंमुहो कुरूकुया सा उ ॥३२०॥ तेण परं आवायं पुरिसेअरइत्थियाण तिरियाणं । तत्थविअ परिहरेज्जा दुगुंछिए दित्तचित्ते य ॥१॥ तत्तो इत्थिनपुंसा तिविहा तत्थवि असोयवाईसु । तहिअं तु सद्दकरणं आउलगमणं कुरूकुया य ॥२॥ अव्वोच्छिन्ना तसा पाणा, पडिलेहा न सुज्झई । तम्हा हट्टपहट्टस्स, अवट्टंभो न कप्पई ॥३॥ संचर कुंथुद्देहिअलूयावेहे तहेव दाली अ । घरकोइलिआ सप्पे विस्संभर उंदुरे सरडे ॥४॥ संचारगा चउद्विसि पुव्विं पडिलेहिएवि अन्नंति । उद्देहि मूल पडणे विराहणा तदुभए भेओ ॥१८६॥ भा० । लूयाइचमढणा संजमंमि आयाए विच्छुगाईया । एवं घरकोइलिआ अहिउंदुरसरडमाईसु ॥१८७॥ भा० । अतरंतस्स उ पासा गाढं दुक्खंति तेणऽवट्टंभे । संजयपट्ठी थंभे सेलछुहाकुडडिविट्ठीए ॥५॥ पंथं तु वच्चमाणा जुगंतरं चक्खुणा व पडिलेहा । अइदूरचक्खुपाए सुहुमतिरिच्छागय न पेहे ॥६॥ अच्चासन्ननिरोहे दुक्खं दट्टुंमि पायसंहरणं । छक्कायविओरमणं सरीर तह भत्तपाणे य ॥७॥ उड्डमुहो कहरत्तो अवयक्खंतो वियक्खमाणो य । बातरकाए वहए तसेतरे संजमे दोसा ॥८॥ भा० । निरवेक्खो वच्चंतो आवडिओ खाणुकंठविसमेसु । पंचणह इंदियाणं अन्नतरं सो विराहेज्जा ॥९॥ भत्ते वा पाणे वा आवडियपडियस्स भिन्नपाए वा । छक्कायविओरमणं उड्डाहो अप्पणो हाणी ॥१९०॥ दहि घय तक्कं पयमंबिलं व सत्थं तसेतराण भवे । खद्धंमि य जणवाओ बहुफोडो जं च पारिहाणी ॥१९१॥ भा० । पत्तं च मग्गमाणे हवेज्ज पंथे विराहणा दुविहा । दुविहा य भवे तेणा परिकम्मे सुत्तपरिहाणी ॥८॥ एसा पडिलेहणविही कहिया भे धीरपुरिसपन्नत्ता । संजमगुणइढगाणं निग्गंथाणं महरिसीणं ॥९॥ एयं पडिलेहणविहिं जुजंता चरणकरणमाउत्ता । साहू खवंति कम्मं अपणेगभवसंचियमणंतं ॥३३०॥ पिंडं व एसणं वा एत्तो वोच्छं गुरूवएसेणं । गवेसणगहणघासेसणाए तिविहाए विसुद्धं ॥१॥ पिंडस्स उ निक्खेवो चउक्कओ छक्कओ य कायव्वो । निक्खेवं कारुणं परूवणा तस्स कायव्वा ॥२॥ नामं ठवणापिंडो दव्वपिंडो य भावपिंडो य । एसो खलु पिंडस्स उ निक्खेवो चउविहो होइ ॥३॥ गोणं समयकयं वा जं वावि हवेज्ज तदुभएण कयं । तं बिंति नामपिंडं ठवणापिंडं अओ वोच्छं ॥४॥ अक्खे वराडए वा कट्ठे पोत्थे व चित्तकम्मे वा । सबभावमसबभावा ठवणापिंडं वियाणाहि ॥५॥ तिविहो य दव्वपिंडो सच्चित्तो मीसओ य अच्चित्तो । अच्चित्तो य दसविहो सच्चित्तो मीसओ नवहा ॥६॥ पुढवी आउक्काए तेऊवाऊवणस्सई चेव । बिअतिअचउरो पंचिंदिया य लेवो य दसमो उ ॥७॥ पुढविक्काओ तिविहो सच्चित्तो मीसओ य अच्चित्तो । सच्चित्तो पुण दुविहो निच्छयववहारिओ चेव ॥८॥ निच्छयओ सच्चित्तो पुढविमहापव्वयाण बहुमज्झे । अच्चित्तमीसवज्जो सेसो ववहारसच्चित्तो ॥९॥ खीरदुमहेट्ट पंथे कट्ठोल्ला इंधणे य मीसो य । पोरिसि एगदुगतिगं बहुइंधणमज्झथोवे अ ॥३४०॥ सीउण्हखारखत्ते अग्गीलोणूस अंबिले नेहे । वक्कंतजोणिणं पओयणं तेणिमं होति ॥१॥ अवरद्धिग विसबंधे लवणेण व सुरभिउवलणं

च । अच्चित्तस्स उ गहणं पओयणं होइ जं चऽन्नं ॥२॥ ठाणनिसीयतुयट्टणउच्चारईणि चैव उस्सग्गो । घट्टगडगलगलेवो एमाइ पओयणं बहुहा ॥३॥ घणउदही घणवलया करगसमुद्दहाण बहुमज्जे । अह निच्छयसच्चित्तो ववहारनयस्स अगडाई ॥४॥ उसिणोदगमणुवत्ते दंडे वासे य पडिअमेत्ते य । मोत्तूणाएसतिगं चाउलउदगं बहु पसन्नं ॥५॥ आएसतिगं बुब्बुय बिन्दू तह चाउला न सिज्झंति । मोत्तूण तिण्णिऽवेए चाउलउदगं बहु पसणं ॥६॥ सीउणहरखरक्ते अग्गीलोणूस अंबिले नेहे । वक्कंतजोणिएणं पओयणं तेणिमं होति ॥७॥ परिसेयपियणहत्थाइधोयणा चीरधोयणा चैव । आयमण भाणधुवणे एमाइ पओयणं बहुहा ॥८॥ उउबद्धधुवण बाउस बंभविणासो अठाणठवणं च । संपाइमवाउवहो पलवण आतोपघातो य ॥९॥ अइभार चुडण पणए सीयल पावरण अजीर गेलन्ने । ओभावण कायवहो वासासु अधोवणे दोसा ॥३५०॥ अप्पत्ते चिय वासे सव्वं उवहिं धुवंति जयणाए । असइए व दवस्स उ जहन्नओ पायनिज्जोगो ॥१॥ आयरियगिलाणाणं मइला मइला पुणोवि धोवंति । मा हु गुरूण अवन्नो लोगंमि अजीरणं इयरे ॥२॥ पायस्स पडोयारं दुन्निसज्ज तिपट्ट पोत्ति रयहरणं । एते ण य विस्सामे जयणा संकामणा धुवणा ॥३॥ अब्भित्तरपरिभोगं उवरिं पाउणइ णातिदूरे य । तिन्नि य तिन्नि य एक्कं निसिउं काउं पडिच्छेज्जा ॥४॥ केई एक्केक्कनिसिं संवासेउं तिहा पडिच्छंति । पाउणिय जइ ण लग्गंति छप्पया ताहे धोवेज्जा ॥५॥ निव्वोदगस्स गहणं केई भाणेसु असुइ पडिसेहो । गिहिभायणेसु गहणं ठिय वासे मीसिअं छारो ॥६॥ गुरूपच्चक्खाणगिलाणसेहमाईण धोवणं पुव्वं । तो अप्पणा पुव्वमहाकडे य इतरे दुवे पच्छा ॥७॥ अच्छोडपिट्टणासु त ण धुवे धावे पतावणं न करे । परिभोगमपरिभोगे छायातव पेह कल्लाणं ॥८॥ इट्टगपागाईणं बहुमज्जे विज्जुयाइ निच्छइओ । इंगालाई इयरो मुम्मुरमाई य मिस्सो उ ॥९॥ ओदणवंजणपाणगआयामुसिणोदगं च कुम्मासा । डगलगसरक्खसूई पिप्पलमाई य परिभोगो ॥३६०॥ सवल्लयघणतणुवाया अतिहिमअतिदुद्धिणे य निच्छइओ । ववहार पाय (इ) माई अक्कंतादी य अच्चित्तो ॥१॥ हत्थसयमेग गंता दइउ अच्चित्तो बिइय संमीसो । तइयंमि उ सच्चित्तो वत्थी पुण पोरिसिदिणेहिं ॥२॥ दइएण वत्थिणा वा पओयणं होज्ज वाउणा मुणिणो । गेलन्नंमि व होज्जा सच्चित्तमीसे परिहरेज्जा ॥३॥ सव्वो वऽणंतकाओ सच्चित्तो होइ निच्छयनयस्स । ववहाराउ अ सेसो मीसो पव्वायरोट्टाई ॥४॥ संथारपायदंडगखोमिअकप्पाइ पीढफलगाई । ओसहभेसज्जाणि य एमाइ पओयणं तरूसु ॥५॥ बियतियचउरो पंचिंदिया य तिप्पभिइं जत्थ उ समंति । सट्टाणे सट्टाणे सो पिंडो तेण कज्जमिणं ॥६॥ बेइंदियपरिभोगो अक्खाण ससंखसिप्पमाईणं । तेइंदियाण उद्देहिगाइ जं वा वए विज्जो ॥७॥ चउरिंदियाण मक्खियपरिहारो आसमक्खिया चैव । पंचिंदिअपिंडमि उ अव्ववहारी उ नेरइया ॥८॥ चम्मदिट्टदंतनहरोमसिंअमिलाइछगणगोमुत्ते । खीरदहिमाइयाणं पंचिंदिअतिरिअपरिभोगो ॥९॥ सच्चित्तो पव्वावण पंथुवदेसे य भिक्खदाणाई । सीसट्टिय अच्चित्ते मीसट्टि सरक्खपहपुच्छा ॥३७०॥ खमगाइकालकजातिएसु पुच्छेज्ज देवयं किंचि । पंथे सुभासुभे वा पुच्छेज्ज व दिव्वमुवओगो ॥१॥ अह होइ लेवपिंडो संजोगेणं नवण्ह पिंडाणं । नायव्वो निप्फन्नो परूवणा तस्स कायव्वा ॥२॥ अव्वक्कालिअलेवं भणंति लेवेसणा नवि अ दिट्ठा । ते वत्तव्वा लेवो दिट्ठो तेलुक्कदंसीहिं ॥३॥ आयापवयणसंजमउवघाओ दीसई जओ तिविहो । तम्हा वदंति केई न लेवगहणं जिणा बिंति ॥१९२॥ भा० । रहपडणउत्तिमंगाइभंजणं घट्टणे य करघाओ । अह आयविराहणया जक्खुल्लिहणे पवयणंमि ॥३॥ गमणागमणे गहणा तिट्ठाणे संयमे विराहणया । महिसरिउम्मगहरिआ कुंथू वासं रओ व सिया ॥४॥ दोसाणं परिहारो चोयग ! जयणाइ कीरई तेसिं । पाए उ अलिप्पंते ते दोसा हुंति णेगगुणा ॥५॥ उड्ढाई विरसंमी भुंजमाणस्स हुंति आयाए । दुग्गंधि भायणंमि य गरहइ लोगो पवयणंमि ॥६॥ पवयणघाया अन्नेवि होंति जयणा उ कीरई तेसिं । आयमणभोयणाई लेवे तव मच्छरो को णु ? ॥१९७॥ भा० । खंडंमि मग्गियंमि य लोणे दिन्नंमि अवयवविणासो । अणुकंपाई पाणंमि होइ उदगस्स उ विणासो ॥४॥ पूयलिअलग्गअगणी पलीवणं गाममाइणो होज्जा । रोट्टपणगा तरुंमी भिगुकुंथादी व छट्टंमि ॥५॥ पायग्गहणंमी देसियंमि लेवेसणावि खलू वुत्ता । तम्हा आणयणा लिंपणा य पायस्स जयणाए ॥६॥ हत्थोवघाय गंतूण लिंपणा सोसणा य हत्थंमि । सागारिए पभु जिंघणा य छक्कायजयणा य ॥७॥ चोदगवयणं गंतूण लिंपणा आणणे बहू दोसा । संपाइमाइघाओ अतिउव्वरिए य उस्सग्गो ॥१९८॥ भा० । एवंपि भाणभेओ वियावडे अत्तणो य उवघाओ । नीसंकिंयं च पायंमि गिणहणे इहरहा संका ॥९॥ जइ ते हत्थुवघाओ आणिज्जंतम्मि होइ लेवम्मि । पडिलेहणाइ चिट्ठा तम्हा

उ न काइ कायव्वा ॥२६ प्र० ॥ चोएइ पुणो लेवं आणेउं लिंपिऊण तो हत्थे । अच्छउ धारेमाणो सहवनिक्खेवपरिहारी ॥२००॥ एवं होउवघाओ आताए संजमे पवयणे य । मुच्छाई पवडंते तम्हा उ न सोसए हत्थे ॥१॥ भा० । दुविहा य होंति पाया जुत्ता य नवा य जे उ लिप्पंति । जुत्ते दाएऊणं लिंपइ पुच्छा य इयरेसिं ॥८॥ पाडिच्छगसेहाणं नाऊणं कोइ आगमणमाई । दढलेवेवि उ पाए लिंपइ मा एसु देज्जेज्जा ॥९॥ अहवावि विभूसाए लिंपइ जा सेसगाण परिहाणी । अपडिच्छणे य दोसा संहे काया अओ दाए ॥२०२॥ भा० । पुव्वण्ह लेवदाणं लेवग्गहणं सुसंवरं काउं । लेवस्स आणणालिंपणे य जयणाविही वोच्छं ॥३८०॥ पुव्वण्ह लेवगहणं काहंति चउत्थगं करेज्जाहि । असहू वासिअभत्तं अकारऽलंभे य दिंतियरे ॥३॥ भा० । कयकितिकम्मो छंदेण छंदिओ भणइ लेवऽहं घेत्तुं । तुब्भंपि अत्थि अट्ठो ? आमं तं कित्तिअं किं वा ॥१॥ सेसेवि पुच्छिऊणं कयउस्सग्गो गुरुं पणमिऊणं । मल्लगरूवे गिण्हइ जइ तेसिं कप्पिओ होइ ॥२॥ गीयत्थपरिग्गाहिअ अयाणओ रूवमल्लए घेत्तुं । छारं च तत्थ वच्चइ गहिए तसपाणरक्खट्ठा ॥३॥ वच्चंतेण य दिट्ठं सागादिदुचक्कगं तु अब्भासे । तत्थेव होइ गहणं न होइ सो सागरिअपिंडो ॥४॥ गंतुं दुचक्कमूलं अणुन्नवेत्ता पहुंति साहीणं । एत्थ य पहुत्ति भणिए कोई गच्छे निवसमीवे ॥५॥ किं देमित्ति नरवई ? तुज्झं खरमक्खिआ दुचक्केत्ति । सो अ पसत्थे लेवो एत्थ य भद्देतरे दोसा ॥६॥ तम्हा दुचक्कवइणा तस्संदिट्ठेण वा अणुत्ताए । कडुगंधजाणणट्ठा जिंधे नासं तु अफुसंता ॥७॥ हरिए बीए चले जुत्ते, वच्छे साणे जलट्टिए । पुढवी संपाइमा सामा, महवाते महियाऽमिए ॥८॥ हरिए बीएसु तहा अणंतरपरंपरेविय चउक्को । आया दुपयं च पतिट्ठियंति एत्थंपि चउभंगो ॥२०४॥ भा० । दव्वे भावे य चलं दव्वंमि दुपइट्ठिअं तु जं दुपयं । आया य संजमंमि अ दुविहा उ विराहणा तत्थ ॥५॥ भावचलं गंतुमणं गोणाई अंतराइयं तत्थ । जुत्तेवि अंतरायं वित्तस चलणे य आयाए ॥६॥ वच्छो भएण नासइ भंडिक्खोभेण आयवावत्ती । आया पवयण साणे काया य भएण नासंति ॥७॥ जो चेव य हरिएसुं सो चेव गमो उ उदगपुढवीसु । संपाइमा तसगणा सामाए होइ चउभंगो ॥८॥ वाउंमि वायमाणेसु संपयमाणेसु वा तसगणेसु । नाणुत्तायं गहणं अमियस्स य मा विगिंचणया ॥२०९॥ भा० । एयद्वोसविमुक्कं घेत्तुं छारेण अक्कमित्ताणं । चीरेण बंधिऊणं गुरुमूल पडिक्कमालोए ॥९॥ दंसिअछंदिअगुरुसेसएसु ओमत्थियस्स भाणस्स । काउं चीरं उवरिं रूयं च छुभेज्ज तो लेवं ॥३९०॥ अंगुट्ठपएसिणिमज्झिमाए घेत्तुं घणं तओ चीरं । आलिंपिऊण भाणे एक्कं दो तिण्णि वा घट्टे ॥१॥ अन्नोऽन्नं अंकमि उ अन्नं घट्टेइ वारवारेणं । आणेइ तमेव दिणं दवं रएउं अभत्तट्ठी ॥२॥ अभत्तट्ठियाण दाउं अन्नेसिं वा अहिंडमाणाणं । हिंडेज्ज असंथरणे असहू घेत्तुं अरइयं तु ॥३॥ न तरेज्जा जइ तिण्णि हिंडावे तओ य छारेणं । उच्चुण्णेउं हिंडइ अन्ने य दवं सि गेण्हंति ॥४॥ लेत्थारियाणि जाणि उ घट्टगमाईणि तत्थ लेवेणं । संजमफाइनिमित्तं ताई भूईइ गुंडेज्जा ॥५॥ एवं लेवग्गहणं आणयणं लिंपणा य जयणा य । भणियाणि अतो वोच्छं परिकम्मविहिं तु लेवस्स ॥६॥ लित्ते छगणिअछारो घणेण चीरेणऽबंधिउं उण्हे । अंछण परियत्तण घट्टणे य धोवे पुणो लेवो ॥७॥ दाउं सरयत्ताणं पत्ताबंधं अबंधणं कुज्जा । साणाइरक्खणट्ठा पमज्ज छाउण्हसंकमणा ॥२१०॥ तद्विवसं पडिलेहा कुंभमुहाईण होइ कायव्वा । छन्ने य निसं कुज्जा कयकज्जाणं विउस्सग्गो ॥२११॥ भा० । अट्टगहेउं लेवाहियं तु सेसं सरूवगं पीसे । अहवावि नत्थि कज्जं सरूवमुज्जे तओ विहिणा ॥८॥ पढमचरिमा सिसिरे गिम्हे अब्धं तु तासि वज्जेज्जा । पायं ठवे सिणेहातिरक्खणट्ठा पवेसो वा ॥९॥ उवओगं च अभिक्खं करेइ वासाइरक्खणट्ठाए । वावारेइ व अन्ने गिलाणमाईसु कज्जेसु ॥४००॥ एक्को व जहन्नेणं दुग तिग चत्तारि पंच उक्कोसा । संजमहेउं लेवो वज्जित्ता गारवविभूसा ॥१॥ अणुवट्ठंते तहवि हु सव्वं अवणित्तु तो पुणो लिंपे । तज्जाय सचोप्पडगं घट्टगरइयं ततो धोवे ॥२॥ तज्जायजुत्तिलेवो खंजणलेवो य होइ बोद्धव्वो । मुद्धिअनावाबंधो तेणयबंधेण पडिकुट्ठो ॥३॥ जुत्ती उ पत्थराई पडिकुट्ठो सो उ सन्निही जे णं । दय सुकुमार असन्निहि खंजणलेवो अओ भणिओ ॥४॥ संजमहेउं लेवो न विभूसाए वदंति तित्थयरा । सइ असइ य दिट्ठंतो सइ साहम्मे उवणओ उ ॥५॥ भिज्जिज्ज लिप्पमाणं लित्तं वा असइए पुणो बंधो । मुद्धिअनावाबंधो न तेणएणं तु बंधिज्जा ॥६॥ खरअयसिकुसुंभसरिसव कमेण उक्कोसमज्झिमजहन्ना । नवणीए सप्पिवसा गुडेण लोणेणऽलेवो उ ॥७॥ पिंड निकाय समूहे संपिंडण पिंडणा य समवाए । समोसंरण निचय उवचय चए य जुम्मे य रासी य ॥८॥ दुविहो य भावपिंडो पसत्थओ होइ अप्पसत्थो य । दुगसत्तट्ठचउक्कग जेणं वा बज्झए इयरो ॥९॥ तिविहो होइ पसत्थो नाणे तह दंसणे चरित्ते य । मोत्तूण अप्पसत्थे पसत्थपिंडेण

अहिगारो ॥४१०॥ लित्तंमि भायणंमि उ पिंडस्स उवग्गहो उ कायव्वो । जुत्तस्स एसणाए तमहं वोच्छं समासेण ॥२१२॥ भा० । नामं ठवणा दविए भावंमि य एसणा मुणेयव्वा । द्ववंमि हिरण्णाई गवेसगहभुंजणा भावे ॥१॥ पमाण काले आवस्सए य संघाडए य उवकरणे । मत्तग काउस्सग्गो जस्स य जोगो सपडिवक्खो ॥२॥ दुविहं होइ पमाणं कालं भिक्खा पवेसमाणं च । सन्ना भिक्खायरिआ भिक्खे दो काल पढमद्धा ॥२१३॥भा० । आरेण भद्दपंता भद्दग उट्टवण भंडण पदोसा । दोसीणपउरकरणं ठवियगदोसा य भद्दंमि ॥४॥ अद्दागडमंगलं वा उब्भावण खिंसणा हणण पंते । फिडिउग्गमे य ठविया भद्दगचारी किलिस्सणया ॥५॥ भिक्खस्सविय अवेला ओसक्कड्हिसक्कणे भवे दोसा । भद्दगपंतातीया तम्हा पत्ते चरे काले ॥६॥ आवस्सग सोहेउं पविसे भिक्खस्सडसोहणे दोसा । उग्गाहिअवोसिरणे दवअसईए य उड्डाहो ॥७॥ अइदूरगमणफिडिओ अलहंतो एसणंपि पेल्लेज्जा । छड्डावण पंतावण धरणे मरणं च छक्काया ॥२१८॥ भा० । एगाणियस्स दोसा इत्थी साणे तहेव पडिणीए । भिक्खडविसोहि महव्वय तम्हा सबितिज्जए गमणं ॥४१३॥ संघाडगअग्गहणे दोसा एगस्स इत्थियाउ भवे । साणे भिक्खुवओगे संजमआएगयरदोसा ॥२१९॥ भा० । दोण्णि उ दुद्धरिसतरा एगोत्ति हणे पदुट्टपडिणीए । तिघरगहणे असोही अग्गहण पदोसपरिहाणी ॥२२०॥ पाणिवहो तिसु गहणे पउंजणे कौटलस्स बितियं तु । तेणं उच्छुद्धाई परिग्गहोडणे सणग्गहणे ॥१॥ विहवा पउत्थवइया पयारमलभंति दट्टुमेगाणिं । दारपिहाणय गहणं इच्छमणिच्छे य दोसा उ ॥२२२॥ भा० । गारविए काहीए माइल्ले अलस लुद्ध निद्धम्मे । दुल्लभ अत्ताहिट्टिय अमणुत्ते वा असंघाडो ॥४१४॥ संघाडगरायणिओ अलद्धि ओमो य लद्धिसंपन्नो । जेदुग्ग पडिग्गहणं मुह (य) गारवकारणा एगो ॥२२३॥ भा० । काहीउ कहेइ कं बिइओ वारेइ अहव गुरूकहणं । एवं सो एगागी माइल्लो भद्दगं भुंजे ॥४॥ अलसो चिरं न हिंडइ लुद्धो ओहासए विगईओ । निद्धम्मोडणेसणाई दुल्लहभिक्खे व एगागी ॥५॥ अत्ताहिट्टियजोगी असंखडीओ वडणिट्टु सव्वेसिं । एवं सो एगागी हिंडइ उवएसडणुवदेसा ॥६॥ सव्वोवगरणमाया असहू आयारभंडणेण सह । नयणं तु मत्तगस्सा न य परिभोगो विणा कज्जे ॥७॥ आपुच्छणत्ति पढमा बिइया पडिपुच्छणा य कायव्वा । आवस्सिया य तइया जस्स य जोगो चउत्थो उ ॥२२८॥ भा० । आयरियाईणड्ढा ओमगिलाणट्टया य बहुसोडवि । गेलन्नखमगपाहुण अतिप्पएडतिच्छिए यावि ॥५॥ अणुकंपापडिसेहो कयाइ हिंडेज्ज वा न वा हिंडे । अणभोगि गिलाणट्टा आवस्सगडसोहइत्ताणं ॥६॥ आसन्नाउ नियत्ते कालि पहुप्पंति दूरपत्तोवि । अपहुप्पंते तो च्विय एगु धरे वोसिरे एगो ॥७॥ भावासन्नो समणुनन अन्नओसन्नसइढवेज्ज घरे । सल्लपरूवण वेज्जो तत्थेव परोहडे वावि ॥८॥ एसिं असईए रायपहे दो घराण वा मज्झे । हत्थं हत्थं मुत्तुं मज्झे सो नरवइस्स भवे ॥प्र०२७॥ उग्गह काइयवज्जं छंडण ववहारू लब्भए तत्थ । गारविए पन्नवणा तव चेव अणुग्गहो एस ॥९॥ जइ दोण्ह एग भिक्खा न य वेल पहुप्पए तओ एगो । सव्वेवि अत्तलाभी पडिसेहमणुत्त पियधम्मे ॥४२०॥ अमणुत्त अन्नसंजोइया उ सव्वेवि णेच्छण विवेगो । बहुगुणतदेक्कदोसे एसणबलवं नउ विगिंचे ॥१॥ इत्थीगहणे धम्मं कहेइ वयठवण गुरूससमीवंमि । इह चेषोवर रज्जू भएण मोहोवसम तीए ॥२॥ साणा गोणा इयरे परिहरडणाभोग कुड्डकडनीसा । वारइ य दंडएणं वारावे वा अगारेहिं ॥३॥ पडिणीयगेहवज्जण अणभोगपविट्टु बोलनिकखमंण । मज्झे तिण्ह घराणं उवओग करेउ गेणहेज्जा ॥४॥ वेंटल पुट्टो न याणे आयन्नातीणि वज्जए ठाणे । सुद्धं गवेस उंढं पंचडइयारे परिहरंतो ॥५॥ जहणेण चोलपट्टो वीसरणालू गहाय गच्छेजा । उस्सग्ग काउ गमणे मत्तयडगहणे इमे दोसा ॥६॥ आयरिए य गिलणे पाहुणए दुल्लहे सहसलाभे । संसत्तभत्तपाणे मत्तगगहणं अणुत्तायं ॥७॥ पाउग्गायरियाई कह गिणहउ मत्तए अगहियंमि । जा एसि विराहणया दवभाणे जं दवेण विणा ॥२२९॥ भा० । दुल्लहदव्वं व सिया घयाइ गिणहे उवग्गहकरं तु । पउरडन्नपाणलंभो असंथरे कत्थ य सिया उ ? ॥२३०॥ संसत्तभत्तपाणे मत्तग सोहेउ पक्खिखे उवरिं । संसत्तगं च णाउं परिट्टवे सेसरक्खट्टा ॥२३१॥ भा० । गेलन्नकज्जतुरिओ अणभोगेणं च लित्त अग्गहणं । अणभोग गिलाणट्टा उस्सग्गदीणि नवि कुज्जा ॥८॥ जस्स य जोगमकाऊण निग्गमो लभई तु सच्चित्तं । न य वत्थपा-यमाई तेणं गहणे कुणसु तम्हा ॥९॥ सो आपुच्छि अणुत्ताओं सग्गामे हिंड अहव परगामे । सग्गामे सइकाले पत्ते परगामे वोच्छामि ॥४३०॥ पुरतो जुगमायाए गंतूणं अन्नगामबा-हिठओ । तरुणे मज्झिम थरे नव पुच्छाओ जहा हेट्टा ॥१॥ पायपमज्जणपडिलेहणा उ भाणदुग देसकालंमि । अप्पत्तेडविय पाए पमज्ज पत्ते य पायदुगं ॥२॥ समणं समणिं सावग साविय गिहि

अन्नतित्थि बहि पुच्छे । अत्थीह समण सुविहिया सिद्धे तेसालंय गच्छे ॥३॥ समणुणोसु पवेसो बाहिं ठविऊण अन्न किइकम्मं । खग्गूडे सन्नेसुं ठवणा उच्छोभवंदणयं ॥४॥ गेलन्नाइ अबाहा पुच्छिय सयकारणं च दीवित्ता । जयणशए ठवणकुले पुच्छइ दोसा अजयणाइ ॥५॥ दाणे अभिगमसइडे संमत्ते खलु तहेव मिच्छत्ते । मामाए अचियत्ते कुलाइं जयणाइ दायंति ॥६॥ सागारि वणिम सुणए गोणे पुन्ने दुगुंछियकुलाइं । हिंसागं मामागं सव्वपयत्तेण वज्जेज्जा ॥७॥ बाहाए अंगुलीय व लट्ठीइ व उज्जुओ ठिओ संतो । न पुच्छेज्ज न दाएज्जा पच्चावाया भवे दोसा ॥८॥ अगणीण व तेणेहि व जीवियववरोवणं तु पडिणीए । खरओ खरिया सुणहा णट्ठे वट्ठक्खुरे संका ॥९॥ पडिकुट्टकुलाणं पुण पंचविहा थूभिआ अभिन्नाणं । भग्गघरगोपुराई रुक्खा नाणविहा चेव ॥१०॥ ठवणा मिलक्खुनेइडं अचियत्तघरं तहेव पडिकुट्टं । एयं गणधरमेरं अइक्कमंतो विराहेज्जा ॥११॥ छक्कायदयावंतोऽवि संजओ दुल्लहं कुणइ बोहिं । आहारे नीहारे दुगुंछिया पिंडगहणे य ॥१२॥ जे जहिं दुगुंछिया खलु पव्वावणवसहिभत्तपाणेसु । जिणवयणे पडिकुट्टा वज्जेयव्वा पयत्तेणं ॥१३॥ अट्टारस पुरिसेसुं वीसं इत्थीसु दस नपुंसेसुं । पव्वावणाएँ एए दुगुंछिया जिणवरमयंमि ॥१४॥ दोसेण जस्स अयसो आयासो पवयणे य अग्गहणं । विप्परिणामो अप्पच्चओ य कुच्छा य उप्पज्जे ॥१५॥ पवय-णमणपेहंतम्मस तस्स निब्बंधसस्स लुद्धस्स । बहुमोहस्स भगवया संसाराऽणंतओ भणिओ ॥१६॥ जो जह व तह व लब्धं गिणहइ आहारउहिमाईयं । समणगुणमुक्कजोगी संसारपवइढओ भणिओ ॥१७॥ एसणमणेसणं वा कह ते नाहिंति जिणवरमयं वा । कुरिणंमिव पोयाला जे मुक्का पव्वइयमेत्ता ? ॥१८॥ गच्छंमि केइ पुरिसा सउणी जह पजरंतरनिरुद्धा । सारणवारण-चइया पासत्थ गया पविहरंति ॥१९॥ तिविहोवघायमेयं परिहरमाणो गवेसए पिंडं । दुविहा गवेसणा पुण दव्वे भावे इमा दव्वे ॥२०॥ जियसत्तुदेविचित्तसभपविसणं कणगपिट्ठपास णया । डोहल दुब्बल पुच्छा कहणं आणा य पुरिसाणं ॥२१॥ सीवन्निसरिसमोदगकरणं सीवन्निरुक्खहेट्ठेसु । आगमण कुरंगाणं पसत्थअपसत्थउवमा उ ॥२२॥ विइयमेयं कुरंगाणं जया सीवन्नि सीदई । पुरावि वाया वायंति, न उणं पुंजगपुंजगा ॥२३॥ हत्थिगहणंमि गिम्हे अरहट्ठेहिं भरणं तु सरसीणं । अच्चुदएण नलवणा अभिरुढा गयकुलागमणं ॥२४॥ विइय मेयं गयकुलाणं, जहा रोहंति नलवणा अन्नयावि झरंति सरा, न एवं बहुओदगा ॥२५॥ ण्हाणाईसु विराइयं आरंभकडं तु दाणमाईसु । आयरियनिवारणया अपसत्थितरे-उवणओ उ ॥२६॥ धम्मरुइ अज्जवयरे लंभो वेउव्वियस्स नभगमणं । जेट्टामूले अट्टम उवरिं हेट्टा व देवाणं ॥२७॥ आयावणऽट्टमेणं जेट्टामूलंमि धम्मरुइणो उ । गमणऽन्नगामभिक्खट्टया य देवस्स अणुकंपा ॥२८॥ भा० । कोंकणरुवविउव्वण अंबिल छडेमऽहं पियसु पाणं । छडेहित्तिय बिइओ तं गिणह मुणित्ति उवओगो ॥२९॥ तण्हाल्लुहाकिलंतं दट्ठऊणं कुंकणो भणइ साहु । उज्झामि अंबकंजिय अज्जो । गिण्हाहि णं तिसिओ ॥३०॥ सोऊणं कोंकणंस्स य साहू वयणं इमं विचित्तेइ । गविसणविहिए निउणं जह भणिअं सव्वदंसीहिं ॥३१॥ गविसणगहणकुडं गं नाऊण मुणी उ मुणियपरमत्थो । आहडरक्खणहेउं उवउंजइ भावओ निउणं ॥३२॥ उक्कोसदव्व खत्तं च अरण्णं कालाओ निदाओ उ । भावे हट्टपहट्टो हिट्टा उवरिं च उवओगो ॥३३॥ दट्टूण तस्स रुवं अच्छिनिवेसं च पायनिक्खेवं । उवउंजिऊर पुव्विं गुज्झिगमिणमोत्ति वज्जेइ ॥३४॥ सत्ताहवदले पुव्वसंगई वणियविरुवुवक्खडणं । आमंतण खुड्ड गुरु अणुणवनं बिंदु उवओगो ॥३५॥ भा० । एसा गवेसणविही कहिया भे धीरपुरिसपन्नत्ता । गहणेसणंपि एत्तो वोच्छं अप्पक्खरमहत्थं ॥३६॥ नामं ठवणा दविए भावे गहणेसणा मुणेयव्वा । दव्वे वानरजूहं भावंमि य ठाणमाईणि ॥३७॥ परिसडियपंडुपत्तं वणसंडं दट्टू अन्नहिं पेसे । जूहवई पडियीरिए जूहेण समं तहिं गच्छे ॥३८॥ सयमेवालोएउं जूहवई तं वणं समं तेहिं । वियरइ तेसि पयांर चरिऊणं य ते दहं गच्छे ॥३९॥ ओयरंतं पयं दट्टुं, उत्तरंतं न दीसइ । नालेण पियह पाणीयं, नेस निक्कारणो दहो ॥४०॥ ठाणे य दायए चेव, गमणे गहणागमे । पत्ते परियत्ते पाडिए य गुरुयं तिहा भावे ॥४१॥ आया पवयण संजम तिविहं ठाणं तु होइ नायव्वं । गोणाइ पुढविमाई निब्धमणाई पयवणंमि ॥४२॥ भा० । गोणे महिसे आसे पेल्लण आ-हणण मारणं भवइ । दरगहियभाणभेदो छड्डुणि भिक्खस्स छक्काया ॥४३॥ चलकुड्डपडणकंटगबिलस्स व पासि होइ आयाए निक्खमपवेसज्जण गोणे महिसे य आसे य ॥४४॥ पुढविदगअगणिमारुयतरुतसवज्जंमि ठाणि ठाइज्जा । दिंती व हेट्ट उवरिं जहा न घट्टेइ फलमाई ॥४५॥ पासवणे उच्चारे सिणाण आयमणठाण उक्कुरुडे । निब्धमणमसुइमाई पवयणहाणी विवज्जेज्जा ॥४६॥ अवत्तमपहु थेरे पंडे मत्ते य खित्तचित्ते य । दित्ते जक्खाइट्टे करचरछिन्नेऽन्ध णियले य

॥८॥ तद्वोसगुव्विणीबालवच्छकंडंतपीसभज्जंती । कत्तंती पिजंती भइया दगमाइणो दोसा ॥९॥ कप्पट्टिगअप्पाहणदिन्ने अन्नोन्नगहणपज्जंतं । खंतियमग्गणदिन्नं उड्डाहपदोसचारभडा ॥२४१॥ भा० । अप्पभु भयगाईया उभएगतरे पदोस पहु कुज्जा । थेरे चलंत पडणं अप्पभुदोसा य ते चेव ॥२॥ आयपरोभयदोसा अभिक्खगहणंमि खुब्भण नपुंसे । लोगदुगुंछा संका एरिसगा नूणमेतेऽवि ॥३॥ अवयास भाणभेदो वमणं असुइत्ति लोगउड्डाहो । खित्ते य दित्तचित्ते जक्खाइट्टे य दोसा उ ॥४॥ करछिन्न असुइ चरणे पडणं अंधिल्लए य छक्काया । नियलाऽसुइ पडणं वा तद्वोसी संकमो असुइ ॥५॥ गुव्विणि गब्भे संघट्टणा उ उट्टंति निविसमाणीय । बालाई मंसउंडग मज्जारार्इ विराहेज्जा ॥६॥ बीओदगसंघट्टण कंडणपीसंत भज्जणे डहणं । कत्तंती पिजंती हत्थे लित्तंमि उदगवहो ॥२४७॥ भा० । भिक्खामेत्ते अवियालणं तु बालेण दिज्जमाणंमि । संदिट्टे वा गहणं अइबहुयवियालऽणुत्ताओ ॥४७०॥ अप्पहुसंदिट्टे वा भिक्खामित्ते व गहणऽसंदिट्टे । थेरपहू थरथरंते धरणं अहवा दढसरीरे ॥१॥ पंडग अप्पडिसेवी मत्तो सइठो व अप्पसागरिए । खित्ताइ भद्दगाणं करचर बिट्ठप्पसागरिए ॥२॥ सइठो व अन्नरूभण अंधे सवियारणा य बद्धंमि । तद्वोसए अभिन्ने वेला थणजीवियं थेरा ॥३॥ उक्खित्तऽपच्चवाए कंडे पीसे वऽट्टूढ भज्जन्ती । सुक्कं व पीसमाणी बुद्धीय विभावए सम्मं ॥४॥ मुसले उक्खित्तंमि य अपच्चवाए य पीस अच्चित्ते । भज्जंती अच्चट्टे भुंजन्ती जा अणारद्धा ॥२४८॥ भा० । कत्तंतीए थूलं विक्खिण लोढण जतिय निट्टवियं । पिंजण असोयवाई भयणागहणं तु एएसिं ॥५॥ गमणं च दायगस्सा हेट्टा उवरिं च होइ नायव्वं । संजमआयविराहण तस्स सरीरे य मिच्छत्तं ॥६॥ वच्चंती छक्काया पमद्दए हिट्ट उवरि तिरियं च । फलवल्लिरूक्खसाला तिरिया मणुया य तिरियं तु ॥२४९॥ भा० । कंटगमाई य अहे उप्पिं अहिमादि लंबणे आया । तस्स सरीरविणासो मिच्छत्तुड्डाह वोच्छेओ ॥२५०॥ भा० । नीयदुवारूग्घाडणकवाडठिय देह दारमाइन्ने । इड्डिरपत्थियलिदे गहणं पत्तस्सऽपडिलेहा ॥७॥ नियमा उ दिट्टगाही जिणमाई गच्छनिग्गया होति । थेरावि दिट्टगाही अदिट्टि करंति उवओगं ॥२५१॥ भा० । णीयदुवारूवओगे उड्डाह अवाउडा पदोसो य । हियनट्टंमि य संका एमेव कवाडउग्घाडे ॥२॥ देहऽन्नसरीरेण व दारं पिहिअं जणाउलं वावि । इड्डरपत्थियलिदेण वावि पिहियं तहिं वावि ॥३॥ एतेहिऽदीसमाणे अग्गहणं अह व कुज्ज उवओगं । सोतेण चक्खुणा घाणओ य जीहाएँ फासेणं ॥४॥ हत्थं मत्तं च धुवे सद्वो उदकस्स अहव मत्तस्स । गंधे व कुलिंगाई तत्थेव रसो फरिसबिंदू ॥५॥ सो होइ दिट्टगाही जो एते जुंजई पदे सव्वे । निस्संकिय निग्गमणं आसंकपयंमि संचिक्खे ॥२५६॥ भा० । आगमणदायगस्सा हेट्टा उवरिं च होइ जह पुव्विं । संजमआयविराहण दिट्टंतो होइ वच्छेण ॥८॥ पत्तस्स उ पडिलेहा हत्थे मत्ते तहेव दव्वे य । उदउल्ले ससिणिद्धे संसत्ते चेव परियत्ते ॥९॥ तिरियं उड्डमहेविय भायणपडिलेहणं तु कायव्वं । हत्थं मत्तं दव्वं तिन्नि उ पत्तस्स पडिलेहा ॥२५७॥ भा० । मा ससिणिद्धोदउल्ले तसाउलं गिण्ह एगतर दट्टुं । परियत्तियं च मत्तं ससिणिद्धाईसु पडिलेहा ॥८॥ भा० । पडिओ खलु दट्टव्वो कित्तिम साहाविओ य जो पिंडो । संजमआयविराहण दिट्टंतो सिट्टिकब्बट्टो ॥४८०॥ गरविसअट्टियकंटय विरूद्धदव्वंमि होइ आयाए । संजमओ छक्काया तम्हा पडियं विगिंचिज्जा ॥१॥ अणभोगेण भएण य पडिणी उम्मीस भत्तपाणंमि । दिज्जा हिरणणमाई आवज्जण संकणा दिट्टे ॥२॥ उक्खेवे निक्खेवे महल्लया लुद्धया वहो दाहो । अचियत्ते वोच्छेओ छक्कायवहो य गुरूमत्ते ॥३॥ गुरूदव्वेण व पिहिअं सयं व गुरूयं हवेज्ज जं दव्वं । उक्खेवे निक्खेवे कडिभंजण पाय उवरिं वा ॥९॥ भा० । महल्लेण देहि मा डहरएण भिन्ने अहो इमो लुद्धो । उभएगतरे व वहो दाहो अच्युण्ह एमेव ॥२६०॥ बहुगहणे अचियत्तं वोच्छेओ तदन्नदव्व तस्सविय । छक्कायाण य वहणं अइमत्ते तंमि मत्तंमि ॥२६१॥ भा० । तिविहो य होइ कालो गिम्हो हेमंत तह य वासासु । तिविहो य दायगो खलु थी पुरिस नपुंसओ चेव ॥४॥ एक्किक्कोविअ तिविहो तरूणो तह मज्झिमो य थेरो य । सीयतणुओ नपुंसो सोम्हिट्थी मज्झिमो पुरिसो ॥५॥ पुरकम्मं उदउल्लं ससिणिद्धं तंपि होइ तिविहं तु । इक्किक्कंपिय तिविहं सच्चित्ताचित्तमीसं तु ॥६॥ आइदुवे पडिसेहो पुरओ कय जं तु तं पुरेकम्मं । उदउल्लबिंदुसहिअं ससिणिद्धे मग्गणा होइ ॥७॥ ससिणिद्धंपिय तिविहं सच्चित्ताचित्तमीसगं चेव । अच्चित्तं पुण ठप्पं अहिगारो मीससच्चित्ते ॥८॥ पव्वाण किंचि अव्वाणमेव किंचिच्च होअणुव्वाणं । पाएण हि य (तं) सव्वं एक्कक्कहाणी य वुड्ढी य ॥९॥ सत्तविभागेण करं विभायइत्ताण इत्थिमाईणं । निच्चुन्नयइयरेविय रेहा पव्वे करतले य ॥४९०॥ जाहे य उन्नयाइं उव्वाणाइं हवंति हत्थस्स । ताहे तल पव्वाणा लेहा पुण

होतऽणुव्वाणा ॥१॥ तरुणित्थि एक्कभागे पव्वाणे होइ गहण गिम्हासु । हेमंते दोसु भवे तिसु पव्वाणेषु वासासु ॥२॥ एमेव मज्झिमाए आढत्तं दोसु ठायए चउसु । तिसु आढत्तं थेरी नवरि द्वाणेषु पंचसु उ ॥३॥ एमेव होइ पुरिसो दुगाइछद्वाणपज्जवसिएसुं । अपुमं तु तिभागाइं सत्तमभागे अवसिते उ ॥४॥ दुविहो य होइ भावो लोइय लोउत्तरो समासेणं । एक्किक्कोविय दुविहो पसत्थओ अप्पसत्थो य ॥५॥ सज्झिलगा दो वणिया गामं गंतूण करिसणारंभो । एगस्स देहमंडणबाउसिआ भारिया अलसा ॥६॥ मुहधोवण दंतवणं अद्दागाईणं कल्ल आवासं । पुव्वण्हकरणमप्पण उक्कोसयरं च मज्झण्हे ॥७॥ तणकट्टहारगाणं न देइ न य दासपेसवग्गस्स । न य पेसणे निउंजइ पलाणि हिय हाणि गेहस्स ॥८॥ बिइयस्स पेसवग्गं वावारे अन्नपेसणे कम्मे । काले देहाहारं सयं च उवजीवई इड्ढी ॥९॥ वन्नवलरूवहेउं आहारे जो तु लाभि लब्भंते । अतिरेगं न उ गिण्हइ पाउग्गगिलाणमाईणं ॥१०॥ जह सा हिरणमाइसु परिहीणा होइ दुक्खआभागी । एवं तिगपरिहीणा साहू दुक्खस्स आभागी ॥१॥ आयरियगिलाणद्वा गिण्ह न महंति एव जो साहू । नो वन्नरूवहेउं आहारे एस उ पसत्थो ॥२॥ उग्गमउप्पायणएसणाएँ बायाल होंति अवराहा । सोहेउं समुयाणं पडुपन्ने वच्चए वसहिं ॥३॥ सुन्नघरदेउले वा असई य उवस्सयस्स वा दारे । संसत्तकंटगाई सोहेउमुवस्सगं पविसे ॥४॥ संसत्तं तत्तो च्विय परिट्टवेत्ता पुणो दवं गिण्हे । कारण मत्तयगहियं पडिग्गहे छोदु पविसणया ॥५॥ गामे य कालमाणे पहुच्चमाणे हवंति भंगऽट्ट । काले अपहुप्पंते नियत्तई सेसए भयणा ॥६॥ अण्णं च वए गामं अण्णं भाणं व गेण्ह सइ काले । पढमे बितिए छप्पंचमे य भय सेस य नियत्ते ॥७॥ वोसिट्टुमागयाणं उव्वासिय मत्तए य भूमितियं । पडिलेहियमत्थमणं सेसऽत्थमिए जहन्नो उ ॥८॥ भुत्ते वियारभूमी गयागयाणं तु जह य ओगाहे । चरमाएँ पोरिसीए उक्कोसो सेस मज्झिमओ ॥९॥ पायप्पमज्जण निसीहिया य तिन्नि उ करे पवेसंमि । अंजलि ठाणविसोही दंडग उवहिस्स निक्खेवो ॥१०॥ एवं पडुपन्ने पविसओ उ तिन्नि व निसीहिया होंति । अग्गदारे मज्झे पवेस पाए य सागरिए ॥२६२॥ भा० । हत्थुस्सेहो सीसप्पणामणं वाइओ नमोक्कारो । गुरुभायणे पणामो वायाएँ नमो न उस्सेहो ॥३॥ उवरिं हेट्ठा य पमज्जिऊण लट्ठिं ठवेज्ज सट्ठाणे । पट्टं उवहिस्सुवरिं भायणवत्थाणि भाणेषु ॥४॥ जइ पुण पासवणं से हवेज्ज तो उग्गहं सपच्छगं । दाउं अन्नस्स सचोलपट्टओ काइयं निसिरे ॥२६५॥ भा० । चउरंगुल मुहपती उज्जुयए वामहत्थि रयहरणं । वोसट्टचत्तदेहो काउस्सगं करेज्जाहि ॥१॥ चउरंगुलमप्पत्तं जाणुगहेट्ठा छिवोवरिं नाहिं । उभओ कोप्परधरिअं करेज्ज पट्टं च पडलं वा ॥६॥ भा० । पुव्वुद्धिटे ठाणे ठाउं चउरंगुलंतरं काउं । मुहपोत्ति उज्जुहत्थे वामंमि य पायपुंछणयं ॥२॥ काउस्सगंमि ठिओ चिंते समुयाणिए अईआरे । जा निग्गमप्पवेसो तत्थ उ दोसे मणे कुज्जा ॥३॥ ते उ पडिसेवणाए अणुलोमा होंति वियडणाए य । पडिसेववियडणाए एत्थ उ चउरो भवे भंगा ॥४॥ वक्खित्तपराहुत्ते पमत्ते मा कयाइ आलोए । आहारं च करेतो नीहारं वा जइ करेइ ॥५॥ कहणाईवक्खित्ते विकहाइ पमत्त अन्नओ व मुहे । अंतरमकारए वा नीहारे संक मरणं वा ॥२६७॥ भा० । अव्वक्खित्ताउत्तं उवसंतमुवट्ठिअं च नाऊणं । अणुन्नवेत्तु मेहावी, आलोएज्जा सुसंजए ॥६॥ कहणाइ अवक्खित्ते कोहाइ अणाउले तदुवउत्ते । संदिसहत्ति अणुन्नं काऊण विदिन्नमालोए ॥८॥ भा० । नट्टं वलं चलं भासं मूयं तह ढड्ढरं च वज्जेज्जा । आलोएज्ज सुविहिओ हत्थं मत्तं च वावारं ॥७॥ करपायभमुहिसीसऽच्छिउट्टमाईहिं नट्टिअं नाम । वलणं हत्थसरिरे चलणं काए य भावे य ॥९॥ भा० । गारत्थियभासाओ य वज्जए मूय ढड्ढरं च सरं । आलोए वावारं संसट्ठियरे व करमत्ते ॥२७०॥ भा० । एयहोसविमुक्कं गुरूणो गुरूसम्मयस्स वाऽऽलोए । जं जह गहियं तु भवे पढमाओ जा भवे चरिमा ॥८॥ काले य पहुप्पंते उच्चा (व्वा) ओ वावि ओहमालोए । वेला गिलाणगस्स व अइच्छइ गुरू व उच्चाओ ॥९॥ पुरकम्म पच्छकम्मे अप्पेऽसुद्धे य ओहमालोए । तुरियकरणंमि जं से न सुज्झई तत्तिअं कहए ॥५२०॥ आलोइत्ता सव्वं सीसं सपडिग्गहं पमज्जित्ता । उड्ढमहो तिरियंमी पडिलेहे सव्वओ सव्वं ॥१॥ उड्ढं पुप्फफलाई तिरियं मज्जारिसाणडिंभाई । खीलगदारूगआवडणरक्खणद्वा अहो पेहे ॥२७१॥ भा० । ओणमओ पवडेज्जा सिरओ पाणा सिरं पमज्जेज्जा । एमेव उग्गहंमिवि मा संकुडणे तसविणासो ॥२॥ काउं पडिग्गहं करयलंमि अब्भं च ओणमित्ताणं । भत्तं वा पाणं वा पडिदंसिज्जा गुरूसगासे ॥३॥ ताहे य दुरालोइय भत्तपाण एसणभणेसणाए उ । अट्टुस्सासे अहवा अणुग्गहादी उ झाएज्जा ॥२७४॥ भा० । विणएण पट्टवित्ता सज्झायं कुणइ तो मुहुत्ताणं । पुव्व भणिया य दोसा परिस्समाई जढा एवं ॥२॥ दुविहो य होइ साहू मंडलिउवजीवओ य इयरो य ।

मंडलिमुवजीवंतो अच्छइ जा पिंडिया सव्वे ॥३॥ इयरोवि गुरूसगासं गंतूण भणइ संदिसइ भंते ! पाहुणगखवगअतरंतबालवुड्ढाण सेहाणं ॥४॥ दिण्णे गुरूहिं तेसि सेसं भुंजेज्ज गुरूअणुत्तायं । गुरूणा संदिट्ठो वा दाउं सेसं तओ भुंजे ॥५॥ इच्छिज्ज न इच्छिज्ज व तहविय पयओ निमंतए साहू । परिणामविसुद्धीए अ निज्जरा होअगहिएवि ॥६॥ भरहेरवयविदेहे पन्नरससुवि कम्मभूमिगा साहू । एक्कंमि हीलियंमी सव्वे ते हीलिया हुंति ॥७॥ भरहेरवयविदेहे पन्नरससुवि कम्मभूमिगा साहू । एक्कंमि पूइयंमी सव्वे ते पूइया हुंति ॥८॥ अह को पुणाइ नियमो एक्कंमिवि हीलियंमि ते सव्वे । होति अवमाणिया पूइए य संपूइया सव्वे ? ॥९॥ नाणं व दंसणं वा तवो य तह संजमो य साहुगुणा ॥ एक्के सव्वेसुवि हीलिएसु ते हिलिया हुंति ॥५३०॥ एमेव पूइयंमिवि एक्कंमिवि पूइया जइगुणा उ । थोवं बहुं निवेसं इइ नच्च पूयए मइमं ॥१॥ तम्हा जइ एस गुणो एक्कंमिवि पूइयंमि ते सव्वे । भत्तं वा पाणं वा सव्वपयत्तेण दायव्वं ॥२॥ वेयावच्चं निययं करेह उत्तमगुणे धरिन्ताणं । सव्वं किल पडिवाई वेयावच्चं अपडिवाई ॥३॥ पडिभग्गस्स मयस्स व नासइ चरणं सुयं अगुणाए । न हु वेयावच्चचिअं सुहोदयं नासए कम्मं ॥४॥ लाभेण जोजयंतो जइणो लाभंतराइयं हणइ । कुणमाणो य समाहिं सव्वसमाहिं लहइ साहू ॥५॥ भरहो बाहुबलीविय दसारकुलनंदणो य वसुदेवो । वेयावच्चाहरणा तम्हा पडितप्पह जईणं ॥६॥ होज्ज न व होज्ज लंभो फासुगआहारउवहिमाईणं । लंभो य निज्जराए नियमेण अओ उ कायव्वं ॥७॥ वेयावच्चे अब्भुट्टियस्स सद्धाएँ काउकामस्स । लाभो चेव तवस्सिस्स होइ अदीणमणसस्स ॥८॥ एसा गहणेसणविही कहिया भे धीरपुरिसपन्नता । घासेसणंपि इत्तो वुच्छं अप्पक्खरमहत्थं ॥९॥ दव्वे भावे घासेसणा उ दव्वंमि मच्छरआहरणं । गलमंसुंडगभक्खण गलस्स पुच्छेण घट्टणया ॥५४०॥ अह मंसंमि पहीणे ज्ञायंतं मच्छियं भणइ मच्छो । किं ज्ञायसि तं एवं ? सुण ताव जहा अहिरिओऽसि ॥१॥ चरियं व कप्पियं वा आहरणं दुविहमेव नायव्वं । अत्थस्स साहणट्ठा इंधणमिव ओयणट्ठाए ॥२॥ तिबलागमुहा मुक्को, तिक्खुत्तो वलयामुहे । तिसत्तक्खुत्तो जालेणं, सयं छिन्नोदए दहे ॥३॥ एयारिसं ममं सत्तं, सढं घट्टिअघट्टणं । इच्छसि गलेणं घेतु, अहो ते अहिरीयया ॥४॥ अह होइ भावघासेसणा उ अप्पाणमप्पणा चेव । साहू भुंजिउकामो अणुसासइ निज्जराए ॥५॥ बायालीसेसणसंकडंमि गहणंमि जीव ! नहु छलिओ । एण्हिं जह न छलिज्जसि भुंजंतो रागदोसेहिं ॥६॥ जह अब्भंगणलेवो सगडक्खवणाण जुत्तिओ होति । इय संजमभरवहणट्ठयाएँ साहूण आहारो ॥७॥ उवजीवि अणुवजीवी मंडलियं पुव्ववन्निओ साहू । मंडलिअसमुदिसगाण ताण इणमो विहिं वुच्छं ॥८॥ आगाढजोगवाही निज्जूढऽत्तट्टिया व पाहुणगा । सेहा सपायछित्ता बाला वुड्ढेवमाईया ॥९॥ दुविहो खलु आलोगो दव्वे भावे य दव्वि दीवाई । सत्तविहो पुण भावे आलोगं तं परिकहेऽहं ॥५५०॥ ठाण दिसि पगासणया भायण पक्खेवणे य गुरू भावे । सत्तविहो आलोगो सयावि जयणा सुविहियाणं ॥१॥ निक्खमपवेसमंडलिसागारियठाण परिहिय ट्ठाइ । मा एक्कासणभंगो अहिगरणं अंतरायं वा ॥२७५॥ भा० । पच्चुरसिपरंमुहपट्टिपक्ख एया दिसा विवज्जेत्ता । ईसाणगेईय व ठाएज्ज गुरूस्स गुणकलिओ ॥६॥ मच्छियकंटट्ठाईण जाणणट्ठा पगासभुंजणया । अट्टियलग्गणदोसा वग्गुलिदोसा जढा एवं ॥७॥ जे चेव अंधयारे दोसा ते चेव संकडमुहंमि । परिसाडी बहुलेवाडणं च तम्हा पगासमुहे ॥८॥ कुक्कुडिअंडगमित्तं अविगियवयणो उ पक्खिवे कवलं । अइखद्धकारणं वा जं च अणालोइयं हुज्जा ॥९॥ (३०९) एएसि जाणणट्ठा गुरू आलोए तओ उ भुंजेज्जा । नाणाइसंधणट्ठा न वन्नबलरूवविसयट्ठा ॥२८०॥भा० । सो आलोइयभोई जो एए जुंजए पए सव्वे । गविसणगहणग्घासेसणाइ तिविहाइवि विसुद्धं ॥२॥ एवं एगस्स विही भोत्तव्वे वन्निओ समासेणं । एमेव अणेयाणवि जं नाणत्तं तयं वोच्छं ॥३॥ अतरंतबालवुड्ढा सेहाएसा गुरू असहुवग्गो । साहारणोग्गहाऽलद्धिकारणा मंडली होइ ॥४॥ नाउ नियट्टणकालं वसहीपालो य भायणुग्गाहे । परिसंठियऽच्छदवगेणहणट्ठया गच्छमासज्ज ॥५॥ असई य नियत्तेसुं एक्कं चउरंगुलूणभाणेसु । पक्खिविय पडिग्गहं तत्थऽच्छदवं तु गालेज्जा ॥६॥ आयरियअभावियपाणगट्टया पायपोसधुवणट्ठा । होइ य सुहं विवेगो सुह आयमणं च सागरिए ॥७॥ एक्कं व दो व तिन्नि व पाए गच्छप्पमाणमासज्ज । अच्छदवस्स भरेज्जा कसट्टबीए विगिंचेज्जा ॥८॥ मूइंगाईमक्कोडएहिं संसत्तं च नाऊणं । गालेज्ज छब्बएणं सउणीघरण व दवं तु ॥९॥ इय आलोइयपट्टविअगालिए मंडलीइ सट्ठाणे । सज्झायमंगलं कुणइ जाव सव्वे पडिनियत्ता ॥५६०॥ कालपुरिसे व आसज्ज मत्तए पक्खिवित्तु तो पढमा । अहवावि पडिग्गहं मुयंति गच्छं समासज्ज

॥१॥ चित्तं बालार्इणं गहाय आपुच्छिऊण आयरिअं । जमलजणणीसरिच्छो निवेसई मंडली थेरो ॥२॥ जइ लुद्धो राइणिओ होइ अलुद्धोवि जोऽवि गीयत्थो । ओमोवि हु गीयत्थो मंडलिराइणि अलुद्धो उ ॥३॥ ठाण दिसि पगासणया भायण पक्खेवणा य भाव गुरू । सो चेव य आलोगो नाणत्तं तद्विसाठाणे ॥४॥ निक्खमपवेस मोत्तुं पढमसमुद्दिस्सगाण ठायंति । सज्झाए परिहाणी भावासन्नेवमाईया ॥२८१॥ भा० । पुव्वमुहो राइणिओ एक्को य गुरूस्स अभिमुहो ठाइ । गिण्हइ व पणामेइ व अभिमुहो इहरहाऽवन्ना ॥२॥ भा० । जो पुण हवेज्ज खमओ अतिउच्चाओ व सो बहिं ठाइ । पढमसमुद्दिट्ठो वा सागारियरक्खणट्ठाए ॥५॥ एक्केक्खस्स य पासंमि मल्लयं तत्थ खेलमुग्गाले । कट्टुऽट्ठिए व छुब्भइ मा लेवकडा भवे वसही ॥६॥ मंडलिभायणभोयण गहणं सोही य कारणुव्वरिते । भोयणविही उ एसो भणिओ तेल्लुक्कदंसीहिं ॥७॥ मंडलि अहराइणिआ सामायारी य एस जा भणिआ । पुव्वं तु अहाकडगा मुच्चंति तओ कमेणियरे ॥२८३॥भा० । निद्धमहुरणि पुव्वं पित्ताईपसमणट्ठया भुंजे । बुद्धिबलवड्ढणट्ठा दुक्खं खु विकिंचिउं निद्धं ॥४॥ अह होज्ज निद्धमहुराणि अप्पपरिकम्मसपरिकम्मेहिं । भोत्तूण निद्धमहुरे फुसिअ करे मुंचडहागडए ॥३॥ कुक्कुडिअंडगमित्तं अहवा खुड्डागलंबणासिस्स । लंबणतुल्ले गिण्हइ अविगियवयणो य राइणिओ ॥६॥ गहणे पक्खेवमि अ सामायारी पुणो भवे दुविहा । गहणे पायंमि भवे वयणे पक्खेवणा होइ ॥७॥ कडपयरच्छेएणं भोत्तव्वं अहव सीहखइएणं । एगेहि अणेगेहिवि वज्जेत्ता धूमइंगालं ॥८॥ असुरसुरं अचवचवं अदुयमविलंबिअं अपरिसाडिं । मणवयणकायगुत्तो भुंजइ अह पक्खिवणसोहिं ॥२८९॥भा० । उग्गमउप्पायणासुद्धं, एसणादोसवज्जिअं । साहारणं अयाणंतो, साहू हवइ असारओ ॥८॥ उग्गमउप्पायणासुद्धं, एसणादोसवज्जिअं । साहारणं वियाणंतो, साहू हवइ ससारओ ॥९॥ उग्गमउप्पायणासुद्धं, एसणादोसवज्जिअं । साहारणं अयाणंतो, साहू कुणइ तेणिअं ॥५७०॥ उग्गमउप्पायणासुद्धं, एसणादोसवज्जिअं । साहारणं वियाणंतो, साहू पावइ निज्जरं ॥१॥ अंतंतं भोक्खामित्ति बेसए भुंजए य तह चेव । एस ससारनिविट्ठो ससारओ उट्ठिओ साहू ॥२॥ एमेव य भंगतिअं जोएयव्वं तु सार नाणाई । तेण सहिओ ससारो समुद्वणिएण दिट्ठंतो ॥३॥ जत्थ पुण पडिग्गहो होज्ज कडो तत्थ छुब्भए अन्नं । मत्तगगहिउव्वरिअं पडिग्गहे जं असंसट्ठं ॥४॥ जं पुण गुरूस्स सेसं तं छुब्भइ मंडलीपडिग्गहके । बालादीण व दिज्जइ न छुब्भई सेसगाणऽहिअं ॥५॥ सुक्कोल्लपडिग्गहगे विआणिआ पक्खिवे दवं सुक्के । अभतट्ठिआण अट्ठा बहुलंभे जं असंसट्ठं ॥६॥ सोही चउक्क भावे विगइंगालं च विगयधूमं च । रागेण सयंगालं दोसेण सधूमगं होइ ॥७॥ जत्तासाहणहेउं आहारंति जवणट्ठया जइणो । छायालीसं दोसेहिं सुपरिसुद्धं विगयरागा ॥८॥ हियाहारा मियाहारा, अप्पाहारा य जे नरा । न ते विज्जा तिगिच्छंति, अप्पाणं ते तिगिच्छगा ॥९॥ छण्हमन्नयरे ठाणे कारणंमि उ आगए । आहारेज्ज (उ) मेहावी संजए सुसमाहिए ॥५८०॥ वेयण वेयावच्चे इरियट्ठाए य संजमट्ठाए । तह पाणवत्तियाए छट्ठं पुण धम्मचिंताए ॥१॥ नत्थि छुहाएँ सरिसया वेयण भुंजेज्ज तप्पसमणट्ठा । छाओ वेयावच्चं न तरइ काउं अओ भुंजे ॥२९०॥ भा० । इरियं नवि सोहेइ पेहाईयं च संजमं काउं । थामो वा परिहायइ गुणऽणुप्पेहासु य असत्तो ॥१॥ भा० । अहवा न कुज्ज आहारं, छहिं ठाणेहिं संजए । पच्छा पच्छिमकालंमि, काउं अप्पक्खमं खमं ॥२॥ आयंके उवसग्गे तितिक्खया बंभचेरगुत्तीए । पाणदया तवहेउं सरीरवोच्छेयणट्ठाए ॥२९२॥ भा० । आयंको जरमाई राया सन्नायगा व उवसग्गा । बंभवयपालणट्ठा पाणदया वासमहियाई ॥३॥ तवहेउ चउत्थाई जाव उ छम्मासिओ तवो होइ । छट्ठं सरीरवोच्छेयणट्ठया होयऽणाहारो ॥२९४॥भा० । एएहिं छहिं ठाणेहिं, अणाहारो य जो भवे । धम्मं नाइक्कमे भिक्खू, झाणजोगरओ भवे ॥३॥ भुंजंतो आहारं गुणोवयारं सरीरसाहारं । विहिणा जहोवइट्ठं संजमजोगाण वहणट्ठा ॥४॥ भुत्तुट्ठियावसेसो तिलंबणा होइ संलिहणकप्पो । अपहुप्पन्ते अन्नंपि छोढुं ता लंबणे ठवए ॥५॥ संदिट्ठा संलिहिउं पढमं कप्पं करेइ कलुसेणं । तं पाउं मुहमासे बितियच्छदवस्स गिण्हंति ॥६॥ दाऊण बितियकप्पं बहिया मज्झट्ठिआ उ दवहारी । तो देंति तइयकप्पं दोण्हं दोण्हं तु आयमणं ॥७॥ होज्ज सिआ उद्धरियं तत्थ य आयंबिलाइणो हुज्जा । पडिदंसिअ संदिट्ठो वाहरइ तओ चउत्थाई ॥८॥ मोहचिगिच्छ विगिट्ठं गिलाण अत्तट्ठियं च मोत्तूणं । सेसे गंतुं भणई आयरिआ वाहरंति तुमं ॥९॥ अपडिहणंतो आगंतुं वंदिउं भणइ सो उ आयरिए । संदिसह भुंज जं सरति तत्तियं सेस तस्सेव ॥५९०॥ अभणंतस्स उ तस्सेव सेसओ होइ सो विवेगो उ । भणिओ तस्स उ गुरूणा एसुवएसो पवयणस्स ॥१॥ भुत्तंमि पढमकप्पं करेमि तस्सेव देंति तं पायं ।

जावतिअंति अभणिए तस्सेव विगिंचणे सेसं ॥२॥ विहिगहिअं विहिभुत्तं अइरेगं भत्तपाण भोत्तव्वं । विहिगहिए विहिभुत्ते एत्थ य चउरो भवे भंगा ॥३॥ उग्गमदोसाइजढं अहवा बीयं जहिं जहापडिअं । इय एसो गहणविही असुद्धपच्छायणे अविही ॥२९५॥ भा० । कागसियालक्खइयं दविअरसं सव्वओ परामट्ठं । एसो उ भवे अविही जहगहिअं भोयणंमि विही ॥४॥ उच्चिणइ व विट्ठाओ काओ अहवावि विक्खिरइ सव्वं । विप्पेक्खइ य दिसाओ सियालो अन्नोन्नहिं गिण्हे ॥६॥ भा० । सुरही दोच्चंगट्ठा छोट्ठण दवं तु पियइ दवियरसं । हेट्ठेवरि आमट्ठं इय एसो भुंजणे अविही ॥७॥ जह गहिअं तह नीयं गहणविही भोयणे विही इणमो । उक्कोसमणुक्कोसं समकयरसं तु भुंजेज्जा ॥८॥ तइएवि अविहिगहिअं विहिभुत्तं तं गुरूहिऽणुत्तायं । सेसा नाणुत्ताया गहणे दत्ते य निज्जुहणा ॥९॥ अहवावि अकरणाए उवट्ठियं जाणिरुण कल्लाणं । घट्ठेउं दिंति गुरू पसंगविणिवारणट्ठाए ॥३००॥ घासेसणा य एसा कहिया भे धीरपुरिसपन्नत्ता । संजमतवइढगाणं निग्गंथाणं महरिसीणं ॥१॥ एयं घासेसणविहिं जुंजता चरणकरणमाउत्ता । साहू खवंति कम्मं अणेगभवसंचियमणंतं ॥२॥ एत्तो परिट्ठवणविहिं वोच्छामि धीरपुरिसपन्नत्तं । जं नाऊण सुविहिया करंति दुक्खक्खयं धीरा ॥३॥ भत्तट्ठिअ उव्वरिअं अहव अभत्तट्ठियाण जं सेसं । संबंधेणाणेण उ परिठावणिआ मुणेयव्वा ॥३०४॥ भा० । सा पुण जायमजाया जाया मूलोत्तरेहि उ असुद्धा । लोभातिरेगगहिया अभिओगकया विसकया वा ॥५॥ मूलगुणेहिं असुद्धं जं गहिअं भत्तपाण साहूहिं । एसा उ होइ जाता वुच्छं सि विहीए वोसिरणं ॥५॥ भा० । एगंतमणावाए अच्चित्ते थंडिले गुरूवइट्ठे । आलोए एगपुंजं तिट्ठाणं सावणं कुज्जा ॥६॥ लोभातिरेगगहिअं अहव असुद्धं तु उत्तरगुणेहिं । एसावि होति जाया वोच्छं सि विहीए वोसिरणं ॥६॥ भा० । एगंतमणावाए अच्चित्ते थंडिले गुरूवइट्ठे । आलोए दुत्ति पुंजा तिट्ठाणं सावणं कुज्जा ॥७॥ दुविहो खलु अभिओगो दव्वे भावे य होइ नायव्वो । दव्वंमि होइ जोगो विज्जा मंता य भावंमि ॥८॥ विज्जाए होअगारी अचियत्ता सा य पुच्छए चरिअं । अभिमंतणोदणस्स उ अणुकंपणमुज्झणं च खरे ॥९॥ बारस्स पिट्ठणंमि अ पुच्छण कहणं च होअगारीए । सिट्ठे चरियादंडो एवं दोसा इहंपि सिया ॥६००॥ जोगंमि उ अविरइया अज्झुववन्ना सरूवभिकखुंमि । कडजोगमणिच्छंतस्स देइ भिकखं असुभभावे ॥१॥ संकाए स नियट्ठो दाऊण गुरूस्स काइयं निसिरे । तेसिंपि असुभभावो पुच्छा उ ममापि उज्झयणा ॥२॥ एमेव विसकयंमि वि दाऊण गुरूस्स काइयं निसिरे । गंधाई विन्नाए उज्झगमविही सियालवहे ॥३॥ एवं विज्जाजोए विससंजुत्तस्स वावि गहियस्स । पाणच्चएवि नियमुज्झणा उ वोच्छं परिट्ठवणं ॥४॥ एगंतमणावाए अच्चित्ते थंडिले गुरूवइट्ठे । छारेण अक्कमित्ता तिट्ठाणं सावणं कुज्जा ॥५॥ दोसेण जेण दुट्ठं तु भोयणं तस्स सावणं कुज्जा । एवं विहिवोसट्ठे वेराओ मुच्चई साहू ॥६॥ जावइयं उवउज्जइ तत्तिअमित्ते विगिंचणा नत्थि । तम्हा पमाणगहणं अइरेगं होज्ज उ इमेहिं ॥७॥ आयरिए य गिलाणे पाहुणए दुल्लभे सहसदाणे । एवं होइ अजाया इमा उ गहणे विही होइ ॥८॥ जइ तरूणो निरूवहओ भुंजइ तो मंडलीइ आयरिओ । असहुस्स वीसुगहणं एमेव य होइ पाहुणए ॥९॥ सुत्तत्थिरीकरणं विणओ गुरूपूय सेहबहुमाणो । दाणवतिसद्धवुड्ढी बुद्धिबलवद्धणं चेव ॥६१०॥ एएहिं कारणेहि उ केइ सहस्सवि वयंति अणुकंपा । गुरूअणुकंपाए पुण गच्छे तित्थे य अणुकंपा ॥१॥ सति लाभे पुण दव्वे खेत्ते काले य भावओ चेव । गहणं तिसु उक्कोसं भावे जं जस्स अणुकूलं ॥२॥ कलमोतणो उ पयसा उक्कोसो हाणि कोइवुब्भज्जी । तत्थवि मिउतुप्पतरयं जत्थ व जं अच्चियं दोसु ॥३०७॥ भा० । लाभे सति संघाडो गेण्हइ एगो उ इहरहा सव्वे । तस्सऽप्पणो य पज्जत्त गेण्हणा होइ अतिरेगं ॥३॥ गेलन्नियमगहणं नाणत्तोभासियंपि तत्थ भवे । ओभासियमुव्वरिअं विगिंचए सेसगं भुंजे ॥४॥ दुल्लभदव्वं व सिआ घयाइ घेत्तूण सेस भुअंति । थोवं देमि व गेण्हामि यत्ति सहसा भवे भरियं ॥५॥ एएहिं कारणेहिं गहियमजाया उ सा विगिंचणया । आलोगंमि तिपुंजा अद्धाणे निग्गयातीणं ॥६॥ एक्को व दो व तिन्नि व पुंजा कीरंति किं पुण निमित्तं ? । विहमाइनिग्गयाणं सुद्धेयरजाणणट्ठाए ॥७॥ एवं विगिंचिउं निग्गयस्स सन्ना हवेज्ज तं तु कहं । निसिरेजा ? अहव धुवं आहारा होइ नीहारो ॥८॥ थंडिल्ल पुव्वभणियं पढमं निदोस दोसु जयणाए । नवरं पुण णाणत्तं भावासन्नाए वोसिरणं ॥९॥ अणावायमसंलोयं अणवायालोय ततिय विवरीयं । आवातं संलोगं पुव्वुत्ता थंडिला चउरो ॥३०८॥ भा० । अणावायमसंलोगं निदोसं बितियचरिम जयणाए । पउरदवकुरूक्यादी पत्तेयं मत्तगो चेव ॥६२०॥ तइएवि य जयणाए नाणत्तं नवरि सहकरणंमि । भावासन्नाए पुण नाणत्तमिणं सुणसु वोच्छं ॥१॥ जदि पढमं न तरेज्जा

तो बितियं तस्स असइए तइयं । तस्स असई चउत्थे गामे दारे य रत्थाए ॥२॥ साही पुरोहडे वा उवस्सए मत्तगंमि वा णिसिरे । अच्चुक्कडंमि वेगे मंडलिपासंमि वोसिरइ ॥३॥ तिण्णि सल्ला महाराय !, अस्सिं देहे पइट्ठिया । वायमुत्तपुरीसाणं, पत्तवेगं न धारए ॥४॥ राया विज्जंमि मए विज्जसुयं भणइ किंच ते अहियं ? । अहियंति वायकम्मे विज्जे हसणा य परिकहणा ॥५॥ एसा परिट्ठवणविही कहिया भे धीरपुरिसपन्नत्ता । सामायारी एत्तो वुच्छं अप्पक्खरमहत्थं ॥६॥ सन्नात्तो आगतो चरमपोरिसिं जाणिरुण ओगाढं । पडिलेहणमप्पत्तं नाऊण करेइ सज्झायं ॥७॥ पुव्वुद्धिद्वो य विही इहंपि पडिलेहणाइ सो चेव । जं एत्थं नाणत्तं तमहं वुच्छं समासेणं ॥८॥ पडिलेहणा उ दुविहा भत्तट्ठियएयरा य नायव्वा । दोणहवियं आइपडिलेहणा उ मुहणंतग सकायं ॥९॥ तत्तो गुरु परिन्ना गिलाणसेहाति जे अभत्तट्ठी । संदिसह पाय मत्ते य अप्पणो पट्टगं चरिमं ॥६३०॥ पट्टग मत्तय सयमोग्गहो य गुरूमाइया अणुन्नवणा । तो सेस पायवत्थे पाउंछणगं च भत्तट्ठी ॥१॥ जस्स जहा पडिलेहा होइ कया सो तथा पढइ साहू । परियट्ठेइ व पयओ करेइ वा अन्नवावारं ॥२॥ चउभागवसेसाए चरिमाए पडिक्कमित्तु कालस्स । उच्चारे पासवणे ठाणे चउवीसइं पेहे ॥३॥ अहियासिया उ अंतो आसन्ने मज्झि तह य दूरे य । तिन्नेव अणहियासी अंतो छच्छच्च बाहिरओ ॥४॥ एमेव य पासवणे बारस चउवीसइं तु पेहित्ता । कालस्सवि तिन्नि भवे अह सूरु अत्थमुवयाई ॥५॥ जइ पुण निव्वाघाओ आवासं तो करेति सव्वेवि । सइढाइकहणावाघायताए पच्छा गुरु ठंति ॥६॥ सेसा उ जहासत्ती आपुच्छित्ताण ठंति सट्ठाणे । सुत्तत्थझरणहेउं आयरिएं ठियंमि देवसियं ॥७॥ जो होज्ज उ असमत्थो बालो वुइढो गिलाण परितंतो । सो आवस्सगजुत्तो अच्छेज्जा निज्जरापेही ॥८॥ आवासगं तु काउं जिणवरदिट्ठं गुरूवएसेणं । तिन्नि थुई पडिलेहा कालस्स विही इमो तत्थ ॥९॥ दुविहो य होइ कालो वाघातिम एयरो य नायव्वो । वाघाओ घंघसालाए घट्टणं सइढकहणं वा ॥६४०॥ वाघाते तइओ सिं दिज्जइ तस्सेव ते निवेयंति । निव्वाघाते दुन्नि उ पुच्छंती काल घेच्छामो ॥१॥ आपुच्छण किइकम्मं आवस्सिय खलियपडियवाघाओ । इंदिय दिसा य तारा वासमसज्झाइयं चेव ॥२॥ जइ पुण वच्चंताणं छीयं जोइं च तो नियत्तंति । निव्वाघाते दोन्नि उ अच्छंति दिसा निरिक्खंता ॥३॥ गोणादि कालभूमीए होज्ज संसप्पगा व उट्ठेज्जा । कविहसियवासविज्जुक्कगज्जिए वावि उवघातो ॥४॥ सज्झायमचितंता कणगं दट्टुण तो नियत्तंति । वेलाए दंडधारी मा बोलं गंडए उवम ॥५॥ आघोसिए बहूहिं सुयंमि सेसेसु निवडइ दंडो । अह तं बहूहिं न सुयं दंडिज्जइ गंडओ ताहे ॥६॥ कालो सज्झा य तथा दोवि समप्पंति जह समं चेव । तह तं तुलंति कालं चरिमदिसं वा असज्झागं ॥७॥ पियधम्मो दढधम्मो संविग्गो चेवऽवज्जभीरू य । खेयन्नो य अभीरू कालं पडिलेहए साहू ॥८॥ आउत्तपुव्वभणिए अणपुच्छा खलियपडियवाघाते । घोसंतमूढसंकियइंदियविसएवि अमणुन्ने ॥९॥ निसीहिया नमोक्कारे काउस्सग्गे य पंचमंगलए । पुव्वाउत्ता सव्वे पट्टवणचउक्कनाणत्तं ॥६५०॥ थोवावसेसियाए सज्झाए ठाइ उत्तराहुत्तो । चउवीसगदुमपुप्फियपुव्वग एक्केक्कयदिसाए ॥१॥ भासंतमूढसंकियइंदियविसए य होइ अमणुन्ने । बिंदू य छीयऽपरिणय सगणे वा संकियं तिण्हं ॥२॥ मूढो व दिसऽज्झयणे भासंतो वावि गिण्हइ न सुज्जे । अन्नं च दिसज्झयणं संकंतोऽणिट्ठविसयं वा ॥३०९॥ भा० । जो वच्चंतंमि विही आगच्छंतंमि होइ सो चेव । जं एत्थं नाणत्तं तमहं वुच्छं समासेणं ॥३॥ निसीहिया नमुक्कारं आसज्जावडणपडणजोइक्खे । अपमज्जिय भीए वा छीए छिन्ने व कालवहो ॥४॥ आगम इरियावहिया मंगल आवेयणं तु मरू (णं मरूय) नायं । सव्वेहिवि पट्टविएहि पच्छा करणं अकरणं वा ॥५॥ सन्निहियाण वडारो पट्टविय पमाय नो दए कालं । बाहिठिए पडियरए पविसइ ताहे व दंडधरो ॥६॥ पट्टविय वंदिए या ताहे पुच्छेइ किं सुयं ? भंते !! तेवि य कहंति सव्वं जं जेण सुयं व दिट्ठं वा ॥७॥ एक्कस्स व दोण्ह व संकियंमि कीरइ न कीरए तिण्हं । सगणंमि संकिए परगणंमि गंतुं न पुच्छंति ॥८॥ कालचउक्के नाणत्तयं तु पादोसियंमि सव्वेवि । समयं पट्टवयंती सेसेसु समं व विसमं वा ॥९॥ इंदियमाउत्ताणं हणंति कणगा उ सत्त उक्कोसं । वासासु य तिन्नि दिसा उउबद्धे तारगा तिन्नि ॥६६०॥ कणगा हणंति कालं ति पंच सत्तेव धिं (गिम्ह) सिसिरवासे । उक्का उ सरेहागा रेहारहितो भवे कणतो ॥३१०॥ भा० । सव्वेवि पढमजामे दोन्नि उ वसभा उ आइमा जामा । तइओ होइ गुरूणं चउत्थओ होइ सव्वेसिं ॥१॥ वासासु य तिण्णि दिसा हवंति पाभाइयम्मि कालंमि । सेसेसु तीसु चउरो उउंमि चउरो चउदिसिंपि ॥३११॥ भा० । तिसु तिण्णि तारगा उ उदुंमि पाभाइए अदिट्ठेऽवि । वासासु अतारागा चउरो छन्ने निविट्ठेऽवि ॥३१२॥ भा० । ठाणासति बिंदूस गेण्हइ बिट्ठोवि पच्छिमं कालं । पडियरइ

बाहिं एक्को एक्को अंतट्टिओ गिणहे ॥२॥ पाओसियअइढरत्ते उत्तरदिसि पुव्व पेहए कालं । वेरत्तियंमि भयणा पुव्वदिसा पच्छिमे काले ॥३॥ सज्झायं कारुणं पढमबितियासु दोसु जागरणं । अन्नं वावि गुणंती सुणंति ज्ञायंति वाऽसुद्धे ॥४॥ जो चेव अ सयणविही णेगाणं वन्निओ वसहिदारे । सो चेव इहंपि भवे नाणंत नवरि सज्झाए ॥५॥ एसा सामायारी कहिया भे ! धीरपुरिसपन्नत्ता । एत्तो उवहिपमाणं वुच्छं सुद्धस्स जह धरणा ॥६॥ उवही उवग्गहे संगहे य तह पग्गहुग्गहे चेव । भंडग उवगरणे या करणेऽवि य हुंति एगट्ठा ॥७॥ ओहे उवग्गहंमि य दुविहो उवही उ होइ नायव्वो । एक्केक्कोऽविय दुविहो गणणाएँ पमाणतो चेव ॥८॥ पत्तं पत्ताबंधो पायट्ठवणं च पायकेसरिया । पडलाइं रयत्ताणं च गुच्छओ पायनिज्जोगो ॥९॥ तिन्नेव य पच्छागा रयहरणं चेव होइ मुहपती । एसो दुवालसविहो उवही जिणकप्पियाणं तु ॥६७०॥ एए चेव दुवालस मत्तग अइरेग चोलपट्टो य । एसो चउदसविहो उवहि पुण थेरकप्पम्मि ॥१॥ जिणा वारसरूवाइं, थेरा चउदसरूविणो । अज्जाणं पन्नवीसं तु, अओ उड्ढं उवग्गहो ॥२॥ तिन्नेव य पच्छागा पडिग्गहो चेव होइ उक्कोसो । गुच्छग पत्तगठवणं मुहणंतग केसरि जहत्तो ॥३॥ पडलाइ रयत्ताणं पत्ताबंधो य चोलपट्टो य । रयहरण मत्तओऽवि य थेराणं छव्विहो मज्झो ॥४॥ पत्तं पत्ताबंधो पायट्ठवणं च पायकेसरिया । पडलाइ रयत्ताणं च गोच्छओ पायनिज्जोगो ॥५॥ तिन्नेव य पच्छागा रयहरणं चेव होइ मुहपती । तत्तो य मत्तगो खलु चउदसमे कमढगो चेव ॥६॥ उग्गह णंतगपट्टो अब्धोरूग चलणिया य बोद्धव्वा । अब्भिंतर बाहिरि (नि) य सणियं तह कंचुगे चेव ॥७॥ उक्कच्छिय वेकच्छी संघाडी चेव खंधकरणी य । ओहोवहिंमि एए अज्जाणं पन्नवीसं तु ॥८॥ नावनिभो उग्गह णंतगो उ सो गुज्झदेसरक्खट्ठा । सो उ पमाणेणेगो घणमसिणो देहमासज्ज ॥१३३॥ भा० । पट्टोवि होइ एक्को देहपमाणेण सो उ भइयव्वो । छायंतोग्गहणंतं कडिबंधो मल्लकच्छा वा ॥४॥ अइढोरूगो उ ते दोवि गेण्हिउं छाएय कडिविभागं । जाणुपमाणा चलणी असीविया लंखियाएव्व ॥५॥ अंतो नियंसणी पुण लीणतरा जाव अब्धजंघाओ । बाहिर खलुगपमारा कडीय दोरेण पडिबद्धा ॥६॥ छाएइ अणुक्कमइ उरोरूहं कंचुओ य असीविओ य । एमेव य ओकच्छिय सा नवरं दाहिणे पासे ॥७॥ वेकच्छिया उ पट्टो कंचुयमुक्कच्छियं व छाएइ । संघाडीओ चउरो तत्थ दुहत्था उवसयंमि ॥८॥ दोण्णि तिहत्थायामा भिक्खट्ठा एग एग उच्चारे । ओसरणे चउहत्था णिसन्नपच्छायणी मसिणा ॥९॥ खंधकरणी य चउहत्थवित्थडा वायविहुरक्खट्ठा । खुज्जकरणी उ कीरइ रूववईणं कुडहहेउं ॥३२०॥ भा० । संघाइमेअरो वा सव्वोवेसो समासओ उवही । पासगबद्धमझुसिरो जं चाइन्नं तयं एयं ॥प्र०२७॥ जिणा बारसरूवाणि० ॥२८॥ उक्कोसगो जिणाणं चउव्विहो मज्झिमोवि एमेव । जहनो चउव्विहो खलु इत्तो थेराण वुच्छामि ॥२९॥ उक्कोसो थेराणं चउव्विहो छव्विहो अ मज्झिमओ । जहनो चउव्विहो खलु इत्तो अज्जाण वुच्छामि ॥३० प्र० ॥ उक्कोसो अट्टविहो मज्झिमओ होइ तेरसविहो उ । जहनो चउव्विहोविय तेण परमुवग्गहं जाण ॥९॥ एयं पायं जिणकप्पियाण थेराण मत्तओ बिइओ । एयं गणणपमाणं पमाणमाणं अओ वुच्छं ॥६८०॥ तिण्णि विहत्थी चउरंगुलं च भाणस्स मज्झिमपमाणं । इत्तो हीण जहन्नं अइरेगतरं तु उक्कोसं ॥१॥ इणमणं तु पमाणं नियगाहाराउ होइ निप्फन्नं । कालपमाणपसिद्धं उदरपमाणेण य वयंति ॥२॥ उक्कोसतिसामासे दुगाउअब्धाणमागओ साहू । चउरंगुलूणभरियं जं पज्जत्तं तु साहुस्स ॥३॥ एयं चेव पमाणं सविसेसयरं अणुग्गहपवत्तं । कंतारे दुब्भिकखे रोहगमाईसु भइयव्वं ॥४॥ वेयावच्चगरो वा नंदीभाणं धरे उवग्गहियं । सो खलु तस्स विसेसो पमाणजुत्तं तु सेसाणं ॥३२१॥ भा० । दिज्जाहि भाणपूरंति रिद्धिमं कोवि रोहमाईसु । तत्थवि तस्सुवओगो सेसं कालं तु पडिकुट्टो ॥५॥ पायस्स लक्खणमलक्खणं च भुज्जो इमं वियाणित्ता । लक्खणजुत्तस्स गुणा दोसा य अलक्खणस्स इमे ॥६॥ वट्ठं समचउरंसं होइ, थिरं थावरं च वण्णं च । हुंडं वायाइद्धं, भिन्नं च अधारणिज्जाइं ॥७॥ संठियंमि भवे लाभो, पतिट्ठा सुपतिट्ठिते । निव्वणे कित्तिमारोग्गं, वन्नइढे नाणसंपया ॥८॥ हुंडे चरित्तभेदो सबलंमि य चित्तविब्भमं जाणे । दुप्पत खीलसंठाणे गणे च चरणे च नो ठाणं ॥९॥ पउमुप्पले अकुसलं, सव्वणे वणमादिसे । अंतो बहिं च दइढंमि, मरणं तत्थ उ निद्विसे ॥६९०॥ अकरंडगम्मि भाणे हत्थो उट्ठं जहा न घट्टेइ । एयं जहन्नयमुहं वत्थुं पप्पा विसालं तु ॥१॥ छक्कायरक्खणट्ठा पायग्गहणं जिणेहिं पन्नत्तं । जे य गुणा संभोए हवंति ते पायगहणेवि ॥२॥ अतरंतबालवुइढासेहाएसा गुरू असहुवग्गो । साहारणोग्गहाऽलद्धिकारणा पादगहणं तु ॥३॥ पत्ताबंधपमाणं भाणपमाणेण होइ कायव्वं । जह गंठिमं कयंमि कोणा चउरंगुला हुंति ॥४॥ पत्तट्ठवणं तह गुच्छओ

य पायपडिलेहणीआ य । तिण्हंपि य प्पमाणं विहत्थि चउरंगुलं चेव ॥५॥ रयमादिरक्खणट्ठा पत्तट्ठवणं जिणेहिं पन्नतं (विऊ उवइसंति) । होइ पमज्जणहेउं तु गोच्छओ भाणवत्थाणं ॥६॥ पायपमज्जणहेउं केसरिया पाएँ पाएँ एक्केक्का । गोच्छग पत्तट्ठवणं एक्केक्कं गणणमाणेणं ॥७॥ जेहिं सविया न दीसइ अंतरिओ तारिसा भवे पडला । तिन्नि व पंच व सत्त व कयलीगब्भोवमा मसिणा ॥८॥ गिम्हासु तिन्नि पडला चउरो हेमंत पंच वासासु । उक्कोसगा उ एए एत्तो पुण मज्झिमे वुच्छं ॥९॥ गिम्हासु हुंति चउरो पंच य हेमंति छच्च वासासु । एए खलु मज्झिमया एत्तो उ जहन्नओ वुच्छं ॥१०॥ गिम्हासु पंच पडला छप्पुण हेमंति सत्त वासासु । तिविहंमि कालछेए पायावरणा भवे पडला ॥१॥ अइढाइज्जा हत्था दीहा छत्तीसअंगुले रूद्धा । बितियं पडिग्गहाओ ससरीराओ य निप्फन्नं ॥२॥ पुप्फफलोदयरयरेणुसउणपरिहारपायरक्खट्ठा । लिंगस्स य संवरणे वेदोदयरक्खणे पडला ॥३॥ माणं तु रयत्ताणे भाणपमाणेण होइ निप्फन्नं । पायाहिणं करंतं मज्झे चउरंगुलं कमइ ॥४॥ मूसयरजउक्केरे वासे सिण्हा रए य रक्खट्ठा । होंति गुणा रयताणे पादे पादे य एक्केक्कं ॥५॥ कप्पा आयपमाणा अइढाइज्जा उ वित्थडा हत्था । दो चेव सोत्तिया उन्निओ य तइओ मुणेयव्वो ॥६॥ तणगहणाणलसेवानिवारणा धम्मसुक्कझाणट्ठा । दिट्ठं कप्पग्गहणं गिलाणमरणट्ठया चेव ॥७॥ घणं मूले थिरं मज्झे, अग्गे मद्दवजुत्तया । एंगियं अज्झुसिरं, पोरायामं तिपासियं ॥८॥ अप्पोल्लं मिउ पम्हं च, पडिपुन्नं हत्थपूरिमं । रयणीपमाणमित्तं, कुज्जा पोरपरिग्गहं ॥३२२॥ भा० । बत्तीसंगुलदीहं चउवीसं अंगुलाइं दंडो से । अट्ठंगुला दसाओ एगयरं हीणमहियं वा ॥९॥ उण्णियं उट्ठियं वावि, कंबलं पायपुंछणं । तिपरीयल्लमणिस्सट्ठं, रयहरणं तु धारए एणं ॥१०॥ आयाणे निक्खेवे ठाणनिसीयणतुयट्ठसंकोए । पुव्वं पमज्जणट्ठा लिंगट्ठा चेव रयहरणं ॥१॥ चउरंगुलं विहत्थि एयं मुहणंतगस्स उ पमाणं । बितित्तं मुहप्पमाणं गणणपभाणेण एक्केक्कं ॥२॥ संपातिमरयरेणूपमज्जणट्ठा वयंति मुहपुत्तिं । नासं मुहं च बंधइ तीए वसहिं पमज्जंतो ॥३॥ जो मागहओ पत्थो सविसेसतरं तु मत्तयपमाणं । दोसुवि दव्वग्गहणं वासावासासु अहिगारो ॥४॥ सूवोदणस्स भरिओ दुगाउअद्धाणमागओ साहू । भुंजइ एगट्ठाणे एयं किर मत्तयपमाणं ॥५॥ संपाइमतसपाणा धूलिसरिक्खे य (सरक्खा) परिगलंतंमि । पुढविदगअगणिमारूयउद्धंसण खिंसणा डहरे ॥६॥ आयरिए य गिलाणे पाहुणए दुल्लभे सहसदाणे । संसत्तभत्तपाणे मत्तगपरिभोगउणुत्ताओ ॥७॥ एक्कंमि उ पाउग्गं गुरूणो बितिओग्गहे य पडिकुट्ठं । गिण्हइ संघाडेगो धुवलंभे सेस उभयंपि ॥८॥ असई लाभे पुण मत्तए य सव्वे गुरूण गेण्हंति । एसेव कमो नियमा गिलाणसेहाइएसुंपि ॥९॥ दुल्लभदव्वं व सिया घयाइ तं मत्तएसु गेण्हंति । लद्धेवि उ पज्जत्ते असंथरे सेसगट्ठाए ॥१०॥ संसत्तभत्तपाणेषु वावि दो (दे) सेसु मत्तए गहणं । पुव्वं तु भत्तपाणं सोहेउ छुहंति इयरेसु ॥१॥ दुगुणो चउग्गुणो वा हत्थो चउरंस चोलपट्टो उ । थेरजुवाणाणट्ठा सण्हे थुल्लंमि य विभासा ॥२॥ वेउव्वि वाउडे वातिएऽहिए खद्धपजणणे चेव । तेसिं अणुग्गहत्था लिंगुदयट्ठा य पट्टो उ ॥३॥ संथारूत्तरपट्टो अइढाइज्जा य आयया हत्था । दोण्हंपिय वित्थारो हत्थो चउरंगुलं चेव ॥४॥ पाणादिरेणुसारक्खणट्ठया होंति पट्टगा चउरो । छप्पइयरक्खणट्ठा तत्थुवरिं खोमियं कुज्जा ॥५॥ रयहरणपट्टमेत्ता अदसागा किंचि वा समतिरेगा । एकगुणा उ निसेज्जा हत्थपमाणा सपच्छागा ॥६॥ वासोवग्गहिओ पुण दुगुणो उवही उ वासकप्पाई । आयासंजमहेउं एक्कगुणो सेसओ होइ ॥७॥ जं पुण संपमाणाओ ईसिं हीणाहियं व लंभेज्जा । उभयंपि अहाकडयं न संघणा तस्स छेदो वा ॥८॥ दंडए लट्ठिया चेव, चम्मए चम्मकोसए । चम्मच्छेदण पट्टेवि, चिलिमिली धारए गुरू ॥९॥ जं चण्ण एवमादी तवसंजमसाहगं जइजणस्स । ओहाइरेगहियं ओवग्गहियं वियाणाहि ॥१०॥ लट्ठी आयपमाणा विलट्ठि चउरंगुलेण परिहीणा । दंडो बाहुपमाणो विदंडओ कक्खमेत्तो उ ॥१॥ एक्कपव्वं पसंसंति, दुपव्वा कलहकारिया । तिपव्वा लाभसंपन्ना, चउपव्वा मारणंतिया ॥२॥ पंचपव्वा उ जा लट्ठी, पंथे कलहनिवारणी । छच्चपव्वा य आयंको, सत्तपव्वा अरोगिया ॥३॥ चउरंगुलपइट्ठाणा, अट्ठंगुलसमूसिया । सत्तपव्वा उ जा लट्ठी, मत्ता (ता) गयनिवारिणी ॥४॥ अट्ठपव्वा असंपत्ती, नवपव्वा जसकारिया । दसपव्वा उ जा लट्ठी, तहियं सव्वसंपया ॥५॥ वंका कीडक्खइया चित्तलया पोल्लडा य दइढा य । लट्ठी य उब्भसुक्का वज्जेयव्वा पयत्तेणं ॥६॥ विसमेसु य पव्वेसुं, अनिप्फन्नेसु अच्छिसु । फुडिया फरूसवन्ना य, निस्सारा चेव निंदिया ॥७॥ तणूई पव्वमज्झेसु, थूला पोरेसु गंठिला । अथिरा असारजरढा, साणपाया य निंदिया ॥८॥ घणवद्धमाणपव्वा निद्धा वन्नेण एगवन्ना य ।

घणमसिणवट्टपोरा लट्ठि पसत्था जइजणस्स ॥९॥ दुट्ठपसुसाणसावयचिक्खलविसमेसु उदगमज्झेसु । लट्ठी सररीरक्खातवसंजमसाहिया भणिया ॥७४०॥ मोक्खट्ठा नाणाई तणू तयट्ठा तयट्ठिया लट्ठी । दिट्ठो जहोवयारो कारणतक्कारणेषु तथा ॥१॥ जं जुज्जइ उवकारे उवगरणं तं सि होइ उवगरणं । अतिरेगं अहिगरणं अजतो अजयं परिहरंतो ॥२॥ उग्गमउप्पायणासुद्धं, एसणादोसवज्जियं । उवहिं धारए भिक्खू, पगासपडिलेहणं ॥३॥ उग्गमउप्पायणासुद्धं, एसणादोसवज्जियं । उवहिं धारए भिक्खू, जोगाणं साहणट्ठया ॥४॥ उग्गमउप्पायणासुद्धं, एसणादोसवज्जियं । उवहिं धारए भिक्खू, अप्पदुट्ठो अमुच्छिओ ॥५॥ अज्झत्थविसोहीए उवगरणं बाहिरं परिहरंतो । अपरिग्गहीति भणिओ जिणेहिं तेल्लुक्कदंसीहिं ॥६॥ उग्गमउप्पायणासुद्धं, एसरादोसवज्जियं । उवहिं धारए भिक्खू, सदा अज्झत्थसोहिए ॥७॥ अज्जप्पविसोहीए जीवनिकाएहिं संथडे लोए । देसियमहिंसगतं जिणेहिं तेलोक्कदंसीहिं ॥८॥ उच्चालियंमि पाए इरियासमियस्स संकमट्ठाए । वावज्जेज्ज कुलिंगी मरिज्ज तं जोगमासज्ज ॥९॥ न य तस्स तन्निमित्तो बंधे सुहुमोवि देसिओ समए । अणवज्जो उ पओगेण सव्वभावेण सो जम्हा ॥७५०॥ नाणी कम्मस्स खयट्ठमुट्ठिओऽणुट्ठितो य हिंसाए । जयइ असढं अहिंसत्थमुट्ठिओ अवहओ सो उ ॥१॥ तस्स असंचेअयओ संचेययतो य जाइं सत्ताइं । जोगं पप्प विणस्संति नत्थिं हिंसाफलं तस्स ॥२॥ जो य पमतो पुरिसो तस्स य जोगं पडुच्च जे सत्ता । वावज्जंते नियमा तेसि सो हिंसओ होइ ॥३॥ जेवि न वावज्जंती नियमा तेसिंपि हिंसओ सो उ । सावज्जो उ पओगेण सव्वभावेण सो जम्हा ॥४॥ आया चेव अहिंसा आया हिंसत्ति निच्छओ एसो । जो होइ अप्पमतो अहिंसओ हिंसओ इयरो ॥५॥ जो य पओगं जुंजइ हिंसत्थं जो य अन्नभावेणं । अमणो उ जो पउंजइ इत्थ विसेसो महं वुत्तो ॥६॥ हिंसत्थं जुंजंतो सुमहंदोसो अणंतरं इयरो । अमणो य अप्पदोसो जोगनिमित्तं च विन्नेओ ॥७॥ रत्तो वा दुट्ठो वा मूढो वा जं पउंजइ पओगं । हिंसावि तत्थ जायइ तम्हा सो हिंसओ होइ ॥८॥ न य हिंसामित्तेणं सावज्जेणावि हिंसओ होइ । सुद्धस्स उ संपत्ती अफला भणिया जिणवरेहिं ॥९॥ जा जयमाणस्स भवे विराहणा सुत्तविहिसमग्गस्स । सा होइ निज्जरफला अज्झत्थविसोहिजुत्तस्स ॥७६०॥ परमरहस्समिसीणं समत्तगणिपिडगझरितसाराणं परिणामियं पमाणं निच्छयमवलंबमाणानं ॥१॥ निच्छयमवलंबंता निच्छयओ निच्छयं अयाणंता । नासंति चरणकरणं बाहिरकरणालसा केई ॥२॥ एवमिणं उवगरणं धारेमाणो विहीइ सुपरिसुद्धं । हवति गुणायतणं अविहि असुद्धे अणाययणं ॥३॥ सावज्जमणायतणं असोहिठाणं कुसीलसंसग्गी । एगट्ठा होंति पदा एते विवरीय आययणा ॥४॥ वज्जेत्तु अणायतणं आयतणगवेसणं सया कुज्जा । तं तु पुण अणाययणं नायव्वं दव्वभावेणं ॥५॥ दव्वे रूद्धाइघरा अणायतणं भावओ दुविहमेव । लोइय लोगुत्तरियं तहियं पुण लोइयं इणमो ॥६॥ खरिया तिरिक्खजोणी तालायर समण माहण सुसाणे । वग्गुरिय वाह गुम्मिय हरिएस पुलिंद मच्छंधा ॥७॥ खणमवि न खमं गंतुं अणायतणसेवणा सुविहियाणं । जंगंधं होइ वणं तंगंधं (धो) मारूओ वाइ ॥८॥ जे अन्ने एवमादी लोगंमि दुगुंछिया गरहिया य । समणाण व समणीण व न कप्पई तारिसे वासो ॥९॥ अह लोउत्तरियं पुणऽणायतणं भावतो मुणेयव्वं । जे संजमजोगाणं करेति हाणिं समत्थावि ॥७७०॥ अंबस्स य निंबस्स य दुणहंपि समागयाइं मूलाइं । संसग्गीए विणट्ठो अंबो निंबत्तणं पत्तो ॥१॥ सुचिरंपि अच्छमाणो नलथंबो उच्छुवाडमज्झंमि । कीस न जायइ महुरो जइ संसग्गी पमाणं ते ? ॥२॥ सुचिरंपि अच्छमाणो वेरूलिओ कायमणीय ओमीसे । न उवेइ कायभावं पाहन्नगुणेण नियएण ॥३॥ भावुगअभावुगाणि य लोए दुविहाइं हुंति दव्वाइं । वेरूलिओ तत्थ मणी अभावुगो अन्नदव्वेणं ॥४॥ ऊणगसयभागेणं बिंबाइं परिणमंति तब्भावं । लवणागराइसु जहा वज्जेह कुसीलसंसग्गी ॥५॥ जीवो अणाइनिहणो तब्भावणभाविओ य संसारे । खिप्पं सो भाविज्जइ मेलणदोसाणुभावेणं ॥६॥ जह नाम महुरसलिलं सागरसलिलं कमेण संपत्तं । पावइ लोणियभावं मेलणदोसाणुभावेणं ॥७॥ एवं खु सीलमंतो असीलमंतेहिं मेलिओ संतो । पावइ गुणपरिहाणीं मेलणदोसाणुभावेणं ॥८॥ णाणस्स दंसणस्स य चरणस्स य जत्थ होइ उवघातो । वज्जेज्जऽवज्जभीरू अणाययणवज्जओ खिप्पं ॥९॥ जत्थ साहम्मिया बहवे, भिन्नचित्ता अणारिया । मूलगुणपडिसेवी, अणायतणं तं वियाणाहि ॥७८०॥ जत्थ साहम्मिया बहवे, भिन्नचित्ता अणारिया । उत्तरगुणपडिसेवी, अणायतणं तं वियाणाहि ॥१॥ जत्थ साहम्मिया बहवे, भिन्नचित्ता अणारिया । लिंगवेसपडिच्छन्ना, अणायतणं तं वियाणाहि ॥२॥ आययणंपिय दुविहं दव्वे भावे य होइ नायव्वं ।

दव्वंमि जिणघराई भावंमि य होइ तिविहं तु ॥३॥ जत्थ साहम्मिया बहवे, सीलमंता बहुस्सुया । चरित्तायारसंपन्ना, आययणं तं वियाणाहि ॥४॥ सुंदरजणसंसग्गी सीलदरिदंमि कुणइ सीलइठं । जह मेरुगिरीजायं तणंपि कणगतणमुवेइ ॥५॥ एवं खलु आययणं निसेवमाणस्स हुज्ज साहुस्स । कंटगपहे व छलणा रागदोसे समासज्ज ॥६॥ पडिसेवणा य दुविहा मूलगुणे चेव उत्तरगुणे य । मूलगुणे छट्ठाणा उत्तरगुणि होइ तिगमाई ॥७॥ हिंसाऽलिय चोरिक्के मेहुन्न परिग्गहे य निसिभत्ते । इय छट्ठाणा मूले उग्गमदोसा य इयरंमि ॥८॥ पडिसेवणा मइलणा भंगो य विराहणा य खलणा य । उवघाओ य असोही सबलीकरणं च एगट्टा ॥९॥ छट्ठाणा तिगठाना एगतरे दोसु वावि छल्लिएणं । कायव्वा उ विसोही सुद्धा दुक्खक्खयट्टाए ॥१०॥ आलोयणा उ दुविहा मूलगुणे चेव उत्तरगुणे य । एक्केक्का चउकन्ना दुवग्ग सिद्धावसाणा य ॥१॥ आलोयणा वियडणा सोही सबभावदायणा चेव । निंदण गरिह विउट्टण सल्लुद्धरणंति एगट्टा ॥२॥ एत्तो सल्लुद्धरणं वुच्छामी धीरपुरिसपन्नत्तं । जं नाऊण सुविहिया करेति दुक्खक्खयं धीरा ॥३॥ दुविहा य होइ सोही दव्वसोही य भावसोही य । दव्वंमि वत्थमाई भावे मूलुत्तरगुणेषु ॥४॥ छत्तीसगुणसमन्नागएण तेणवि अवस्स कायव्वा । परसक्खिया विसोही सुट्टुवि ववहारकुसलेणं ॥५॥ जह सुकुसलोऽवि विज्जो अन्नस्स कहेइ अप्पणो वाहिं । सोऊण तस्स विज्जस्स सोवि परिकम्ममारभइ ॥६॥ एवं जाणंतेणवि पायच्छित्तविहिमप्पणो सम्मं । तहविय पागडतरयं आलोएतव्वयं होइ ॥७॥ गंतूण गुरूसकास काऊण य अंजलिं विणयमूलं । सव्वेण अत्तसोही कायव्वा एस उवएसो ॥८॥ नहु सुज्झई ससल्लो जह भणियं सासणे धुयरयाणं । उद्धरियसव्वसल्लो सुज्झइ जीवो धुयकिलेसो ॥९॥ सहसा अण्णाणेण व भीएण व पिल्लिएण व परेण । वसणेणायंकेण व मूढेण व रागदोसेहिं ॥१०॥ जंकिंचि कयमकज्जं न हु तं लब्भा पुणो समायरिउं । तस्स पडिक्कमियव्वं न हु तं हियएण वोढव्वं ॥१॥ जह बालो जंपंतो कज्जमकज्जं व उज्जुयं भणइ । तं तह आलोएज्जा मायामयविप्पमुक्को उ ॥२॥ तस्स य पायच्छित्तं जं मग्गविऊ गुरू उवइसंति । तं तह आयरियव्वं अणवत्थपसंगभीएणं ॥३॥ नवि तं सत्थं व विसं व दुप्पउत्तो व कुणइ वेयालो । जंतं व दुप्पउत्तं सप्पो व पमाइणो कुद्धो ॥४॥ जं कुणइ भावसल्लं अणुद्धियं उत्तमट्टकालंमि । दुल्लभबोहीयत्तं अणंतसंसारियत्तं च ॥५॥ तो उद्धरंति गारवरहिता मूलं पुणभवलयाणं । मिच्छादंसणसल्लं मायासल्लं नियाणं च ॥६॥ उद्धरियसव्वसल्लो आलोइयनिंदिओ गुरूसगासे । होइ अतिरेगलहुओ ओहरियभरोव्व भारवहो ॥७॥ उद्धरियसव्वसल्लो भत्तपरिच्चाएँ धणियमाउत्तो । मरणाराहणजुत्तो चंदगवेज्झं समाणेइ ॥८॥ आराहणाइ जुत्तो सम्मं काऊण सुविहिओ कालं । उक्कोसं तिन्नि भवे गंतूण लभेज्ज निव्वाणं ॥९॥ एसा सामायारी कहिया भे धीरपुरिसपन्नत्ता । संजमतवइढगाणं निग्गंथाणं महरिसीणं ॥१०॥ एयं सामायारिं जुंजंता चरणकरणमाउत्ता । साहू खवंति कम्मं अणेगभवसंचियमणंतं ॥१॥ एसा अणुग्गहत्था फुडवियडविसुद्धवंजणाइच्चा । इक्कारसहिं सएहिं एगुणवन्नेहिं संमत्ता ॥११॥

**५५५ भाष्यगाथा: ३२२ । प्रक्षिप्ता २७ । ५५५** नमो नमो निम्मल दंसणस्स पंचम गणधर श्री सुधर्मा स्वामिने नमः **५५५ ४१ पिंडनिज्जुत्ति ५५५ १)** पिंडे उग्गम उप्पायणेसणा जोयणा पमाणे य इंगाल धूम कारण अट्टविहा पिंडनिज्जुत्ती ॥१॥ २) पिंड निकाय समूहे संपिंडण पिंडणा य समवए समुसरण निचय उवचय चए य जुम्मे य रासी य ॥२॥ ३) पिंडस्स उ निक्खेवो चउक्कओ छक्कओ व कायव्वो निक्खेवं काऊणं परुवणा तस्स कायव्वा ॥३॥ ४) कुलए य चउभागस्स संभवो छक्कए चउणहं च नियमेण संभवो अत्थि छक्कगं निक्खेवे तम्हा ॥४॥ ५) नामंठवणापिंडो दव्वे खेत्ते य काल भावे य एसो खलु पिंडस्स उ निक्खेवो छव्विहो होइ ॥५॥ ६) गोण्णं समयकयं वा जं वावि हवेज्ज तदुभएण कयं तं बिंतिनामपिंडं ठवणापिंडं अओ वोच्छं ॥६॥ ७) गुणनिप्फन्नं गोण्णं तं चेव जहत्थम स त्थवी बेंति तं पुण खवणो जलणो तवणो पवणो पईवो य ॥१॥ भा.-१ ८) पिंडण बहुदव्वाणं पडिवक्खेणावि जत्थ पिंडक्खा सो समयकओ पिंडो जह सुत्तं पिंडपडियाई ॥२॥ भा.-२ ९) जस्स पुण पिंडवायट्टयं पविट्टस्स होइ संपत्ती गुडओयणपिंडेहिं तं तदुभयपिंडमाहंसु ॥३॥ भा.-३ १०) उभयाइरित्तमहवा अन्नंपि हु अत्थि लोइयं नाम अत्ताभिप्पायकयं जह सीहगदेवदत्ताई ॥४॥ भा.-४ ११) गोण्णसमयारित्तं इणमन्नं वाऽवि सूइयं नाम जह पिंडउत्ति कीरइ कस्सइ नामं मणूसस्स ॥५॥ भा.-५ १२) तुल्लेऽवि अभिप्पाए समयपसिद्धं न गिणहए लोओ

जं पुण लोयपसिद्धं तं सामइया उवचरंति ॥६॥ भा.-६ १३) अक्खे वराडए वा कट्ठे पुत्थे व चित्तकम्मे वा सग्गभावमसग्गभावे ठवणापिंडं वियाणाहि ॥७॥-७ १४) इक्को उ असग्गभावे तिण्हं ठवणा उ होइ सग्गभावे चित्तेसु असग्गभावे दारु अलेप्पोवले सियरो ॥७॥ भा.--७ १५) तिविहो उ द्व्वपिंडो सच्चित्तो मीसओ अच्चित्तो य एक्केक्कस्स य एत्तो नव नव भेआ उ पत्तेयं ॥८॥-८ १६) पुढवी आउक्काओ तेऊ वाऊ वणस्सई चेव बेइंदिय तेइंदिय चउरो पंचेदिया चेव ॥९॥-९ १७) पुढवीकाओ तिविहो सच्चित्तो मीसओ य अच्चित्तो सच्चित्तो पुण दुविहो निच्छयववहारओ चेव ॥१०॥-१० १८) निच्छओ सच्चित्तो पुढविमहापव्वयाण बहुमज्झे अच्चित्तमीसवज्जो सेसो ववहारसच्चित्तो ॥११॥-११ १९) खीरदुमहेट्टु पंथे कट्ठोले इंधणे य मीसो उ पोरिसि एग दुग तिगं बहुइंधणमज्झथोवे य ॥१२॥-१२ २०) सीउण्हखारखत्ते अग्गीलोणूस अंबिलेनेहे वुक्कंतजोणिणं पयोयणं तेणिमं होइ ॥१३॥-१३ २१) अवरद्धिगविसबंधे लवणेण व सुरभिउवलएणं वा अच्चित्तस्स उ गहणं पओयणं तेणिमं चउत्तं ॥१४॥-१४ २२) ठाणनिसियणतुयट्टण उच्चारई चेव उस्सग्गो घट्टगडगलगतो एमाइ पओयणं बहुहा ॥१५॥-१५ २३) आउक्काओ तिविहो सच्चित्तो मीसओ य अच्चित्तो सच्चित्तो पुण दुविहो निच्छयववहारओ चेव ॥१६॥-१७ २४) घणउदही घणवलया करगसमुद्धहाण बहुमज्झे अह निच्छयसच्चित्तो ववहारनयस्स अगडाई ॥१७॥-१७ २५) उस्सिणोदगमणुवत्ते दंडे वासे य पडियमित्तंमि मोत्तूणादेसतिगं चाउलउदगेऽबहु पसन्नं ॥१८॥-१८ २६) भंडगपासविलग्गा उत्तेडा बुब्बुया न संमंति जा ताव मीसगं तंदुला य रज्झंति जावउत्ते ॥१९॥-१९ २७) एए उ अणाएसा तिच्चिवि कालनियमस्सउसंभवओ लुक्खेयरभंडगपवणसंभवासंभवाईहिं ॥२०॥-२० २८) जाव न बहुप्पसन्नं ता मीसं इस इत्थ आएसो होइ पमाणमचित्तं बहुप्पसन्नं तु नायव्वं ॥२१॥-२१ २९) सीउण्हखारखत्ते अग्गीलोणूस अंबिलेनेहे वुक्कंतजोणिणं पओयणं तेणिमं होइ ॥२२॥-२२ ३०) परिसेयपियणहत्थाइधोवणं चीरधोवणं चेव आयमण भाणधुवणं एमाइ पओयणं बहुहा ॥२३॥-२३ ३१) उउबद्ध धुवण बाउस बंभविणासो अठाणठवणं च संपाइमवाउवहो पावण भूओवघाओ य ॥२४॥-२४ ३२) अइभार चुडण पणए सीयलपाउरणऽजीर गेलण्णे ओहावण कायवहो वासासु अधोवणे दोसा ॥२५॥-२५ ३३) अप्पत्तेच्चिय वासे सव्वं उवहिं धुवंति जयणाए असईए उ दवस्स य जहन्नओ पायनिज्जोगो ॥२६॥-२६ ३४) आयरियगिलाणाण य मइला मइला पुणोऽवि धोवंति मा हु गुरुण अवण्णो लोगंमि अजीरणं इयरे ॥२७॥-२७ ३५) पायस्स पडोयारो दुनिसिज्ज तिपट्ट पोत्ति रयहरणं एए उ न वीसामे जयणा संकामणा धुवणं ॥२८॥-२८ ३६) पायस्स पडोयारो पत्तगवज्जो य पायनिज्जोगो दोन्नि निसिज्जाओ पुण अब्भित्तर बाहिरा चेव ॥८॥ भा. ८ ३७) संथारुत्तरचोलगपट्टा तिच्चि उ हवंति नायव्वा मुहपोत्तियत्ति पोत्ती एगनिसेज्जं च रयहरणं ॥९॥भा. ९ ३८) एए उ न वीसामे पइदिणमुवओगओ य जयणाए संकामिऊण धोवंति विज्ज छप्पाइया तत्थ विहिणा उ ॥१०॥ भा. १० ३९) जो पुण वीसमिज्जइ तं एवं वीयरायआणाए पत्ते धोवणकाले उवहिं वीसामए साहू ॥२९॥-२९ ४०) अब्भित्तरपरिभोगं उवरिं पाउणइ नाइदूरे य तिच्चि य तिच्चि य एणं निसिं तु काउं परिच्छिज्जा ॥३०॥-३० ४१) धोवत्थं तिच्चि दिणा उवरिं पा निया उणइ तह य चेव आसन्नं धारेइ तिच्चि दियहे एगदिणं उवरि लंबंतं ॥११॥भा. ११ ४२) केई एक्केक्कनिसिं संवासेउं तिहा परिच्छंति पाउणइ जइ न लग्गंति छप्पइया ताहि धोवंति ॥३१॥-३१ ४३) निव्वोदगस्स गहणं केई भाणेसु असुइ पडिसेहो गिहिभायणेसु गहणं ठिय वासे मीसगं छारो ॥३२॥-३२ ४४) गुरुपच्चक्खाणिगिलाणसेहमाईण धोवणं पुव्वं तो अप्पणो पुव्वमहाकडे य इयरे दुवे पच्छा ॥३३॥-३३ ४५) अच्छोडपिट्टणासु य न धुवे धोए पयावणं न करे परिभोग अपरिभोगे छायायव पेह कल्लाणं ॥३४॥-३४ ४६) तिविहो तेउक्काओ सच्चित्तो मीसओ य अच्चित्तो सच्चित्तो पुण दुविहो निच्छयववहारओ चेव ॥३५॥-३५ ४७) इट्टगपागाईणं बहुमज्झे विज्जुमाइ निच्छयओ इंगालाई इयरोत्ति मुम्मुरमाई उ मिस्सो उ ॥३६॥-३६ ४८) ओयणवंजणपाणग आयामुसिणोदगं च कुम्मासा डगलगसरक्खसूई पिप्पलमाई उ उवओगो ॥३७॥-३७ ४९) वाउक्काओ तिविहो सच्चित्तो मीसओ य अच्चित्तो सच्चित्तो पुण दुविहो निच्छयववहारओ चेव ॥३८॥-३८ ५०) सवल्लय धणतणुवाया अइहिम अइदुदिणे य सु निच्छओ ववहार पाइणाई अक्कंताई य अच्चित्तो ॥३९॥-३९ ५१) अक्कंतधंतधाणे देहाणुगए य पीलियाइसु य अच्चित्त वाउकाओ तो एवविहो भणिओ कम्मट्टमहणेहिं ॥४०॥-४० ५२) हत्थसयमेग गंता दइओ अच्चित्त बीयए

मीसो तइयंमि उ सच्चित्तो वत्थी पुण पोरिसिदिनेसु ॥४१॥-४१ ५३) निद्धेयरो य कालो एगंतसिणिद्धमज्झिमजहत्तो लुक्खोवि होइ तिविहो जहन्नमज्झो य उक्कोसो ॥४२॥-४२ ५४) एगंतसिणिद्धंमी पोरिसिमेगं अचेअणो होइ बिइयाए संमीसो तइयाइ सचेयणो वत्थी ॥४३॥-४३ ५५) मज्झिमनिद्धे दो पोरिसीउ अच्चित्तु मीसओ तइए चउत्थीए सच्चित्तो पवणो दइयाए मज्झगओ ॥४४॥-४४ ५६) पोरिसितिगमच्चित्तो निद्धजहन्नंमि मीसग चउत्थी सच्चित्त पंचमीए एवं लुक्खेऽवि दिनवुड्ढी ॥४५॥-४५ ५७) दइएण वत्थिणा वा पओयणं होज्ज वाउणा मुणिणो गेलन्नंमि व होज्जा सच्चित्तमीसे परिहरेज्जा ॥४२॥भा. - १२ ५८) वणसइकाओ तिविओ सच्चित्तो मीसओ य अच्चित्तो सच्चित्तो पुण दुविहो निच्छयववहारओ चेव ॥१३॥भा. १३-१३ ५९) सव्वोऽवऽनंतकाओ सच्चित्तो मीसओ य अच्चित्तो सच्चित्तो पुण दुविहो निच्छयववहारओ चेव ॥१३॥ भा. १४ ६०) पुप्फाणं पत्ताणं सरडुफलाणं तहेव हरियाणं वेंटंमि मिलाणंमि नायव्वं जीवविप्पजठं ॥१५॥ भा. १५ ६१) संथारपायदंडगखोमिय कप्पा य पीढफलगाई ओसहभेसज्जाणि य एमाइ पओयणं बहुहा ॥४६॥-४६ ६२) बियतियचउरो पंचंदिया य तिप्पभिइ जत्थ उ समंति सट्ठाणे सट्ठाणे सो पिंडो तेणं कज्जमिणं ॥४७॥-४७ ६३) बेइंदियपरिभोगो अक्खाण ससिप्पसंखमाईणं तेइंदियाण उद्देहिगादि जं वा वए वेज्जो ॥४८॥-४८ ६४) चउरिंदियाण मच्छियपरिहारो चेव आसमक्खिया चेव पंचंदियापिंडमि उ अब्बवहारी उ नेरइया ॥४९॥-४९ ६५) चम्मट्टिदंतनहरोमसिग अविंलाइछगणगोमुत्ते खीरदधिमाइयाण य पंचिंदियतिरियपरिभोगो ॥५०॥-५० ६६) सच्चित्ते पव्वावणं पंथुवएसे य भिक्खदाणाई सीसट्टिग अच्चित्ते मीसट्टिसरक्खपहपुच्छा ॥५१॥-५१ ६७) खमगाइ कालकज्जाइएसु पुच्छिज्ज देवयं कंचि पंथे सुभासुभे वा पुच्छेई च्छाए दिव्व उवओगो ॥५२॥-५२ ६८) अह मीसओ य पिंडो एसिं चिय नवणह पिंडाणं दुगसंजोगाईओ नायव्वो जाव चरमोत्ति ॥५३॥-५३ ६९) सोवीरगोरसासववेसणभेसज्जनेहसागफले पोग्गललोणगुलोयण नेगा पिंडा उ संजोगे ॥५४॥-५४ ७०) तिन्नि उ पएससमया ठाणट्टिइउ दविए तयाएसा चउपंचमपिंडाणं जत्थ जया तप्परुवणया ॥५५॥-५५ ७१) मुत्तदविएसु जुज्जइ जइ अन्नोन्नानुवेहओ पिंडो मुत्तिविमुत्तेसुवि सो जुज्जइ नणुसंखबाहुल्ला ॥५६॥-५६ ७२) जह तिपएसो खंधो तिसुवि प एसोसु जो स सो ज मोगाढो अविभागिणं संबद्धो कहन्नु नेवं तदाधारो ॥५७॥-५७ ७३) अहवा चउणह नियमा जोगविभागेण जुज्जए पिंडो दोसु जहियं तु पिण्डो वणिज्जइ कीरए वावि ॥५८॥-५८ ७४) दुविहो उ भावपिण्डो पसत्थओ चेव अप्पसत्थो य एसिं दोणहंपिय पत्तेय परुवणं वोच्छं ॥५९॥-५९ ७५) एगविहाइदसविहो पसत्थओ चेव अप्पसत्थो य संजम विज्जाचरणे नाणादितिगं च तिविहो उ ॥६०॥-६० ७६) नाणं दंसण तव संजमो य वय पंच छच्च जाणेज्जा पिंडेसणं पाणेसण उग्गहपडिमा य पिंडमि ॥६१॥-६१ ७७) पवयणमाया नव बंभगुत्तिओ तह य समणधम्मो य एस पसत्थो पिंडो भणिओ कम्मट्टमहणेहिं ॥६२॥-६२ ७८) अपसत्थो य असंजम अन्नाणं अवरिइ य मिच्छत्तं कोहायासवकाया कम्मेऽगुत्ती अ हम्मो य ॥६३॥-६३ ७९) बज्झइ य जेण कम्मं सो सव्वो होइ अप्पसत्थो उ मुच्चइ य जेण सो उण पसत्थओ नवरि विन्नेओ ॥६४॥-६४ ८०) दंसणनाणचरित्ताण पज्जवा जे उ जत्तिया वावि सो सो होइ तयक्खो पज्जवपेयालणा पिंडो ॥६५॥-६५ ८१) कम्माण जेण भावेण अप्पगं चिणइ चिककणं पिंडं सो होइ भावपिंडो पिंडयए पिंडण ओ जम्हा ॥६६॥-६६ ८२) दव्वे अच्चित्तेणं भावंमि वे य पसत्थएणिहंपगयं उच्चारियत्थसरिसा सीसमइ सेसा उ विकोवणट्टाए ॥६७॥-६७ ८३) आहारउवहिसेज्जा पसत्थपिंडस्सुवग्गहं कुणइ आहारे अहिगारो अट्टहिं ठाणेहिं सो सुद्धो ॥६८॥-६८ ८४) निव्वाणं खलु कज्जं नाणाइतिगं च कारणं तस्स निव्वाणकारणाणं च कारणं होइ आहारो ॥६९॥-६९ ८५) जह कारणं तु तंतू पडस्स तेसिं च होंति पम्हाइं नाणाइतिगस्सेवं आहारो मोक्खनेमस्स ॥७०॥-७० ८६) जह कारणमणुवहयं कज्जं साहेइ अविक्कलं नियमा मोक्खक्खमाणि एवं नाणाईणि उ अविगलाइं ॥७१॥-७१ ८७) संखेवपिंडियत्थो एवं पिंडो मए समक्खाओ फुडवियडपायडत्थं वोच्छामि एसणं एत्तो ॥७२॥-७२ ८८) एसण गवेसण मग्गणा य उग्गोवणा य बोद्धव्वा एए उ एसणाए नामा एगट्टिया होंति ॥७३॥-७३ ८९) नामंठवणा दविए भावंमि य एसणा मुणेयव्वा दव्वे भावे एककेक्कया उ तिविहा मुणेयव्वा ॥७४॥-७४ ९०) जम्मं एसइ एगो सुयस्स अन्नो तमेसए नट्टं सत्तुं एसइ अन्नो पएण अन्नो य से मच्चुं ॥७५॥-७५ ९१) एमेव सेसएसुवि चउप्पयापयअचित्तमीसेसु जा जत्थ जुज्जए

एसणा उ तं तत्थ जोएज्जा ॥७६॥-७७ ९२) भावेसणा उ तिविहा गवेसगहणेसणा उ बोद्धव्वा गासेसणा उ कमसो पन्नत्ता वीयरागेहिं ॥७७॥-७७ ९३) अगविट्ठस्स उ गहणं न होइ न य अगहियस्स परिभोगो एसणतिगस्स एसा नायव्वा आणुपुव्वी उ ॥७८॥-७८ ९४) नामं ठवणा दविए भावंमि वे य गवेसणा मुणेयव्वा दव्वंमि कुरंगगया उग्गमउप्पायणा भावे ॥७९॥-७९ ९५) जियसुत्तदेविचित्तसभपविसणं कणगपिट्ठपासणया दोहलदुब्बलपुच्छा कहणं आणा य पुरिसाणं ॥८०॥-८० ९६) सीवन्निसरिसमोयगकर ठवणं सीवन्निरुक्खहेट्ठेसु आगमण कुरंगाणं पसत्थ अपसत्थ उवमा उ ॥८१॥-८१ ९७) विइयमेयं कुरंगाणं पसत्थ अपसत्थ उवमा उ ॥८१॥-८१ पुरावि वाया वायंता न उणं पुंजकपुंजका ॥८२॥-८२ ९८) हत्थिगहणं गिम्हे अरहट्ठेहिं भरणं च सरसीणं अच्चुदएण नलवणा आ अहि रुढा गयकुलागमणं ॥८३॥-८३ ९९) विइयमेयं गजकुलाणं जया रोहंति नलवणा अन्नयावि झरंति हदा झरा न य एगट्ठियाइ एयाणि १००) उग्गम उग्गोवण मग्गणा य एगट्ठियाइ एयाणि नामं ठवणा दविए भावंमि य उग्गहो होइ ॥८५॥-८५ १०१) दव्वंमि लड्डुगाई भावे तिविहोग्गमो मुणेयव्वो दंसणनाणचरित्ते चरिउग्गमेणेत्य अहिगारो ॥८६॥-८६ १०२) जोइसतणोसहीणं मेहरिणकराणमुग्गमो दव्वे सो पुण जत्तो य जया जहा य दव्वुग्गमो वच्चो १०३) वासहरा अनुजत्ता अत्थाणी जोग्ग किड्डुकाले य घडगसरारो कया उ मोयगा लड्डुगपयिस्स ॥८८॥-८८ १०४) जोग्ग अजिण्ण मारुय निसग्ग तिसमुत्थ तो सुइसमुत्थो आहारुग्गमचिंता असुइत्ति दुहा मलप्पभवो ॥८९॥-८९ १०५) तस्सेवं वेरग्गुग्गमेण सम्मत्तनाणचरणाणं जगवं कमुग्गमो वा केवलनाणुग्गमो जाओ ॥९०॥-९० १०६) दंसणनाणप्पभवं चरणं सुद्धेसु तेसु तस्सुद्धी चरणेण कम्मसुद्धी उग्गमसमुद्धीइ चरणसुद्धी ॥९१॥-९१ १०७) आहाकम्मुद्देसिय पूईकम्मे य मीसजाए य ठवणा पाहुडियाए पाओअर कीय पामिच्चे ॥९२॥-९२ १०८) परियट्ठिए अभिहडे उब्भिन्ने मालोहडे इय अच्छिज्जे अनिसिट्ठे अज्झोयरए य सोलसमे ॥९३॥-९३ १०९) आहाकम्मियनामा एगट्ठा कस्स वावि किं वावि परपक्खे य सपक्खे चउरो गहणे य आणाई ॥९४॥-९४ ११०) आहा अहे य कम्मे आयाहम्मे य अत्तकम्मे य पडिसेवण पडिसुणणा संवासणुमोयणा चेव ॥९५॥-९५ १११) धणुजुयकायभराणं कुडुंबरज्जधुरमाइयाणं च खंधाई हिययं चि मि य दव्वाहा अंतए धणुणो ॥९६॥-९६ ११२) ओरालसरीराणं उद्वण तिवायणं च जस्सट्ठा मणमाहिता कीरइ आहाकम्मं तयं बेति ॥९७॥-९७ ११३) ओरालग्गहणेणं तिरिक्खमणुयाडहवा सुहुमवज्जा उद्वणं पुण जाणसु अइवायविवज्जियं पीडं ॥९६॥ भा. १६ ११४) कायवइमणो तिन्नि उ अहवा देहाउइंदियप्पाणा सामित्तावायाणे होइ तिवोओ य करणेसु य ॥१७॥ भा. १७ ११५) हिययंमि समाहेउं एगमणेगं च गाहणं जो उ वहणं करेइ दाया कायेण तमाहकम्मंति ॥१८॥ भा.-१८ ११६) जं दव्वं उदगाइसु छूढमहे वयइ जं च भारेणं सीईए रज्जुएण व ओयरणं दव्वडहेकम्मं ॥१८॥-१८ ११७) संजमठाणाणं कंडगाण लेसाठिईविसेसाणं भावं अहे करेई तम्हा तं भावडहेकम्मं ॥१९॥-१९ ११८) तत्थाणंता उ चरित्तपज्जवा होंति संजमट्ठाणं संखइयाणि उ ताणि कंडगं होइ नायव्वं ॥१९॥भा. १९ ११९) संखाईयाणि उ कंडगाणि छट्ठाणं विणिद्धिं छट्ठाणा उ असंखा संजमसेडी मुणयेव्वा ॥२०॥ भा. २० १२०) किण्हाइया उ लेसा उक्कोसविसुद्धिठिइविसेसाओ एएसि विसुद्धाणं अप्पं तग्गाहगो कुणइ ॥२१॥भा. २१ १२१) भावोवयारमाहेउमप्पगे किंचिनूणचरणग्गो आहाकम्मग्गाही अहो अहो नेइ अप्पाणं ॥१००॥-१०० १२२) बंधइ अहे भवाऊ पकरेइ अहोकुमाइं कम्माइं धणकरणं तिव्वेण उ भावेण चओ उवचओ य ॥१०१॥-१०१ १२३) तेसि गुरुणमुदएण अप्पणं दुग्गईए पवडंतं न चइए विधारेउं अहरगतिं निति कम्माइं ॥१०२॥-१०२ १२४) अट्ठाए अणट्ठाए छक्कायपमद्वणं तु जो कुणइ अनियाए य नियाए आयाहम्मं तयं बेतिं ॥१०३॥-१०३ १२५) जाणंतु अजाणंतो तहेव उ नि दिसिय ओहओ वावि जाणगमजाणगे वा वहेइ अनिया निया एसा ॥२२॥भा. २२ १२६) दव्वाया खलु काया भावाया तिन्नि नाणमाईणि परपाणपाडणर ओ चरणायं अप्पणो हणइ ॥१०४॥-१०४ १२७) निच्छयनयस्स चरणाय विधाए नाणदंसणवहोडवि ववहारस्स उ चरणे हयंमि भयणा उ सेसाणं ॥१०५॥-१०५ १२८) दव्वंमि अत्तकम्मं जं जो उ ममायए तगं दव्वं भावे असुहपरिणओ परकम्मं अत्तणो कुणइ ॥१०६॥-१०६ १२९) आहाकम्मपरिणओ फासुयमवि संकिलिट्ठपरिणामो आइयमाणो बज्झइ तं जाणसु अत्तकम्मंति ॥१०७॥-१०७ १३०) परकम्मअ म त्तकम्मीकरेइ तं जो उ गिण्हिउं भुंजे तत्थ भवे परकिरिया कहं नु अन्नत्थं संकमई

॥१०८॥-१०८ १३१) कूडउवमाइ केई परप्पउत्तेऽवि बेंति बंधोत्ति भणइ गुरुवि पमत्तो बज्झइ कूडे अदक्खो य ॥१०९॥-१०९ १३२) एमेव भावकूडे बज्झइ जो असुभभावपरिणामो तम्हा उ असुभभावो वज्जेयव्वो पयत्तेणं ॥११०॥-११० १३३) कामं सयं न कुव्वइ जाणंतो पुण तहावि तग्गाहि वड्ढेइ तप्पसंगं अगिण्हमाणो उ वारेइ ॥१११॥-१११ १३४) अत्तीकरेइ कम्मं पडिसेवाईहिं तं पुण इमेहिं तत्थ गुरु आइपयं लहु लहु लहुगा कमेणियरे ॥११२॥-११२ १३५) पडिसेवणमाईणं दाराणऽणुमोयणावसाणाणं जहसंभवं सरुवं सो दाहरणं पवक्खामि ॥११३॥-११३ १३६) अन्नेणाहाकम्मं उवणीयं असइ चोइओ भणइ परहत्थेणंगारे कड्ढंतो जह न डज्झइ हु ॥११४॥-११४ १३७) एवं खु सुद्धो दोसो देंतस्स कूडउवमाए समयत्थमजाणंतो मूढो पडिसेवणं कुणइ ॥११५॥-११५ १३८) उवओगंमि य लाभं कम्मग्गाहिस्स चित्तरक्खद्धा आलोइय सुलद्धं भणइ भणंतस्स पडिसुणणा ॥११६॥-११६ १३९) संवासो उ पसिद्धो अनुमोयण कम्मभोयणपसंसा एएसिमुदाहरणा ए उ कमेण नायव्वा ॥११७॥-११७ १४०) पडिसेवणाए तेणा पडिसुणणाए उ रायपुत्तो उ संवासंभि य पल्ली अनुभोयण रायदुट्ठो य ॥११८॥-११८ १४१) गोणीहरण सभूमी नेऊणं गोणिओ पहे भक्खे निव्विसया परिवेसण ठियावि ते कूविया घत्थे ॥११९॥-११९ १४२) जेऽविय परिवेसंती भायणाणि धरंति य तेऽवि बज्झंति तिव्वेणकम्मुणा किमु भोइणो ॥१२०॥-१२० १४३) सामत्थण रायसुए पिइवहण सहाय तह य तुण्हिक्को तिण्हंपि हु पडिसुणणा रण्णा सिद्धंमि सा नत्थि ॥१२१॥-१२१ १४४) भुंज न भुंजे भुंजसु तइओ तुसिणीउ भुंजए पढमो तिण्हंपि हु पणिसुणणा पडिसेहंतस्स ना नत्थि ॥१२२॥-१२२ १४५) आणेत्तुभुंजगा कम्मुणा उ बीयस्स वाइओ दोसो तइयस्स य माणसिओ तीहिं विसुद्धो चउत्थो उ ॥१२३॥-१२३ १४६) पडिसेवण पडिसुणणा संवासऽणुमोयणा उ चउरो वि पियमारगरायसुए विभासियव्वा जइजणेऽवि ॥१२४॥-१२४ १४७) पल्लीवहंमि नट्टा चोरा वणिया वयं न चोरत्ति न पलाण पावकर वरय त्ति काउंरत्ता उवालद्धा ॥१२५॥-१२५ १४८) आहाकडभोईहिं सहवासो तह य तव्विवज्जंपि दंसणगंधपरिकहा भाविति सुलूहवित्तिंपि ॥१२६॥-१२६ १४९) रायोरोहऽवराहे विभूसिओ घाइओ नयरमज्जे धन्नाधत्तत्ति कहा वहावहो कप्पडियखोला ॥१२७॥-१२७ १५०) साउं पज्जत्तं आयरेण काले रिउक्खवं निद्धं तग्गुणविकत्थणाए अभुंजमाणेऽवि अनुमत्ता ॥१२८॥-१२८ १५१) आहा अहे य कम्मे आयाहम्मे य अत्तकम्मे य जह वंजणनाणत्तं अत्थेणऽवि पुच्छए एवं ॥१२९॥-१२९ १५२) एगट्टा एगवंजण एगट्टा नाणवंजणा चेव नाणट्ट एगवंजण नाणट्टा वंजणानाणा १५३) दिद्धं खीरं खीरं एगट्टं एगवंजणं लोए एगट्टं बहुनामं दुद्ध पओ पीलु खीरं च ॥१३१॥-१३१ १५४) गोमहिसिअयाखीरं नाणट्टं एगवंजणं नेयं लोए घडपडसगडरहाई होइ पिहत्थं पिहंनामं ॥१३२॥-१३२ १५५) आहाकम्माईणं होइ दुरुत्ताइं पढमभंगो उ आहाहेकम्मंति य बिइओ सकिंकद इव भंगो ॥१३३॥-१३३ १५६) आहाकम्मंतरिया असणाई उ चउरो तइयभंगो आहाकम्म पडुच्चा नियमा सुत्तो चरिमभंगो ॥१३४॥-१३४ १५७) इंतत्थं जह सद्दा पुरंदराई उ नाइवत्तंते अहकम्म आयहम्मा तह आहं नाइवत्तंते ॥१३५॥-१३५ १५८) आहाकम्मेण अहे करेति जं हणइ पाणभूयाइं जं तं आइयमाणो परकम्मं अत्तणो कुणइ ॥१३६॥-१३६ १५९) कस्सत्ति पुच्छियंमी नियमा साहम्मियस्सं तं होइ साहम्मियस्स तम्हा कायव्व परुवणा विहिणा ॥१३७॥-१३७ १६०) नामं ठवणा दविए खेत्ते काले य पवयणे लिंगे दंसण नाण चरित्ते अभिग्गहे भावणाओ य ॥१३८॥-१३८ १६१) नामंमि सरिसनामो ठवणाए कट्टकम्ममाईया दव्वंमि जो उ भविओ साहंमिसरीगं चेव जं च ॥१३९॥-१३९ १६२) खेत्ते समाणदेसी कालंमि समाण उ एकक कालसंभूओ पवयणि संघे गयरो लिंगे रयहरणमुहपोत्ती ॥१४०॥-१४० १६३) दंसण नाणे चरणे तिग पण पण तिविह होइ उ चरित्ते दव्वाइओ अभिग्गह भावणमो अणिच्चाई ॥१४१॥-१४१ १६४) जावंत देवदत्ता गिही व अगिहीव तेसि दाहामि नो कप्पई गिहीणं दाहंति विसेसियं कप्पे ॥१४२॥-१४२ १६५) पासंडियसमणाणं गिहिनिग्गंथाण चेव उ विभासा जह नामंमि तहेव य खेत्ते काले य नायव्वं ॥१४५॥-१४५ १६६) नीसमनीसा व कडं ठवणासाहम्मियम्मि उ विभासा दव्वे मयतणुभत्तं न तं तु कुच्छा विवज्जेज्जा ॥१४४॥-१४४ १६७) पासंडियसमणाणं गिहिनिग्गंथाणं चेव उ विभासा जह नामंमि तहेव य खेत्ते काले य नायव्वं ॥१४५॥-१४५ १६८) दस ससिहागा सावग पवयणसाहम्मिया न दंसणओ लिंगेण उ साहम्मी नो पवयण निण्हगा सव्वे ॥१४६॥-१४६ १६९) विसरिसदंसणजुत्ता पवयणसाहम्मिया न

दंसणओ तित्थगरा पत्तेया नो पवयणदंससाहम्मी ॥१४७॥-१४७ १७०) नाणचरित्ता एवं नायव्वा होंति पवयणेणं तु पवयणओ साहम्मी नाभिग्गहसावगा जइणो ॥१४८॥-१४८ १७१) साहम्मऽभिग्गहेणं नो पवयण निण्ह तित्थ पत्तेया - १४८ एवं पवयणभावण एत्तो सेसाण वोच्छामि ॥१४९॥-१४९ १७२) लिंगार्इहिवि एवं एककेककेणं तु उवरिमा नेया जेऽनन्ने उवरिल्ला ते मोत्तु सेसए एवं ॥१५०॥-१५० १७३) लिंगेण उ साहम्मी न दंसणे वीसुदंसी जइनिण्हा पत्तेयबुद्ध तित्थंकरा य बीयंमि भंगंमि ॥१५१॥-१५१ १७४) लिंगेण उ नाभिग्गह अणभिग्गह वीसुऽभिग्गहा चेव जइसावग बियभंगे पत्तेयबुहा य तित्थयरा ॥१५२॥-१५२ १७५) एवं लिंगेण भावणं दंसणनाणे य पढमभंगो उ जइसावग विसुनाणी एवं चिय बिइयभंगोऽवि ॥१५३॥-१५३ १७६) दंसणचरणे पढमो सावग जइणो य बीयभंगो उ जइणो विसुनाणी एवं चिय बिइयभंगोऽवि ॥१५३॥-१५३ १७७) सावग जइ वीसऽभिग्गह पढमो बीओ य भावणा चेवं नाणेणऽवि नेज्जेवं एत्तो चरणेण वोच्छामि ॥१५५॥-१५५ १७८) जइणो वीसाभिग्गह पढमो बिय निण्हसावगजइणो उ एवं तु भावणासुऽवि वोच्छं दोण्हंतिमाणित्तो ॥१५६॥-१५६ १७९) जइणो सावग निण्हव पढमे बिइए य हुंति भंगे य केवलनाणे तित्थंकरस्स नो कप्पइ कयं तु ॥१५७॥-१५७ १८०) पत्तेयबुद्ध निण्हव उवासए केवलीवि आसज्ज खइयाइए य भावे पडुच्च भंगे उ जोएज्जा ॥१५८॥-१५८ १८१) जत्थ उ तइओ भंगो तत्थ न कप्पं तु सेसए भयणा तित्थंकरकेवलिणो जह कप्पं नो य सेसाणं ॥१५९॥-१५९ १८२) किं तं आहाकम्मंति पुच्छिए तस्सरुवकहणत्थं संभवपदरिसणत्थं च तस्स असणाइयं भणइ ॥१६०॥-१६० १८३) सालीमाई अवडे फले य सुंठाइ साइमं होइ तस्स कडनिट्ठियंमी सुद्धमसुद्धे य चत्तारि ॥१६१॥-१६१ १८४) कोद्धवरालगगामे वसही रमणिज्ज भिक्ख सज्झाए खेत्तपडिलेहसंजय सावयपुच्छुज्जुए कहणा ॥१६२॥-१६२ १८५) जुज्जइ गणस्स खेत्तं नवरि गुरुणं तु नत्थि पाउग्गं सालित्ति कए रुपण परिभायण निययमगेहेसु ॥१६३॥-१६३ १८६) वोलिंता ते व अन्ने वा अडंता तत्थ गोयरं सुणंति एसणाजुत्ता बालादिजणसंकडा ॥१६४॥-१६४ १८७) एए ते जेसिमो रद्धो सालिकूरो धरे धरे दिन्नो वा सेसयं देमि देहि वा बिंति वा इमं ॥१६५॥-१६५ १८८) थक्के थक्कावडियं अभत्तए सालिभत्तयं जाय मज्झ य पइस्स मरणं दियरस्स य से मया भज्जा ॥१६६॥-१६६ १८९) चाउलोदगंपि से देहि सालीआयामकंजियं किमेयंति कयं नाउं वज्जंतऽन्नं वयंति य ॥१६७॥-१६७ १९०) लोणागडोदए एवं खाणित्तु महुरोदगं ढकिकएणऽच्छते ताव जाव साहुत्ति आगया ॥१६८॥-१६८ १९१) कक्कडिय अंबगा वा दाडिम दक्खा य बीयपूराई खाइमऽहिगरणकरणंति साइमं तिगडुगाईयं ॥१६९॥-१६९ १९२) असणाईण चउण्हवि आमं जं साहुगहणपाउग्गं तं निट्ठियं वियाणसु उवक्खडं तू कडं होइ ॥१७०॥-१७० १९३) कंडियतिगुणुकंडा उ निट्ठियं नेगदुगुणकंडा उ निट्ठियकडो उ कूरो आहाकम्मं दुगुणमाहु ॥१७१॥-१७१ १९४) छायांपि विवज्जंती केई फलहेउगाइवुत्तस्स तं तु न जुज्जइ जम्हा फलंपि कप्पं बिइयभंगे ॥१७२॥-१७२ १९५) परपच्चइया छाया नवि सा रुक्खोव्वं वट्ठिया कत्ता नट्ठच्छाए उ दुमे कप्पइ एवं भणंतस्स ॥१७३॥-१७३ १९६) वड्ढइ हायइ छाया नत्थि च्छि क्कं पूइयंपिव न कप्पे न य आहाय सुविहिए निव्वत्तयई रवीच्छायं ॥१७४॥-१७४ १९७) अघणघणचारिगणणे छाया नट्ठा दिया पुणो होइ कप्पइ निरायवे नाम आयवे तं विवज्जेउं ॥१७५॥-१७५ १९८) तम्हा न एस दोसो संभवई कम्मलक्खणविहूणो तंपिय हु अइधिणिल्ला वज्जेमाणा अदोसिल्ला ॥१७६॥-१७६ १९९) परपक्खो उ गिहत्था समणा समणीउ होइ उ सपक्खो फासुकडं रद्धं वा निट्ठियमियरं कडं सव्वं ॥१७७॥-१७७ २००) तस्स कडनिट्ठियंमी अन्नस्स कडंमि निट्ठिए तस्स चउभंगो इत्थ भवे चरमदुगे होइ कप्पं तु ॥१७८॥-१७८ २०१) चउरो अइक्कम वइक्कमो य अइयार तह अणायारो निद्वरिसण चउण्हवि आहाकम्मे निमंतणया ॥१७९॥-१७९ २०२) सालीधयगुलगोरस नवेसु वल्लीफलेसु जाएसुं दाणे अहिगमसइडे आहाय कए निमंतेइ ॥१८०॥-१८० २०३) आहाकम्मगहणे अइक्कमाईसु वट्टए चउसु नेउरहारिगहत्थी चउतिगदुगएगचलणेणं ॥१८१॥-१८१ २०४) आहाकम्मामंतण पडिसुणमाणे अइक्कमो होइ पयभेयाउ वइक्कम गहिए तइएयरो गिलिए ॥१८२॥-१८२ २०५) आणाइणो य दोसा गहणे जं भणियमह इमे ते उ आणाभंगऽणवत्था मिच्छत्त विराहणा चेव ॥१८३॥-१८३ २०६) आणं सव्वजिणाणं गिण्हंतो तं अइक्कमइ लुद्धो आणं चऽइक्कमतो कस्साएसा कुणइ सेसं ॥१८४॥-१८४ २०७) एककेण कयमकज्जं करेइ तप्पच्चया पुणो अन्नो सायाबहुलपरंपर

वोच्छेओ संजमतवाणं ॥१८५॥-१८५ २०८) जो जहवायं न कुणई मिच्छद्विट्ठी तओ हु को अन्नो वड्ढेइ य मिच्छत्तं परस्स संकं जणेमाणो ॥१८६॥-१८६ २०९) वड्ढेइ तप्पसंगं गेही य परस्स संकं जणेमाणो ॥१८६॥-१८६ सजियंपि भिन्नदाढो न मुयइ निद्धंधसो पच्छा ॥१८७॥-१८७ २१०) खद्धे निद्धे य रुया सुत्ते हाणी तिगिच्छणे काया पडियरगाणवि हाणी कुणइ किलेसं किलिस्संतो ॥१८८॥-१८८ २११) जह कम्मं तु अकप्पं तच्छिक्कं वाऽवि भायणठियं वा परिहरणं तस्सेव य गहियमदोसं च तह भणइ ॥१८९॥-१८९ २१२) अब्भोज्जे गमणाइ य पुच्छा दव्वकुलदेस खित्त भावे य एव जयंते छलणा दिट्ठंता तत्थिमे दोन्नि ॥१९०॥-१९० २१३) जह वंतं तु अभोज्जं भत्तं जइविय सुसक्कयं आसि एवमसंजमवमणे अणेसणिज्जं अभोज्जं तु ॥१९१॥-१९१ २१४) मज्जारखइयमंसा मंसासित्थि कुणिमं सुणयवंतं वन्नाइ अन्नमुप्पाइयंति किं तं भवे भोज्जं ॥१९२॥-१९२ २१५) केई भणंति पहिए अट्ठाणे मंसपेसिवोसिरणं संभारिय परिवेस वट्ट न वारेइ सुओ करे धेतुं ॥१९३॥-१९३ २१६) अविकालकरहीखीरं ल्हसुण पलंडू सुरा य गोमंसं वेयसमएवि अभयं किंचि अभोज्जं अपेज्जं च ॥१९४॥-१९४ २१७) वन्नाइजुयावि बली सपललफलसेहरा असुइन्तथा असुइस्सविप्पुसेणविजह्छिक्काओ अभोज्जाहुंतिभिक्खाओ ॥१९५॥-१९५ २१८) एमेव उज्झियंमिवि आहाकम्मंमि अकयए कप्पे होइ अभोज्जं भाणे जत्थ व सुद्धंपि तं पडियं ॥१९६॥-१९६ २१९) वंतुच्चारसरिच्छ कम्मं सोउमवि कोविओ भीओ परिहरइ सावि य दुहा विहिअविहीए य परिहरणा ॥१९७॥-१९७ २२०) सालीओअणहत्थं दट्ठं भणइ अविकोविओ देतिं कत्तोच्चउत्ति साली वणि जाणइ पुच्छ तं गंतुं ॥१९८॥-१९८ २२१) गंतूण आवणं सो वाणियगं पुच्छए कओ साली पच्चंते मगहाए गोब्बरगामो तहिं वयइ ॥१९९॥-१९९ २२२) कम्मासंकाएँ पहं मोत्तुं कंटाहिसावया अदिसिं छायांपि विवज्जंतो डज्झइ उण्हेण मुच्छाई ॥२००॥-२०० २२३) इय अविहीपरिहारी नाणाईणं न होइ आभागी दव्वकुलदेसभावे विहिपरिहरणा इमा तत्थ ॥२०१॥-२०१ २२४) ओयणसमिइमसत्तुगकुम्मासाई उ होंति दव्वाइं बहुजणमप्पजणं वा कुलं तु देसा सुरट्ठाई ॥२०२॥-२०२ २२५) आयरऽणायर भावे सयं व अन्नेण वाऽवि दावणया एएसिं तु पयाणं चुपय तिपया व भयणा उ ॥२०२॥-२०३ २२६) अनुचियदेसं द स व्वं कुलमप्पं आयरो य तो पुच्छा बहुएवि नत्थि पुच्छा सदेसदविए अभावेऽवि ॥२०४॥-२०४ २२७) तुज्झट्ठाए कयमिणमन्नोन्नमवेक्खए य सविलक्खं वज्जंति गाढरुट्ठा का भे तत्तित्ति वा गिण्हे ॥२०५॥-२०५ २२८) गूढायारा न करंति आयरं पुच्छियावि न कहेति थोवंति व नो पुट्ठा तं च असुद्धं कहं तत्थ ॥२०६॥-२०६ २२९) आहाकम्मपरिणओ फासुयभोईवि बंधओ होइ सुद्धं गवेसमाणो आहाकम्मेवि सो सुद्धो ॥२०७॥-२०७ २३०) संघुद्विट्ठं सोउं एइ दुयं कोइ भोइए पत्तो दिन्नंति देहि मज्झंतिगाउ सोउं तओ लग्गो ॥२०८॥-२०८ २३१) मासियपारणगट्ठा गमणं आसन्नगामगं खमगे सड्ढी पायसकरणं कयाइ अज्जेज्जिही खमओ ॥२०९॥-२०९ २३२) खेल्लगमल्लगलेच्छारियाणि डिंभग निमच्छ रूटणया हंदि समणत्ति पायस घयगुलजुय जावणट्ठाए ॥२१०॥-२१० २३३) एगंतमवक्कमणं जइ साहू इज्ज होज्ज तिन्नो मि तणुकोट्ठंमि अमुच्छा भुत्तंमि य केवलं नाणं ॥२११॥-२११ २३४) चंदोदयं च सूरुदयं च रन्नो उ दोन्नि उज्जाणा तेसिं विवरियगमणे आणाकोवो तओ दंडो ॥२१२॥-२१२ २३५) सूरुदयं गच्छमहं पभाए चंदोदयं जंतु तणाइहारा दुहा खी पच्चुरसंतिकाउं रायावि चंदोदयमेव गच्छे ॥२१३॥-२१३ २३६) पत्तलदुमसालगया दच्छामु निवंगणत्ति दुश्चित्ता उज्जाणपालएहिं गहिया य हया य बद्धा य ॥२१४॥-२१४ २३७) सहस पइट्ठा दिट्ठ इयरेहि निवंगणत्ति तो बद्धा नितस्स य अवरण्हे दंसणमुभओ वहविसग्गा ॥२१५॥-२१५ २३८) जह ते दंसणकंखी अपूरिइच्छा विणासिया रण्णा दिट्ठऽवियरे मुक्का एमेव इहं समोयारो ॥२१६॥-२१६ २३९) आहाकम्म भुंजइ न पडिक्कमए य तस्स ठाणस्स एमेव अडइडो लुक्कविलुक्को जह कवोडो ॥२१७॥-२१७ २४०) आहाकम्मद्वारं भणियमियाणि पुरा समुद्विट्ठं उद्देसियंति वोच्छं समासओ तं दुहा होइ ॥२१८॥-२१८ २४१) ओहेण विभागेण य ओहे ठप्पं तु बारस विभागे उद्विट्ठ कडे कम्मे एक्केकिक चउक्कओ भेओ ॥२१९॥-२१९ २४२) जीवामु कहवि ओमे निययं भिक्खावि कइवई देमो इंदि हु नत्थि अदिन्नं भुज्जइ अकयं न य फलेइ ॥२२०॥-२२० २४३) सा उ अविसेसियं चिय मियंमि भत्तंमि तंडु चाउ ले छुहइ पासंडीण गिहीण व जो एहिए तस्स भिक्खट्ठा ॥२२१॥-२२१ २४४) छउमत्थोधुदेसं कहं वियाणाइ चोइए भणइ उवउत्तो गुरु एवं

गिहत्थसद्दाइचिद्दाए ॥२२२॥-२२२ २४५) दिन्ना उ ताउ पंचवि रेहाउ करेइ देइ व गणंति देह इओ मा य इओ अवणेह य एत्तिया भिक्खा ॥२२३॥-२२३ २४६) सद्दा इएसु साहू मुच्छं न करेज्ज गोयरगओ य एसणजुत्तो होज्जा गोणीवच्छो गवत्तिव्व ॥२२४॥-२२४ २४७) ऊसवमंडणवग्गा न पाणियं वच्छए नविय चारिं वणियागम अवरणहे वच्छगरडणं खरंणया ॥२२५॥-२२५ २४८) पंचविहविसयसोक्खक्खणी वहू समहियं गिहं तं तु न गणेइ गोणिवच्छो मुच्छिय गढिओ गवत्तंमि ॥२२६॥-२२६ २४९) गमणागमणुक्खेवे भासिय सोयाइइंदियाउत्तो एसणमणेसणं वा तह जाणइ तम्मणो समणो ॥२२७॥-२२७ २५०) महईएँ संखडीए उव्वरियं कूरवंजणाईयं पउरं दट्टण गिही भणइ इमं देहि पुण्णहा ॥२२८॥-२२८ २५१) तत्थ विभागुद्देसियमेवं संभवइ पुव्वमुद्धिं सीसगणहियद्दाए तं चेव विभागओ भणइ ॥२३॥ भा. २३ २५२) उद्देसियं समुद्देसियं च आएसिएं समाएसं एवं कडे य कम्मे एक्केकिक चउक्कओ भेओ ॥२२९॥-२२९ २५३) जावंतियमुद्देसं पासंडीणं भवे समुद्देसं समणाणं आएसं निग्गंथाणं समाएसं ॥२३०॥-२३० २५४) छिन्नमछिन्नं दुविहं दव्वे खेत्ते य काल भावे य निप्फइनिप्फन्नं नायव्वं जं जहिं कमइ ॥२३१॥-२३१ २५५) भत्तुव्वरियं खलु संखडीएँ तद्विवसमन्नदिवसे वा अंतो बहिं च सव्वं सव्वदिणं देहिं अच्छिन्नं ॥२३२॥-२३२ २५६) देहि इमं मा सेसं अंतो बाहिरगयं व एगयरं जाव अमुगत्ति वेला अमुगं वेलं च आरब्भ ॥२३३॥-२३३ २५७) दव्वाइछिन्नंपि हु जइ भणई आरओऽवि मा देह तो कप्पइ छिन्नंपि हु अच्छिन्नकडं परिहरंति ॥२३४॥-२३४ २५८) अमुगाणंति व दिज्जउ अमुकाणं मत्ति एत्थ उ विभासा जत्थ जईण विसिट्ठो निद्देसो परिहरंति रिज्जा ॥२३५॥-२३५ २५९) संदिस्संतं जो सुणइ कप्पए तस्स सेसए ठवणा संकलिय साहणं वा करंति असुए इमा मेरा ॥२३६॥-२३६ २६०) मा एयं देहि इमं पुट्टे सिद्धंमि तं परिहरंति जं दिन्नं तं दिन्नं मा संपइ देहि गेण्हंति ॥२३७॥-२३७ २६१) रसभायणहेउं वा मा कुच्छिहिई सुहं व दाहामि दहिमाई आयत्तं करेइ कूरं कडं एयं ॥२३८॥-२३८ २६२) मा काहंति अवणं परिकट्टलियं व दिज्जइ सुहं तु वियडेण फाणिएण व निद्धेण समं तु वट्टंति ॥२३९॥-२३९ २६३) एमेव य कम्मंमिऽवि उण्हवणे नवरि तत्थ नाणत्तं तावियविलीणएणं मोयगचुन्नीपुणक्करणं ॥२४०॥-२४० २६४) अमुगंति पुणो रद्धं दाहमकप्पं तु आरओ कप्पं खेत्ते अंतो बाहिं काले सुइव्वं परेव्वं वा ॥२४१॥-२४१ २६५) जं जह व कयं दाहं तं कप्पइ आरओ तहा अकयं कयपाकणिट्टंति ठियंपि जावंतियं मोत्तुं ॥२४२॥-२४२ २६६) छक्कायनिरणुकंपा जिणपवयणबहिरा बहिप्फोडा एवं वयंति फोडा लुक्कविलुक्का जह कवोडा ॥२४३॥-२४३ २६७) पूईकम्मं दुविहं दव्वे भावे य होइ नायव्वं दव्वंमि छगणधम्मिय भावंमि य बायरं सुहुमं ॥२४३॥-२४३ २६८) गंधाइगुणसमिठं जं दव्वं असुइगंधव्वजुयं पूइत्ति परिहरिज्जइ तं जाणसु दव्वपूइत्ति ॥२४४॥-२४४ २६९) गोट्टिनिउत्तो धम्मी सहाएँ आसन्नगोट्टिभत्ताए समियसुखल्लमीसं अजिन्न सन्ना महिसिपोहो ॥२४५॥-२४५ २७०) संजायलित्तभत्ते गोट्टिगंधोत्ति वल्लवणिआयो उक्खणिय अन्नछगणेण लिंपणं दव्वपूई ऊ ॥२४६॥-२४६ २७१) उग्गमकोडीअवयवमित्तेणवि मीसियं सुसुद्धंपि सुद्धंपि कुणइ चरणं पूइं तं भावओ पूई ॥२४७॥-२४७ २७२) आहाकम्मुद्देसिय मीसं तह बायरा य पाहुडिया पूई अज्झोयरओ उग्गमकोडी भवे एसा ॥२४८॥-२४८ २७३) बायर सुहुमं भावे उ पूइयं सुहुममुवरि वोच्छामि उवगरण भत्तपाणे दुविहं पुण बायरं पूइं २७४) चुल्लुक्खलिया डोए दव्वीछूढे य मीसगं पूइं डाए लोणे हिंगू संकामण फोडणे धूमे ॥२५०॥-२५० २७५) सिज्झंतस्सुवयारं दिज्जंतस्स व करेइ जं दव्वं तं उवकरणं चुल्ली उक्खा दव्वी य डोयाई ॥२५१॥-२५१ २७६) चुलुक्खा कम्माई आइमभंगेसु तीसुवि अकप्पं पडिकुट्टुं तत्थत्थं अन्नत्थगयं अनुत्तायं ॥२५२॥-२५२ २७७) कम्मियकद्दममिस्सा चुल्ली उक्खा य फड्डुगजुया उ उवगरणपूइमेयं डोए दंडे व एगयरे ॥२५३॥-२५३ २७८) दव्वीछूढेत्ति जं वुत्तं कम्मदव्वीएँ जं दए कम्मं घट्टिय सुद्धं तु घट्टए ट्टेआ हारपूइयं ॥२५४॥-२५४ २७९) अत्तट्टिय आयाणे डायं लोणं च कम्मं हिंगुं वा तं भत्तपाणपूई फोडण अन्नं व जं छुहइ ॥२५५॥-२५५ २८०) संकामेउं कम्मं सिद्धं जंकिंचि तत्थ छूढं वा अंगारधूमि थाली वेसण हेट्टा मुणीहि धूमो ॥२५६॥-२५६ २८१) इंधणधूमेगंधे अवयव माईहिं सुहुमपूई उ सुंदरमेयं पूई चोयग भणिए गुरु भणइ ॥१५७॥-२५७ २८२) इंधणधूमेगंधे अवयमाई न पूइयं होइ जेसिं तु एस पुई सोही नवि विज्जए तेसिं ॥२५८॥-२५८ २८३) इंधणअगणीअवयव धूमो बब्भो य अन्नगंधो य सव्वं फुसंति लोयं भन्नइ सव्वं तओ पूई ॥२५९॥-२५९ २८४) ननु

सुहुमपूइयस्सा पुव्वुद्धिस्सऽसंभवो एवं इंधणधूमाईहिं तम्हा पूइत्ति सिद्धमिणं ॥२६०॥-२६० २८५) चोयग इंधणमाईहिं चउहिवि सुहुमपूइयं होइ पन्नवणामित्तमियं परिहरणा नत्थि एयस्स ॥२६१॥-२६१ २८६) सज्झमसज्झं कज्जं सज्झं साहिज्जेण न उ असज्झं जो उ असज्झं साहइ किलिस्सइ न तं च साहेई ॥२६२॥-२६२ २८७) आहाकम्मियभायणपप्फोडण काउ अकयए कप्पे गहियं तु ति सुहुमपूई धोवणमाईहिं परिहरणा ॥२६३॥-२६३ २८८) धोयंपि निरावयवं न होइ आहच्च कम्मगहणांमि न य अहव्वा उ गुणा भन्नई सुद्धा कओ एवं ॥२६४॥-२६४ २८९) लोएवि असुइग्ंधा विपरिणया दूरओ न दूसंति न य मारंति परिणया दूरगया अवि विसावयवा ॥२६५॥-२६५ २९०) सेसेहि उ दव्वेहिं जावइयं फुसइ तत्तियं पूई लेवेहि तिहि उ पूई कप्पइ कप्पे कए तिगुणे ॥२६६॥-२६६ २९१) इंधणमाइं मोत्तुं चउरो सेसाणि होंति दव्वाइं तेसिं पुण परिमाणं तयप्पमाणाउ आरब्भ ॥२६७॥-२६७ २९२) पढमदिवसंमि कम्मं तिन्नि उ दिवसाणि पूइयं होइ पूईसु तिसु न कप्पइ कप्पइ तइओ जया कप्पो ॥२६८॥-२६८ २९३) समणकडाहाकम्मं समणाणं जं कडेण मीसं तु आहार उवहि वसही सव्वं तं पूइयं होइ ॥२६९॥-२६९ २९४) सइढस्स थेवदिवसेसु संखडी आसि संघभत्तं वा पुच्छित्तु निउणपुच्छं संलावाओ वऽगारीणं ॥२७०॥-२७० २९५) मीसज्जायं जावंतियं च पासंडिसाहुमीसं च सहसंतरं न कप्पइ कप्पइ कप्पे कए तिगुणे ॥२७१॥-२७१ २९६) दुग्गासे तं समइच्छिउं व अब्बाणसीसए जत्ता सइढी बहुभिक्खयरे मीसज्जायं करे कोई ॥२७१॥भा. २४ २९७) जावंतट्ठा सिद्धं नेयं न एइ तं देह कामियं जइणं बहुसु व अपहुप्पंते भणाइ अन्नंपि रंधेह ॥२७२॥-२७२ २९८) अत्तट्ठा रंधंते पासंडीणांपि बिइयओ भणइ निग्गंथट्ठा तइओ अत्तट्ठाएऽवि रंधंते सो होइ ॥२७३॥-२७३ २९९) विसघाइयपिसियासी मरइ तमन्नोवि खाइउं मरइ इय पारंपरमरणे अनुमरइ सहस्ससो जाव ॥२७४॥-२७४ ३००) एवं मीसज्जायं चरणप्पं हणइ साहु सुविसुद्धं तम्हा तं नो कप्पइ पुरिससहस्संतरगयंपि ॥२७५॥-२७५ ३०१) निच्छोडिए करीसेण वावि उव्वट्टिए तओ कप्पा सुक्खावित्ता गिणहइ अन्न चउत्थे असुकुकेऽवि ॥२७६॥-२७६ ३०२) सट्ठाणपरट्ठाणे दुविहं ठवियं तु होइ नायव्वं खीराइ परंपरए हत्थगय धरंतरं जाव ॥२७७॥-२७७ ३०३) चुल्ली उवचुल्ली वा ठाणसठाणं तु भायणं पिढरे सट्ठाणट्ठाणंमि य भायणट्ठाणे य चउभंगो ॥२५॥ भा. २५ ३०४) छब्बगवारगमाई होइ परट्ठाणमो वऽणेगविहं सट्ठाणे पिढरे छब्बगे य एमेव दूरे य ॥२७८॥-२७८ ३०५) एक्केक्कं तं दुविहं अनंतरं परंपरे य नायव्वं अविकारि कयं दव्वं तं चेव अनंतरं होइ ॥२७९॥-२७९ ३०६) उच्छुक्खीराईयं विगारि अविगारि धयगुलाईयं परियावज्जणदोसा ओयणदहिमाईयं वावि ॥२८०॥-२८० ३०७) उब्भट्ट परिन्नायं अन्नं लब्धं पओयणे घेच्छी रिणभीया व अगारी दहिति दाहं सुए ठवणा ॥२८१॥-२८१ ३०८) नवणीय मंथुतक्कं व जाव अत्तट्ठिय व गिणहंति देसूणा जाव धयं कुसणांपिय जत्तियं कालं ॥२८२॥-२८२ ३०९) रसक्ककबपिंडगुलामच्छंडियखंडसक्कराणं च होइ परंपरठवणा अन्नत्थ व जुज्जए जत्थ ॥२८३॥-२८३ ३१०) भिक्खग्गाही एगत्य कुणइ बिइओ उ दोसु उवओगं तेण परं उक्खित्ता पाहुडिया होइ ठवणा उ ॥२८४॥-२८४ ३११) पाहुडियावि हु दुविहा बायर सुहुमा य होइ नायव्वा ओसक्कणमुस्सक्कण कब्बट्टीए समोसरणो ॥२८५॥-२८५ ३१२) कंतामि ताव पेलुं तो ते दाहामि पुत्त मा रोव तं जइ सुणेइ साहू न गच्छए तत्थ आरंभो ॥२६॥ भा. २६ ३१३) अन्नट्ट उट्टिया बा तुब्भवि देमिन्ति दाहामि किंपि परिहरति किह दाणि न उट्टिहिसी साहुपभावेण लब्भामो ॥२७॥ भा. २७ ३१४) मा ताव झंख पुत्तय परिवाडीए इहेहि सो साहू एयस्स उट्टिया ते दाहं सोउं विवज्जेइ ॥२८६॥-२८६ ३१५) अंगुलियाए घेतुं कइढइ कप्पट्टओ धरं जत्तो तेणं किंति कहिए न गच्छइ पाहुडिया एस सुहुमा उ ॥२८७॥-२८७ ३१६) पुत्तस्स विवाहदिणं ओसरणे अइच्छिए मुणिय सइढा ओसक्कंतोसरणे संखडिपाहेणगदवट्ठा ॥२८८॥-२८८ ३१७) अप्पत्तंमि य ठवियं ओसरणे होहिइत्ति उस्सकणं तं पागडमियरं वा करेइ उज्जू अनुज्जू वा ॥२८९॥-२८९ ३१८) मंगलहेउं पुन्नट्टया व ओसकिकयं दुहा पगयं उस्सकिकयंपि किंति य पुट्टे सिट्टे विवज्जंति ॥२९०॥-२९० ३१९) पाहुडिभत्तं भुंजइं न पडिक्कमए य तस्स ठाणस्स एमेव अडइ बोडो लुक्कविलुक्को जह कवोडो ॥२९१॥-२९१ ३२०) लोयविरलुत्तमंगं तवोकिसं जल्लखउरियसरीरं जुगमेत्ततरदिट्ठिं अतुरियचवलं सगिहमितं ॥२९२॥-२९२ ३२१) दट्टण य अ तम नगारं सइढी संवेगमागया काई विपुलऽन्नपाण धेतूण निग्गया निग्गओ सोऽवि ॥२९३॥-२९३ ३२२) नीयदुवारंमि धरे न

सुज्झई एसणत्तिकाऊणं नीहंमिए अगारी अच्छइ विलिया वऽगहिणं ॥२९४॥-२९४ ३२३) चरणकणालमंसी अन्नंमि य आगए गहिय पुच्छा इहलोगं परलोगं कहेइ चइउं इमं लोगं ॥२९५॥-२९५ ३२४) नीयदुवारंभि धरे भिक्खं निच्छंति एसणासमिया जं पुच्छसि मज्झ कहं कप्पइ लिंगोवजीवीऽहं ॥२९६॥-२९६ ३२५) साहुगुणेसणकहणं आउट्टा तंमि तस्स तिप्पइ तहेव कुक्कुडि चरंति एए वयं तु चिन्नव्वया बीओ ॥२९७॥-२९७ ३२६) पाओकरणं दुविहं पागडकरणं पगासकरणं च पागड संकामण कुडुदारपाए य छिन्ने व ॥२९८॥-२९८ ३२७) रयणपईवे जोई न कप्पइ पगासणा सुविहियाणं अत्तट्ठिय परिभोत्तुं कप्पइ कप्पे अकाऊणं ॥२९९॥-२९९ ३२८) संचारिमा य चुल्ली बहिं व चुल्ली पुरा कया तेसिं तहि रंधंति कयाई उवही पूई य पाओ य ॥३००॥-३०० ३२९) नेच्छह तमिसंमि तओ बाहिरचुल्लीएँ साहु सिद्धण्णे इय सोउं परिहरए पुट्टे सिद्धिमिवि तहेव ॥३०१॥-३०१ ३३०) मच्छियधम्मा अंतो बाहि पवायं पगासमासन्नं इय अत्तट्ठिय गहणं पागडकरणे विभासेयं सा उ ॥३०२॥-३०२ ३३१) कुडुस्स कुणइ छिडुं दारं वड्ढेइ कुणइ अन्नं वा अवणेइ छायणं वा ठावइ रयणं व दिप्पंतं ॥३०३॥-३०३ ३३२) जोइ पइवं कुणइ व तहेव कहणं तु पुट्टे दुऽपुट्टेवा अत्तट्ठिए उ गहणं जोइ पईवे उ वज्जिता ज्जेइ ॥३०४॥-३०४ ३३३) पागडपयासकरणे कयंमि सहसा व अहवऽणाभोगा गहियं विगिंचिऊणं गेणहइ अन्नं अकयकप्पे ॥३०५॥-३०५ ३३४) कीयगडंपिय दुविहं दव्वे भावे य दुविहमेक्केक्कं आयकियं च परकियं परदव्वं तिविहऽचित्ताइ ॥३०६॥-३०६ ३३५) आयकियं पुण दुविहं दव्वे भावे य दव्व चुन्नाई भावंमि परस्सऽट्टा अहवावी अप्पणा चेव ॥३०७॥-३०७ ३३६) निम्मल्लंगधगुलियावन्नयपोत्ताइ आयकइ दव्वे गेलन्ने उड्डाहो पउणे चडुगारि अहिगरणं ॥३०८॥-३०८ ३३७) मंखमाई परभावकयं तु संजयट्टाए उप्पायणा निमंतण कीडगड अभिहडे ठविए ॥३०९॥-३०९ ३३८) सागारि मंख छंदण पडिसेहो पुच्छ बहु गए वासे कयरिं दिसिं गमिस्सह अमुइं तहिं संथवं कुणइ ॥३१०॥-३१० ३३९) दिज्जंते पडिसेहो कज्जे घेच्छं निमंतणं जइणं पुव्वगय आगएसुं संछुहई एगगेहंमि ॥३११॥-३११ ३४०) धम्मकह वाय खमणं निमित्त आयावेण सुयट्टाणं जाई कुल गण कम्मे सिप्पम्मि य भावकीयं तु ॥३१२॥-३१२ ३४१) धम्मकहाअक्खित्ते धम्मकहाउट्टियाण वा गिणहे कडुं हयं ति साहवो चिय तुं व कहि पुच्छिए तुसिणी ॥३१३॥-३१३ ३४२) किं वा कहिज्ज छारा दगसोरिया व अहवऽगारत्था किं झगलगलवल्या मुंडकुडुंबी व किं कहए ॥३१४॥-३१४ ३४३) एमेव वाइ खमए निमित्तमायावगम्मि य विभासा सुयट्टाणं गणिमाई अहवा वाणायरियमाई ॥३१५॥-३१५ ३४४) पामिच्चंपिय दुविहं लोइय लोगुत्तरं समासेण लोइय सज्झिलगाई लोगुत्तर वत्थमाईसु ॥३१६॥ ३४५) सुयअभिगमनाय विही बहि पुच्छा एग जीवइ ससा ते पविसण पागनिवारण उच्छिंदण तेल्ल जइदाणं ॥३१७॥-३१७ ३४६) अपरिमियनेहवुड्ढी दासत्तं सो य आगओ पुच्छा दासत्तकहण मा रुय अचिरा मोएमि एत्ताहे ॥३१८॥-३१८ ३४७) भिक्ख दगसमारंभे कहणाउट्टो कहिं ति वसहित्ति संवेया आहरणं विसज्ज कहणा कइवया उ ॥३१९॥-३१९ ३४८) एए चेव य दोसा सविसेसयरा उ वत्थपाएसुं लोइयपामिच्चेसुं लोगुत्तरिया इमे अन्ने ॥३२०॥-३२० ३४९) मइलिय फालिय खोसिय हिय नट्टे वावि अन्न मग्गंते अवि सुंदरेवि दिण्णे दुक्करोई कलहमाई ॥३२१॥-३२१ ३५०) उच्चत्ताए दाणं दुल्लभ खग्गूड अलस पामिच्चे तंपिय गुरुसग्गा से ठवेइ सो देइ मा कलहो ॥३२२॥-३२२ ३५१) परियट्ठिंपि दुविहं लोइय लोगुत्तरं समासेणं एक्केक्कंपिय दुविहं तद्वे अन्नदव्वे य ॥३२३॥-३२३ ३५२) अवरोप्परसज्झिलगा संजुत्ता दोवि अन्नमन्नेणं पोग्गलिय संजयट्टा परियट्ठण संखडे बोही ॥३२४॥-३२४ ३५३) अनुकंप भगिणिगेहे दरिद परियट्ठणा य कूरस्स पुच्छा कोद्वकूरे मच्छर नाइक्ख पंतावे ॥३२५॥-३२५ ३५४) इयरोऽविय पंतावे निसि ओसवियाण तेसि दिक्खा य तम्हा उ न घेतव्वं कइ वा जे ओसमेहिंति ॥३२६॥-३२६ ३५५) ऊणहिय दुब्बलं वा खर गुरु छिन्नं मइल असीयसहं दुव्वन्नं वा नाउं विपरिणमे अन्नभणिओ वा ॥३२७॥-३२७ ३५६) एगस्स माणजुत्तं न उ बिइए एवमाइकज्जेसु गुरुपामूले ठवणं सो दलयइ अन्नहा कलहो ॥३२८॥-३२८ ३५७) आइन्नमणाइन्नं निसिहाभिहडं च नोनिसीहं च निसिहाभिहडं ठप्पं वोच्छामी नोनिसीहं तु ॥३२९॥-३२९ ३५८) सग्गाम परग्गामे सदेस परदेसमेव बोद्धव्वं दुविहं तु परग्गामे जलथल नावोडुजंघाए ॥३३०॥-३३० ३५९) जंघा बाह तरीइ व जले थले खंधआरखुरनिबद्धा संजमआयविराहण तहियं पुण संजमे काया ॥३३१॥-३३१ ३६०)

अत्थाहगाहपं कामगरोहारा जले अवाया उ कंटाहितेणसावय थलंभि एए भवे दोसा ॥३३२॥-३३२ ३६१) सग्गामेऽविय दुविहं धरंतरं नोधरंतरं चैव तिघरंतरा परेणं धरंतरं तं तु नायव्वं ॥३३३॥-३३३ ३६२) नोधरंतरऽणेगविहं वा पा डगसाहीनिवेशणागिहेसु काये खंधे मिम्मय कंसेण व तं तु आणेज्जा ॥३३४॥-३३४ ३६३) सुन्न व असइ कालो पगयं व पहेणगं व पासुत्ता इय एइ काइ घेत्तुं दीवेइ य कारणं तं तु ॥३३५॥-३३५ ३६४) एसेव कमो नियमा निसिहाभिहडेऽवि होइ नायव्वो अविइअदायगभावं निसीहिअं तं तु नायव्वं ॥३३६॥-३३६ ३६५) अइदूरजलंतरिया कम्मासंकाएँ मा न घेच्छंति आणेति संखडीओ सइढो सइढी व पच्छन्नं ॥३३७॥-३३७ ३६६) निग्गम देउल दाणणं दियाइ सन्नाइ निग्गए दाणं सिट्ठंमि सेसगमणं दिंतऽन्ने वारयंतेऽन्ने ॥३३८॥-३३८ ३६७) भुंजण अजीर पुरिमइढगाइ अच्छंति भुत्तसेसं वा आगमनिसीहिगाई न भुंजई सावगासंका ॥३३९॥-३३९ ३६८) उक्खित्तं निक्खिप्पइ आसगयं मल्लगंमि पासगए खामित्तु गया सइढा तेऽवि य सुद्धा असढभावा ॥३४०॥-३४० ३६९) लद्धं नीयं पहेणगं मे अमुगत्थगयाएँ संखडीए वा वंदणगट्टपविट्ठा देइ तयं पट्टिय नियत्ता ॥३४१॥-३४१ ३७०) नीयं पहेणगं मे नियगाणं निच्छियं व तं तेहिं सागरि सयज्झियं वा पडिकुट्ठा संखडे रुट्ठा ॥३४२॥-३४२ ३७१) एयं तु अणाइन्नं दुविहंपिय आहडं समक्खायं आइन्नंपिय दुविहं देसे तह देसदेसे य ॥३४३॥-३४३ ३७२) हत्थसयं खलु देसो आरेणं होइ देसदेसो य आइन्नंमि उतिगिहा तं चिय उवओगपुव्वागा ॥३४४॥-३४४ ३७३) परिवेसणपंतीए दूरपवेसे य धंधसालगिहे हत्थसया आइन्नं गहणं परओ उ पडिकुट्ठं ॥३४५॥-३४५ ३७४) होइ पुण देसदेसो अंतो गिह सा न दीसए जत्थ उक्खेवाई तत्थ उ सोयाई देह उवओगं ॥३४५॥-३४५ ३७५) उक्कोसं मज्झिम जहन्नं च तिविहं तु होइ आइन्नं करपरियत्तं जहन्नं सयमुक्कस मज्झिमं सेसं ॥३४६॥-३४६ ३७६) पिहिउब्भिन्नकवाडे फासुय अप्फासुए य बोद्धवे अप्फासुय पुढविमाई फासुय छगणाइददरए ॥३४७॥-३४७ ३७७) उब्भिन्ने छक्काया दाणे कयविक्कए य अहिगरणं ते चैव कवाडंमिवि सविसेसा जंतमाईसु ॥३४८॥-३४८ ३७८) सच्चित्तपुढविलित्तं लेलु सिलं वाऽवि दाउमोलित्तं सच्चित्तपुढविलेवो चिरंपि उदगं अचिरलित्ते ॥३४९॥-३४९ ३७९) एवं तु पुव्व नो लित्ते काया उल्लिंपणेऽवि ते चैव तिम्मोउं उवलिंपइ जउमुहं वावि तावेउं ॥३५०॥-३५० ३८०) जह चैव पुव्वलित्ते काया दाउं पुणोऽवि तह चैव उवलिंपंते काया मुइअंगाइं नवरि छट्ठे ॥३५१॥-३५१ ३८१) परस्स तं देइ सए व गेहे तेल्लं व लोणं व धयं गुलं वा उग्धाडिए तंमि करे अवस्सं स विक्कयं तेण किणाइ अन्नं ॥३५२॥-३५२ ३८२) दाणकयविक्कया चैव होइ अहिगरणमजयभावस्स निवयंति जे य तहियं जीवा मुइयंगमूसार्इ ॥३५३॥-३५३ ३८३) जहेव कुंभाइसु पुव्वलित्ते उब्भिज्जमाणे य हवंति काया ओलिंपमाणेवि तहा तहेव काया कवाडंमि विभासियव्वा ॥३५४॥-३५४ ३८४) घरकोइलसंचारा आवत्तण पीढगाइ हेट्टुवरिं निंते ठिए य अंता डिंभाईपेल्लणे दोसा ॥३५५॥-३५५ ३८५) धेप्पइ अकुंचियागंमि कवाडे पइदिणे परिवहंते अजऊमुदिय गंठी परिभुज्जइ ददरो जो य ॥३५६॥-३५६ ३८६) मालोहडंपि दुविहं जहन्नमुक्कोसगं च बोद्धव्वं अग्गतले पे हि जहन्नं तव्ववरीयं तु उक्कोसं ॥३५७॥-३५७ ३८७) भिक्खू जहन्नगंमी गेरुय उक्कोसगंमि दिट्ठंतो अहिडसणमालपडणे य एवमाई भवे दोसा ॥३५८॥-३५८ ३८८) मालाभिमुहं दट्टूण अगारिं निग्गओ तओ साहू तच्चन्निय आगमणं पुच्छा य अदिन्नदाणत्ति ॥३५९॥-३५९ ३८९) मालंमि कुट्ट मोयग सुगंध अहि पविसणं करे डक्का अन्नदिण साहु आगम निद्वय कहणा य संबोही ॥३६०॥-३६० ३९०) आसंदिपीढमंचकजंतोडूखल पडंत उभयवहे वोच्छेयपओसाई उड्डाहमनाणिवाओ य ॥३६१॥-३६१ ३९१) एमेव य उक्कोसे वारण निस्सेणि गुव्विणीपडणं गब्भित्थिकुच्छिफोडण पुरओ मरणं कहण बोही ॥३६२॥-३६२ ३९२) उड्डमहे तिरियंपिय अहवा मालोहडं भवे तिविहं उड्डमहे ओयरणं भणियं कुंभाइसू उभयं ॥३६३॥-३६३ ३९३) ददरसिलसोवाणे पुव्वरुढे अनुच्चमुक्खित्ते मालोहडं न होइ सेसं मालोहडं होइ ॥३६४॥-३६४ ३९४) तिरियायय उज्जुगएण गिणहई जं करेण पासंतो एयमणुच्चुक्खित्तं उच्चुक्खित्तं भवे सेसं ॥३६५॥-३६५ ३९५) अच्छिज्जंपिय तिविह पभू य सामी य तेणए चैव अच्छिज्जं पडिकुट्ठं समणाण न कप्पए धेत्तुं ॥३६६॥-३६६ ३९६) गोवालए य भयए खरए पुत्ते य धूय सुणहाए अचियत्तसंखडाई केइ पओअं जहा गोवो ॥३६७॥-३६७ ३९७) गोवपओ अच्छेत्तुं दिन्नं तु जइस्स भइदिणे पहुणा पयभाणूणं दट्टुं खिंसइ भोई रुवे चेडा ॥३६८॥-३६८ ३९८) पडियरण

पओसेणं भावं नाउं जइस्स आलावो तन्निब्बंथा गहियं हंदि स उ मुक्को सि मा बीयं ॥३६९॥-३६९ ३९९) नानिव्विट्ठं लब्भइ दासीवि न भुज्जए रिते भत्ता दोन्नेगयरपओसं जं काही अंतरायं च ॥३७०॥-३७० ४००) सामी चारभडा व संजय दट्टण तेसि अट्टाए कलुणाणं अच्छेज्जं तुं साहूण न कप्पए घेतुं ॥३७१॥-३७१ ४०१) आहारोवहिमाई जइअट्टाए उ कोइ अच्छिदे संखडि असंखडीए तं गिण्हंते इमे दोसा ॥३७२॥-३७२ ४०२) अचियत्तमंतरायं तेनाहड एगण्णेगवोच्छेओ निच्छुभणाई दोसा तस्स अ वियालडलंभे य जं पावे ॥३७३॥-३७३ ४०३) तेणो व संजयट्टा कलुणाणं अप्पणो व अट्टाए वोच्छेय पओसं वा न कप्पई कप्पणुत्तायं ॥३७४॥-३७४ ४०४) संजयभद्दा तेणा आयंती वा असंथरे जइणं जइ देतिं न घेतुं निच्छुभ वोच्छेउ मा होज्जा ॥३७५॥-३७५ ४०५) घयसत्तुयदिट्ठंतो समणुत्ताया व घेतुणं पच्छा दें ति तयं तेसिं चिय समणुत्ताया व भुंजंति ॥३७६॥-३७६ ४०६) घयसत्तुगदिट्ठंतो अंबापाए य तप्पिया पियरो काममकामे धम्मो निओइए अम्हवि कयाई ॥४०७॥-४ ४०७) अणिसिट्ठं पडिकुट्ठं अनुनायं कप्पए सुविहियाणं लड्डुग चोल्लग जंते संखडि खीरावणाईसु ॥३७७॥-३७७ ४०८) बत्तीसा सामन्ने ते कहि ण्हाउं गयत्ति इअ वुत्ते परसंतिएण पुत्तं न तरसि काउंति पच्चाह ॥३७८॥-३७८ ४०९) अविय हु बत्तीसाए दिन्नेहि तवेग मोयगो न भवे अप्पवयं बहुआयं जइ जाणसि देहि तो मज्झं ॥३७९॥-३७९ ४१०) लाभिय नंतो पुट्ठो किं लब्धं नत्थि पच्छिमो दाए इयरोऽवि आह नाहं देमिति सहोढ चोरत्ति ॥३८०॥-३८० ४११) गिण्हण कइढण ववहार पच्छकडुड्डाह पुच्छ तहय निव्विसए अपहुंमि हुंति दोसा पहुंमि दिन्ने तओ गहणं ॥३८१॥-३८१ ४१२) एमेव य जंतंमिवि तचल्लग संखडि खीरे य आवणाईसुं सामन्नं पडिकुट्ठं कप्पइ घेतुं अनुत्तायं ॥३८२॥-३८२ ४१३) चुल्लत्ति दारमहुणा बहुवत्तव्वंति तं कयं पच्छा वन्नेइ गुरु सो पुण सामियहत्थीण विन्नेओ ॥३८३॥-३८३ ४१४) छिन्नमच्छिन्नो दुविहो होइ अछिन्नो निसिट्ठ अणिसिट्ठो छिन्नंभि चुल्लगमी कप्पइ घेतुं निसिट्ठंमि ॥३८४॥-३८४ ४१५) छिन्नो दिट्ठमदिट्ठो जो य निसिट्ठो भवे अछिन्नो य सो कप्पइ इयरो उण अदिट्ठदिट्ठो वऽणुत्ताओ ॥३८५॥-३८५ ४१६) अणिसिट्ठमनुत्तायं कप्पइ घेतुं तहेव अदिट्ठं जड्डुस्स य अनिसिट्ठं न कप्पई कप्पइ अदिट्ठं ॥३८६॥-३८६ ४१७) निवपिंडो गयभत्तं गहणाई अंतराइयमदिन्नं डोंबस्स संतिएवि हु अभिक्ख वसहीय फेडणया ॥३८७॥-३८७ ४१८) अज्झोयरओ तिविओ जावंतिय सघरमीसपासंडे मूलंमि य पुव्वकये ओयरई तिण्ह अट्टाए ॥३८८॥-३८८ ४१९) तंडुलजलआयाणे पुप्फफले सागवेसणे लोणे परिमाणे नाणत्तं अज्झोयरमीसजाए य ॥३८९॥-३८९ ४२०) जावंतिए विसोही सघरपासंडिमीसए पूई छिन्ने विसोहि दिन्नंमि कप्पई न कप्पई सेसं ॥३९०॥-३९० ४२१) छिन्नंमि तओ उक्कड्डियंमि कप्पइ पिहीकए सेसं आहावणाए दिन्नं च तत्तियं कप्पए सेसं ॥३९१॥-३९१ ४२२) एसो सोलसभेओ दुहा कीरई उग्गमो एगो विसोहिकोडी अविसोही उ चावरा ॥३९२॥-३९२ ४२३) आहाकम्मुद्देसिय चरमतिगं पूइ मीसजाए य बायरपाहुडियाविय अज्झोयरए च चरिमदुगं ॥३९३॥-३९३ ४२४) उग्गमकोडी अवयव लेवालेवे य अकयए कप्पे कंजियआयामगचाउलोयसंसट्ठपूईओ ॥३९४॥-३९४ ४२५) सुक्केणऽवि जं छिक्कं तु असुइणा धोवए जहा लोए इह सुक्केणऽवि छिक्कं दोवइ कम्मेण भाणं तु ॥२८॥ भा.-२८ ४२६) लेवालेवत्ति जं वुत्तं जंपि दव्वमलेवडं तंपि घेतु न कप्पंति तक्काइ किमु लेवडं ॥२९॥ भा.-३९ ४२७) आहाय जं कीरइ तं तु कम्मं वज्जेहिही ओयणमेगमेव सोवीर आ यामग चाउलो वा दगं कम्मंति तो तग्गहणं करंति ॥३०॥भा.-४० ४२८) सेसा विसोहिकोडी भत्तं पाण विगिंच जहसत्तिं अणलक्खिय मीसदवे सव्वविवेगेऽवयव सुद्धो ॥३९५॥-३९५ ४२९) दव्वाइओ विवेगो दव्वे जं दव्वं जं जहिं खेतो काले अकालहीणं असढो जं पस्सई भावे ॥३९६॥-३९६ ४३०) सुक्कोल्लसरिसपाए असरिसपाए य एत्थ चउंभगो तुल्लेतुल्लनिवाए तत्थ दुवे दोन्नऽतुल्ला उ ॥३९७॥-३९७ ४३१) सुक्के सुक्कं पडियं विगिंचिउं होइ तं सुहं पढमो बीयंमि दवं छोढुं गालंति दवं करं दाउं ॥३९८॥-३९८ ४३२) तइयंमि करं छोढुं उल्लिंचइ ओयणाइ जं तरउ दुल्लहदव्वं चरिमे तत्तियमित्तं विगिंचंति ॥३९९॥-३९९ ४३३) संथरे सव्वमुज्झंति चउंभगो असंथरे असढो सुज्झई जे ते सुं मायावी जेसु बज्झई ॥४००॥-४०० ४३४) कोडीकरणं दुविहं उग्गमकोडी विसोहिकोडी य उग्गमकोडी छक्कं विसोहिकोडी अणेगविहा ॥४०१॥-४०१ ४३५) नव चेव अढारसगं सत्तावीसा तहेव चउपन्ना नउई दो चेव सया उ सत्तरी होइ कोडीणं ॥४०२॥-४०२ ४३६) सोलस उग्गमदोसे गिहिणोउ समुट्टिए वियाणाहि

उप्पायणाए दोसे साहूउ समुट्टिए जाण ॥४०३॥-४०३ ४३७) नामं ठवणा दविए भावे उप्पायणा मुणेयव्वा दव्वंमि होइ तिविहा भावंमि उ सोलसपया उ ॥४०४॥-४०४ ४३८) आसूयमाइएहिं वालचियतुरंगबीयमाईहिं सुयआसदुमाईणं उप्पायणया उ सच्चित्ता ॥४०५॥-४०५ ४३९) कणगरययाइयाणं जहेद्वधाउविहिया उ ही य अच्चित्ता मीसा उ सभंडाणं दुपयाइकया उ उप्पत्ती ॥४०६॥-४०६ ४४०) भावे पसत्थ इयरो कोहाउप्पायणा उ अपसत्थो कोहाइजुया घायाइणं च नाणाइ उ पसत्था ॥४०७॥-४०७ ४४१) धाई दूइ निमित्ते आजीव वणीमगे तिगिच्छा य कोहे माणे माया लोभे य हवंति दस एए ॥४०८॥-४०८ ४४२) पुव्विंपच्छासंथव विज्जा भंते य चुन्न जगे य उप्पायणाइ दोसा सोलसमे मूलकम्मे य ॥४०९॥-४०९ ४४३) खीरे य मज्जणे मंडणे य कीलावणंकधाई य एक्केक्काविय दुविहा करणे कारावणे चेव ॥४१०॥-४१० ४४४) धारेइ धीयए वा धयंति वा तमिति तेण धाई उ जहविहवं आसि पुरा खीराई पंच धाईओ ॥४११॥-४११ ४४५) खीराहारो रोवइ मज्झ कयासाय देहि णं पिज्जे पच्छा व मज्झ दाहिसि अलं व भुज्जो व एहामि ॥४१२॥-४१२ ४४६) मइमं अरोगि दीहाउओ य होइ अविमाणो बालो दुल्लभयं खु सुयमुहं पिज्जाहि अहं व से देमि ॥४१३॥-४१३ ३३७) अहिगरण भद्वपंता कम्मदय गिलाणए य उड्डाहो चडुकारी य अवन्नो नियगो अन्नं च जं संके ॥४१४॥-४१४ ४४८) अयमवरो उ विकप्पो भिक्खायरि सट्ठि अब्धिई पुच्छा दुक्खसहाय विभासा हियं च धाइत्तणं अज्जो ॥४१५॥-४१५ ४४९) वयगंडतणुयथूलत्तणेहिं तं पुच्छिउं अयाणंतो तत्थ गओ तस्समक्खं भणाइ तं पासिउं बालं ॥४१६॥-४१६ ४५०) अहुणुट्टियं व अणविक्खियं व इणमं कुलं तु मन्नामि पुत्तेहिं जहिताए तरई बालेण सूएमो ॥४१७॥-४१७ ४५१) थेरी दुब्बलक्खीरा चिमिढो पेल्लियमुहो अइथणीए तणुई उ मंदखीरा कुप्परथणियाएँ सूइमुहो ॥४१८॥-४१८ ४५२) जा जेण होइ वन्नेण उक्कडा गरहए य तं तेणं गरहइ समाण तिव्वं पसत्थमियरं च दुव्वन्नं ॥४१९॥-४१९ ४५३) उव्वट्टिया पओसं छोभग उब्भामओ य से जं तु होज्जा मज्झवि विग्धो विसाइ इयरी व एमेव ॥४२०॥-४२० ४५४) एमेव सेसियासुवि सुयमाइसु करणकारणं सगिहे इड्ढीसु य धाईसु य तहेव उव्वट्टियाण गमो ॥४२१॥-४२१ ४५५) लोलइ महीएँ धूलीएँ गुंडिओ ण्हाणि अहवणं मज्जे जलभीरु अबलनयणो अइउप्पिलणे अ रत्तच्छो ॥४२२॥-४२२ ४५६) अब्भंगिय संवाहिय उव्वट्टिय मज्जियं च तो बालं उवणेइ मज्जधाइ मंडणधाईएँ सुइदेहं ॥४२३॥-४२३ ४५७) असुआइएहिं मंडेहि ताव णं अहवणं विभूसेमि हत्थिच्चगा व पाए कया गलिच्चा व पाए वा ॥४२४॥-४२४ ४५८) ढइढरसर छुन्नमुहो मउयगिरो मउयमम्मणुल्लावो उल्लावणगाईहिं व करेइ कारेइ वा किडुं ॥४२५॥-४२५ ४५९) थुल्लीएँ वियडपाओ भग्गकडी सुक्कडाए दुक्खं च निम्मंसकक्खडकरेहिं भीरुओ होइ धेप्पंते ॥४२६॥-४२६ ४६०) कोल्लइरे वत्थव्वो दत्तो आहिंडओ भवे सीसो अवहरइ धाईपिंड अंगुलिजलणे य सादिव्वं ॥४२७॥-४२७ ४६१) ओमे संगमथेरा गच्छ विसज्जंति जंघबलहीणा नवभागखेत्तवसही दत्तस्स य आगमो ताहे ॥३१॥भा. ३७ ४६२) उवसबाहिं ठाणं अन्नाउंछेण संकिलेसो य पूयणचेडे मा रुय पडिलाभण वियडणा सम्मं ॥३२॥भा. ३७ ४६३) सग्गाम परग्गामे दुविहा दूई उ होइ नायव्वा सा वा सो वा भणई भणइ व तं छन्नवयणेणं ॥४२८॥-४२८ ४६४) एक्केक्काविय दुविहा पागड छन्ना य छन्न दुविहा उ लोगुत्तरि तत्थेगी बीया पुण उभयपक्खेवि सु ॥४२९॥-४२९ ४६५) भिक्खाइएँ वच्चंते अप्पाहणि नेइ खंतियाईणं सा ते अमुगं माया सो व पिया ते इमं भणइ ॥४३०॥-४३० ४६६) दूइत्तं खु गरहियं अप्पाहिउं बिइयपच्चया भणति अविकोविया सुया ते जा आह मइं भणसु खंतिं ॥४३१॥-४३१ ४६७) उभयेऽविय पच्छन्ना खंतं कहिज्जाहि खंतियाए तुमं तं तहं संजायंतिय तहेव अहं तं करेज्जासि हि ॥४३२॥-४३२ ४६८) गामाण दोणह वेरं सेज्जायरि धूर तत्थ खंतस्स गमो वहपरिणय खंतंऽज्झत्थ प्पाह णं व नाए कए जुब्बं ॥४३३॥-४३३ ४६९) जामाइपुत्तपइमारणं च केण कहियंति जणवाओ जामाइपुत्तपइमारण खंतेण मे सिट्ठं ॥४३४॥-४३४ ४७०) नियमा तिकालविसएऽवि निमित्ते छव्विहे भवे दोसा सज्जं तु वट्टमाणे आउभए तत्थिमं नायं ॥४३५॥-४३५ ४७१) लाभालाभं सुहं दुक्खं जीवियं मरणं तथा छव्विहेऽवि निमित्ते उ दोसा होंति इमे सुण ॥५॥प.५ ४७२) आकंपिया निमित्तेण भोइणी भोइए चिरगयंमि पुव्वभणिए कहां ते आगउ रुट्ठो य वडवाए ॥४३६॥-४३६ ४७३) दूराभोयण एगागि आगओ परिणयस्स पच्चोणी पुच्छा समणे कहणं साइयंकार सुमिणाई ॥३३॥भा.-३३ ४७४) कोवो वडवागब्भं च पुच्छिओ

पंचपुंडमाहंसु फालण दिट्ठे जइ नेव तो तुहं अतितहं कइ वा ॥३४॥भा.३४ ४७५) जाई कुल गण कम्मे सिप्पे आजीवणा उ पंचविहा सूयाएँ असूयाएँ व अप्पाण कहेहि एक्केक्के ॥४३७॥-४३७ ४७६) जाईकुले विभासा गणो उमल्लाइ कम्म किसिमाई तुण्णाइ सिप्पणावज्जं च कम्मेयराऽऽवज्जं ॥४३८॥-४३८ ४७७) होमायवितहकरणे नज्जइ जह सोत्तियस्स पुत्तोत्ति वसिओ वेस गुरुकुले आयरियगुणे व सूएइ ॥४३९॥-४३९ ४७८) सम्ममसम्मा किरिया अणेण ऊणाऽहिया व विवरीया समिहामंताहुइठाण जागकाले य घोसाई ॥४४०॥-४४० ४७९) उग्गाइकुलेसुवि एवमेव गणमंडलप्पवेसाई देउलदरिसणभासाउवणयणे दंडमाइया ॥४४१॥-४४१ ४८०) कत्तरि पओअणावेक्खवत्थुबहुवित्थरेसु एमेव कम्मेसु य सिप्पेसु य सम्ममसम्मेसु सूईयरा ॥४४२॥-४४२ ४८१) समणे महाणि किवणे अतिही साणे य होइ पंचमए वणि जायणत्ति वणिओ पायप्पाणं वणेइत्ति ॥४४३॥-४४३ ४८२) मयमाइवच्छगंपिव वणेइ आहारमाइलोभेणं समणेसु माहणेसु य किविणाऽतिहिसाणभत्तेसुं ॥४४४॥-४४४ ४८३) निग्गंथ सकक् तावस गेरुय आजीव पंचहा समणा तेसि परिवेसणाए लोभेण वणिज्ज को अप्पं ॥४४५॥-४४५ ४८४) भुंजंति चित्तकम्मट्टिया व कारुणिय दाणरुइणो य अवि कामगद्दभेसुवि न नस्सई किं पुण जईसु ॥४४६॥-४४६ ४८५) मिच्छत्तथिरीकरणं उग्गमदोसा य तेसु वा गच्छे चडुकारऽदिन्नदाणा पच्चत्थिग मा पुणो इंतु ॥४४७॥-४४७ ४८६) लोयाणुग्गहकारिसु भूमीदेवेस बहुफलं दाणं अवि नाम बंभंधुसु किं पुण छक्कम्मनिरएसु ॥४४८॥-४४८ ४८७) किवणेसु दुम्मणे ब्बले सु य अबंधवायंकजुंगियंगेसुं पूयाहिज्जे लोए दाणपडागं हरइ दिंतो ॥४४९॥-४४९ ४८८) पाएण देइ लोगो उवगारिसु परिचिएसु झुसिएसु जो पुण अब्बाखिन्नं अतिहिं पूएइ तं दाणं ॥४५०॥-४५० ४८९) अवि नाम होज्ज सुलभो गोणाईणं तणाइ आहारो छिच्छिक्कारहयाणं न हु सुलहो होइ सुणहा णं ॥४५१॥-४५० ४९०) केलासभवणा एए आगया गुच्छगा महिं चरंति जक्खरुवेणं पुयाऽपूया हियाऽहिया ॥४५२॥-४५२ ४९१) एएण मज्झ भावो दिट्ठो लोए पणामहेज्जंमि एक्केक्के पुव्वुत्ता भद्दगपंताइणो दोसा ॥४५३॥-४५३ ४९२) एमेव कागमाई साणग्गहणेण सूइया होंति जो वा जंमि पसत्तो वणइ तहिं पुट्ठुपुट्ठो वा ॥४५४॥-४५४ ४९३) दाणं न होइ अफलं पत्तमपत्तेसु सन्निज्जुत्तं इय विभणिएऽवि दोसा पसंसओ किं पुण अपत्ते ॥४५५॥-४५५ ४९४) भणइ नाहं वेज्जो अहवाऽवि कहेइ अप्पणो किरियं अहवावि विज्जयाए तिविह तिगिच्छा मुणेयव्वा ॥४५६॥-४५६ ४९५) भिक्खाइ गओ रोगी किं विज्जोऽहंति पुच्छिओ भणइ अत्थावत्तीएँ कया अबुहाणं बोहणा एवं ॥४५७॥-४५७ ४९६) एरिसयं चिय वा दुक्खं भेसज्जेण अमुगेण पउणं मे सहसुप्पन्नं व रुयं वारेमो अट्ठमाईहिं ॥४५८॥-४५८ ४९७) संसोधण संसमणं नियाणपरिवज्जणं च जं तत्थ आगंतु धाउखोभे य आमए कुणइ किरियं तु ॥४५९॥-४५९ ४९८) अस्संजमजोगाणं पसंधणं कायधाय अयगोलो दुब्बलवग्धा हरणं अचुदये गिणहणुइहाहे ॥४६०॥-४६० ४९९) हत्थकप्प गिरिफुल्लिय रायगिहं खलु तहेव चंपाय कडधयपुत्ते इट्ठग लड्ठग तह सीहकेसरए ॥४६१॥-४६१ ५००) विज्जातवप्पभावं रायकुले वाऽवि वल्लभत्तं से नाउं ओरस्सबलं जो लब्भइ देह भया कोहपिंडो सो ॥४६२॥-४६२ ५०१) अन्नेसि दिज्जमाणे जायंतो वा अलद्धिओ कुप्पे कोहफलंमिऽवि दिट्ठे जो लब्भइ कोहपिंडो सो ॥४६३॥-४६३ ५०२) करडुयभत्तमलब्धुं अन्नहिं दाहित्थ एव वच्चंतो थेरा भोयण तइए आइक्खण खामणा दाणं ॥४६४॥-४६४ ५०३) उच्छाहिओ परेण व लद्धिपसंसाहिं वा समुत्तइओ अवमाणो परेण य जो एसइ मानपिंडो सो ॥४६५॥-४६५ ५०४) इट्ठगच्छंमि परिपिंडियाण उल्लाव को नु हु पगेव आणिज्ज इट्ठगा खुड्डो पच्चाह आणेमि ॥४६६॥-४६६ ५०५) जइविय ता पज्जत्ता अगुलधयाहिं न ताहिं णे कज्जं जारिसियाओ इच्छह ता आणेमिन्ति निक्खंतो ॥४६७॥-४६७ ५०६) ओहासिय पडिसिद्धा भणइ अगारिं अवस्सिमा मज्झं जइ लहसि तो तं मे नासाए कुणसु मोयंति सा आह ॥४६८॥-४६८ ५०७) कस्स घर पुच्छिऊणं परिसाए अमुउ कइरउ पुच्छे किं तेणऽमहे जायसु सो किविणो स दाहिइ न तुज्झं ॥४६९॥-४६९ ५०८) दाहामि तेण भणिए जइ न भवसि छण्हमेसि पुरिसाणं अन्नयरो तो तेऽहं परिसामज्झंमि पणया जाए मि ॥४७०॥-४७० ५०९) सेयंगुलि बगुड्डावे किंकरे ण्हायए तहा गिद्धावरंखि हद्दणए य पुरिसाहमा छा उ ॥४७१॥-४७१ ५१०) जायसु न एसिरोऽहं इट्ठगा देहि पुव्वमइगंतुं माला उत्तारि गुलं भोएमि दिएत्ति आरुढा ॥४७२॥-४७२ ५११) सिइअवणण पडिलाभण दिस्सियरी बोलमंगुली नासं दुण्हेगयरपओसो आयविवत्ती

य उड्डाहो ॥४७३॥-४७३ ५१२) रायगिहे धम्मरुई असाढभूर्इ य खुड्डुओ तस्स रायनडगेहपविसणं संभोइय मोयए लंभो ॥४७४॥-४७४ ५१३) आयरियउवज्झाए संघाडगकाणखुज्जतद्वोसी नडपासण पज्जत्तं निकायण दिने दिने दानं ॥४७५॥-४७५ ५१४) धूयदुए संदेसो दान सिणेह करणं रहे गह कर णं लिंगं मुयत्ति गुरुसिद्ध विवाहे उत्तमा पगई ॥४७६॥-४७६ ५१५) रायधरे य कयाई निम्महिलं नाडगं नडागच्छी ता य विहरंमि मत्ता उवरि गिहे दोवि पासुत्ता ॥४७७॥-४७७ ५१६) वाघाएण नियत्तो दिस्स विचेला विराग संबोही इंगियनाए पुच्छा पजीवणं रट्टपालंति ॥४७८॥-४७८ ५१७) इक्खागवंस भरहो आयंसधरे य केवलालोओ हाराइखिवण गहणं उवसग्ग न सो नियत्तोत्ति ॥४७९॥-४७९ ५१८) तेण समं पव्वइया पंच नरसयत्ति नाडए डहणं गेलन्नखमगाहुणथेरादिट्ठा य बीयं तु ॥४८०॥-४८० ५१९) लब्भंतंपि न गिण्हइ अन्नं अमुंगंति अज्ज धेच्छामि भदरसंति व काउं गिण्हइ खब्धं सिणिद्धाई ॥४८१॥-४८१ ५२०) चंपा छणंमि छिच्छामि मोयए तेवि सीहकेसरए पडिसेह धम्मलाभं काऊणं सीहकेसरए ॥४८२॥-४८२ ५२१) सड्ढइड्ढरत्तकेसरभायणभरणं च पुच्छ पु रिमड्ढे उवओग संत चोलो यण साहुत्ति विगिंचणे नाणं ॥४८३॥-४८३ ५२२) दुविहो उ संथवो खलु संबंधी वयणसंथवो चेव एककेक्कोविय दुविहो पुव्विं पच्छा य नायव्वो ॥४८४॥-४८४ ५२३) मायपिइ पुव्वसंथव सासूसुराइयाण पच्छा उ गिहि संथव संबंधं करेइ पुव्वं च पच्छा वा ॥४८५॥-४८५ ५२४) आयवयं च परवयं नाउं संबंधए तयणुरुवं मम माया एरिसिया ससा व धूया व नत्ताई ॥४८६॥-४८६ ५२५) अद्धिई दिट्ठिपण्हव पुच्छा कहणं ममेरिसी जणणी थणखेवो संबंधो विहवासुण्हाइदाणं च ॥४८७॥-४८७ ५२६) पच्छासंथवदोसा सासू विहवादिधूयदानं च भज्जा ममेरिसिच्चिय सज्जो धाओ व भंगो वा ॥४८८॥-४८८ ५२७) मायावी चडुयारी अम्हं ओहावणं कुणइ एसो निच्छुभणाई पंतो करिज्ज भद्रेसु पडिबंधो ॥४८९॥-४८९ ५२८) गुणसंथवणे पुव्विं संतासंतेण जो थुणिज्जाहि दायारमदिन्नमी सो पुव्विसंथवो हवइ ॥४९०॥-४९० ५२९) एसो सो जस्स गुणा वियरंति अवारिया दसदिसासु इहरा कहासु सुणिमो पच्चक्खं अज्ज दिट्ठो सि ॥४९१॥-४९१ ५३०) गुणसंथवेण पच्छा संतासंतेण जो थुणिज्जाहि दायारं दिन्नमी सो पच्छासंथवो होइ ॥४९२॥-४९२ ५३१) विमलीकयड्ढह चक्खू जहत्थया वियरिया गुणा तुज्झं आसि पुरा मे संका संपय निस्संकियं जाय ॥४९३॥-४९३ ५३२) विज्जामंतपरुवण विज्जाए भिक्खुवासओ होइ मंतंमि सीसवेयण तत्थ मुरुंडेण दिट्ठंतो ॥४९४॥-४९४ ५३३) परिपिंडणमुल्लावो अइपंतो भिक्खुवासओ दावे जइ इच्छइ अनुजाणह घयगुलवत्थाणि दावेमि ॥४९५॥-४९५ ५३४) गंतुं विज्जामंतणं किं देमि धयं गुलं च वत्थाई दिन्ने पडिसाहरणं केणं हियं केण मुट्ठो मि ॥४९६॥-४९६ ५३५) पडिविज्जथंभणाई सो वा अन्नो व से करिज्जाहि पावजीवीमाईई कम्मणगारी य गहणाई ॥४९७॥-४९७ ५३६) जह जह पएसिणी जाणुगंमि पलित्तओ भमाडेइ तह तह सीसे वियणा पणस्सइ मुरुंडरायस्स ॥४९८॥-४९८ ५३७) पडिमंतथंभणाई सो वा अन्नो व से करिज्जाहि पावाजीवियमाई कम्मणगारी भवे बीयं ॥४९९॥-४९९ ५३८) चुन्ने अंतद्धाणे चाणक्के पायलेवणे समिए मूल विवाहे दो दंडिणी उ आयाणपरिसाडे ॥५००॥-५०० ५३९) जंघाहीणा ओमे कुसुमपुरे सिस्सजोग रहकरणं खुड्डुदुगंजणसुणणा गमणं देसंतरे सरणं ॥३५॥भा.-३५ ५४०) भिक्खे परिहायंते थेराणं तेसि ओमे दिंताणं सहभुज्ज चंदगुत्ते ओमोयरियाए दोबल्लं ॥३६॥भा.-३६ ५४१) चाणक्कपुच्छ इट्ठालचुण्णदारं पिहित्तु धूमे य द्दुं कुच्छ पसंसा थेरसमीवे उवालंभो ॥३७॥भा.-३७ ५४२) जे विज्जमंतदोसा ते च्विय वसिकरणमाइचुन्नेहिं एगमणेण पओसं कुज्जा पत्थारओ वावि ॥५०१॥-५०१ ५४३) सूभगदुब्भग्गकरा जोगा आहारिमा य इयरे य आघंसधूववासापायपलेवाइणो इयरे ॥५०२॥-५०२ ५४४) नइकण्हबिन्न दीवे पंचसया तावसाण निवसंति पव्वदिवसेसु कुलवई पालेवुत्तार सक्कारे ॥५०३॥-५०३ ५४५) जण सावगाण खिंसण समियडक्खण माइठाण लेवेण सावय पयत्तकरणं अविणय लोए चलणधोए ॥५०४॥-५०४ ५४६) पडिलाभिय वच्चंता निब्बुड नइकूल मिलण समियाडओ विम्हिय पंचसया तावसाण पव्वज्ज साहा य ॥५०५॥-५०५ ५४७) अकुमार खयं जोणी विवरीयट्ठा निवेसणं वावि गम्मपए पायं वा जो कुव्वइ मूलकम्मं तं ॥६॥प.-६ ५४८) अधिई पुच्छा आसन्न विवाहे भिन्नकन्नसाहणया आयमणपियण ओसह अक्खय जज्जीवअहिरणं ॥५०६॥-५०६ ५४९) जंघा परिजिय सड्ढी अद्धिइ आणिज्जए मम खवत्ती जोगो जोणुग्घाडण पडिसेह पओस उड्डाहो ॥५०७॥-५०७

५५०) मा ते फंसेज्ज कुलं अदिज्जमाणा सुया वयं पत्ता धम्मो यऽलोहियस्सा जइ बिंदू तत्तिया नरया ॥५०८॥-५०८ ५५१) किं न ठविज्जइ पुत्तो पत्तो कुलगोत्तकित्तिसंताणो पच्छाविय तं कज्जं असंगगहो मा य नासिज्जा ॥५०९॥-५०९ ५५२) अब्धि इत्ति पुच्छा सवित्तिणी गब्भिणित्ति से देवी गब्भभाहाणं तुज्झवि करोमि मा अब्धिइं कुणसु ॥५१०॥-५१० ५५३) जइवि सुओ मे होही तहवि कणिट्ठोत्ति इयर जुवराया देइ परिसाडणं से नाए य पओस पत्थारो ॥५११॥-५११ ५५४) संखडिकरणे काया कामपवित्तिं च कुणइ एगत्थ एगत्थुड्डाहाई जज्जिय भोगंतरायं च ॥५१२॥-५१२ ५५५) एवं तु गविट्ठस्सा उग्गमउप्पायणाविसुद्धस्स गहणविसोहिविसुद्धस्स होइ गहणं तु पिंडस्स ॥५१३॥-५१३ ५५६) उप्पायणाएँ दोसे सा साहूउ समुट्ठिए वियाणाहि या इमे भणिया गहणे दसए सणाइ दोसे आयपर गिहिसाहु समुट्ठिए वोच्छं ॥५१४॥-५१४ ५५७) दोन्नि उ साहुसमुत्था संकिय तह भावओऽपरिणयं च सेसा अट्ठवि नियमा गिहिणो य समुट्ठिए जाण ॥५१५॥-५१५ ५५८) नामं ठवणा दविए भावे गहणेसणा मुणेयव्वा दव्वे वानरजूहं भावंमि य दस पया हुंति ॥५१६॥-५१६ ५५९) परि सडियपंडुपत्तं वणसंडं दट्ठु अन्नहिं पेसे जूहवई पडियरए जूहेण समं तहिं गच्छे ॥५१७॥-५१७ ५६०) सयमेवालोएउं जूहवई तं वणं समंतेण वियरइ तेसि पयारं चरिऊण य तो दहं गच्छे ॥५१८॥-५१८ ५६१) ओयरंतं पयं दट्ठु नीह रंतं न दीसई नालेण पियह पाणीयं नेस निक्कारणो दहो ॥५१९॥-५१९ ५६२) संकिय मक्खिय निक्खित्त पिहिय साहरिय दायगुम्मीस अपरिणय लित्त छड्डिय एसणदोसा दस हवंति ॥५२०॥-५२० ५६३) संकाए चउभंगो दोसुवि गहणे य भुंजणे लग्गो जं संकियमावन्नो पणवीसा चरिमए सुद्धो ॥५२१॥-५२१ ५६४) उग्गमदोसा सोलस आहाकम्माइ एसणादोसा नव मक्खियाइ एए पणवीसा चरिमए सुद्धो ॥५२२॥-५२२ ५६५) छउमत्थो सुयनाणी उवउत्तो गवेसए उज्जुओ पयत्तेण आवन्नो पणवीसं सुयनाणपमाणओ सुद्धो ॥५२३॥-५२३ ५६६) ओहो सुओवउत्तो सुयनाणी जइवि गिणहइ असुद्धं तं केवलीवि भुंजइ अपमाण सुयं भवे इहरा ॥५२४॥-५२४ ५६७) सुत्तस्स अप्पमाणे चरणाभावो तओ य मोक्खस्स मोक्खस्सऽविय अभावे दिक्खपवित्ती निरत्था ॥५२५॥-५२५ ५६८) किंतु ह खद्ध भिक्खा दिज्जइ न य तरइ पुच्छिउं हिरिमं इय संकाए धेतुं तं भुंजइ संकिओ चेव ॥५२६॥-५२६ ५६९) हियएण संकएणं गहिओ अन्नेणं सोहिया सा य पगयं पहेणगं वा सोउं निस्संकिओ भुंजे ॥५२७॥-५२७ ५७०) जारिसय चिय लद्धा खद्धा भिक्खा मए अमुयगेहे अन्नेहिवि तारिसिया वियडंत निसामए तइए ॥५२८॥-५२८ ५७१) जइ संका दोसकरी एवं सुद्धंपि होइ अविसुद्धं निस्संकमेसियंतिय अणेसणिज्जंपि निदोसं ॥५२९॥-५२९ ५७२) अविसुद्धो परिणामो एगयरे अवडिओ य पक्खमि एसिंपि कुणइ नेसिं अणेसिमेसिं विसुद्धो उ ॥५३०॥-५३० ५७३) दुविहं च मक्खियं खलु सच्चित्तं चेव होइ अच्चित्तं सच्चित्तं पुण तिविहं अच्चित्तं होइ दुविहं तु ॥५३१॥-५३१ ५७४) पुढवी आउ वणस्सइ तिविहं सच्चित्तमक्खियं होइ अच्चित्तं पुण दुविहं गरहियमियरे य भयणा उ ॥५३२॥-५३२ ५७५) सुक्केण सरक्खेण मक्खियमल्लेण पुढविकाएणं सव्वंपि मक्खियं तं एत्तो आउंमि वोच्छामि ॥५३३॥-५३३ ५७६) पुरपच्छकम्म ससिणिद्धुल्ले चत्तारि आउभेयाओ उकिकट्ठरसालित्तं परित्तऽनंतं महिरुहेसु ॥५३४॥-५३४ ५७७) सेसेहि उ काएहिं तीहिवि तेऊसमीरणतसेहिं सच्चित्तं मीसं वा न मक्खित्तं अत्थि उल्लं वा ॥५३५॥-५३५ ५७८) सच्चित्तमक्खियंमि उ हत्थे मत्ते य होइ चउभंगो आइतिए पडिसेहो चरिमे भंगे अनुत्ता उ ॥५३६॥-५३६ ५७९) अच्चित्तमक्खियंमि उ हत्थे मत्ते य होइ चउभंगो आइतिए पडिसेहो चरिमे भंगे अनुत्ता उ ॥५३६॥-५३६ ५८०) संसज्जिमेहिं वज्जं अगरहिएहिंपि गोरसदवेहिं महुघयतेल्ल गुलेहि य मा मच्छिपिवीलियाधाओ ॥५३७॥-५३७ ५८१) मंसवससोणियासव लोए वा गरहिएहिं विवज्जेज्जा उभओऽवि गरहिएहिं मुत्तुच्चारेहिं छित्तंपि ॥५३८॥-५३८ ५८२) सच्चित्तमीसएसु दुविहं काएसु होइ निक्खित्तं एककेक्कं तं दुविहं अनंतर परंपरं चेव ॥५३९॥-५३९ ५८३) पुढवीआउक्काएतेऊवाऊवणस्सइतसाणं एककेक्क दुहाथऽणंतर परंपरऽगणिंमि सत्तविहा ॥५४१॥-५४१ ५८४) सच्चित्तपुढविकाए सच्चित्तो चेव पुढवि निक्खित्तो आऊतेउवणस्सइसमीरणतसेसु एमेव ॥५४२॥-५४२ ५८५) एमेव सेसायाणवि निक्खेवो होइ जीवकायकाएसुं एककेक्को सट्ठाणे परठाणे पंच पंचेव ॥५४३॥-५४३ ५८६) एमेव मीसएसुवि मीसाण सचेयणाण निक्खेवो मीसाणं मीसेसु य दोणहंपिय होइ अच्चित्ते ॥५४४॥-५४४ ५८७) जत्थ उ सच्चित्तमीसे चउभंगो तत्थ

चऊसुवि अगिज्झं तं तु अनंतर इयरं परित्तऽणंतं च वणकाए ॥५४५॥-५४५ ५८८) अहवण सचित्तमीसो उ एगओ एगओ उ अच्चित्तो एत्थवि चउक्कभंगो तत्थाइतिए कहा नत्थि ॥५४६॥-५४६ ५८९) जं पुण अचित्तदव्वं निक्खिप्पइ चयेणेषु मीसे दव्वे सु तहिं मग्गणा उ इणमो अनंतरपरंपरा होइ ॥५४७॥-५४७ ५९०) ओगाहिमाययणंतरं परंपरं पिढरगाइ पुढवीए नवणीयाइ अनंतर परंपरं नावामाईसु ॥५४८॥-५४८ ५९१) विज्झायमुम्मुरिं गालमेव अप्पत्तपत्तसमजाले वोक्कंते लीणे सत्तदुगं जंतोलित्ते य जयणाए ॥५४९॥-५४९ ५९२) विज्झाउत्ति न दीसइ अग्गी दीसेइ इंधणे छूढे आपिं गल अगणिकणा मुम्मुर निज्जाल इंगाले ॥५५०॥-५५० ५९३) अप्पत्ता उ चउत्थे जाला पिढरं तु पंचमे पत्ता छूढे पुण कण्णसमा जाला समइच्छिया चरिमे ॥५५१॥-५५१ ५९४) पासोलित्तकडाहे परिसाडी नत्थि तंपिय विसालं सोऽविय अचिरच्छूढो उच्छुरसो साइउसिणो य ॥५५२॥-५५२ ५९५) उसिणोदगंपि धेप्पइ गुडरसपरिणणामियं अणचुसिणं जं च अधट्टियकन्नं घट्टियपडणंमि मा अग्गी ॥५५३॥-५५३ ५९६) पासोलित्तकडाहेऽनचुसिणे अपरिसाडऽधट्टंते सोलस भंगविगप्पा पढमेऽणुत्ता न सेसेसु ॥५५४॥-५५४ ५९७) पयसमदुगअब्भासे माणं भंगाण तेसिमा रयणा एगंतरियं लहुगुरु दुगुणा दुगुणा य वामेसु ॥५५५॥-५५५ ५९८) दुविहविराहण उसिणे छड्डण हाणी य भाणभेओ य वाउक्खित्तानंतरपरंपरा पप्पडिय वत्थी ॥५५६॥ ५९९) हरियाइअणंतरिया परंपरं पिढरमाइसु वणंमि पूपाई पिढऽनंतर भरिए कुउबाइसू इयरा ॥५५७॥-५५७ ६००) सच्चित्ते अच्चित्ते मीसग पिहियंमि होइ चउभंगो आइतिगे पडिसेहो चरिमे भंगंमि भयणा उ ॥५५८॥-५५८ ६०१) जह चेव उ निक्खित्ते संजोगा चेव होंति भंगा य एमेव य पिहियंमिवि नाणत्तमिणं तइयभंगे ॥५५९॥-५५९ ६०२) अंगारधूवियाई अनंतरो संतरो सरावाई तत्थेव अइरवाऊ परंपरं बत्थिणा पिहिए ॥५६०॥-५६० ६०३) अइरं फलाइपिहितं वणंमि इयरं तु छब्ब पिच्छ पिढराई कच्छवसंचाराई अनंतराणंतरे छूढे ॥५६१॥-५६१ ६०४) गुरु गुरुणा गुरु लहुणा लहुयं गुरुएण दोऽवि लवहुयाइं अच्चित्तेणवि पिहिए चउभंगो दोसु अग्गेज्झं ॥५६२॥-५६२ ६०५) सच्चित्ते अच्चित्ते मीसग साहारणे य चउभंगो आइतिएपडिसेहोचरिमेभंगंमिभयणाउगहणेआणाइणोदोसा ॥५६३॥-५६३ ६०६) जह चेव उ निक्खित्ते संजोगा चेव होंति भंगा य तहा चेव उ साहारणे नाणत्तमिणं तइयभंगे ॥५६४॥-५६४ ६०७) मत्तेण जेण दाहिइ तत्थ अदिज्जं तु होज्ज असणाई छोढु तयन्नहि तेणं देई अह होइ साहरणं ॥५६५॥-५६५ ६०८) भूमाइएसु तं पुण साहरणं होइ छसुवि काएसु जं तं दुहा अचित्तं साहरणं तत्थ चउभंगो ॥५६६॥-५६६ ६०९) सुक्के सुक्कं पढमो सुक्के उल्लं तु बिइयओ भंगो उल्ले सुक्कं तइओ उल्ले उल्लं चउत्थो उ ॥५६७॥-५६७ ६१०) एक्केक्के चउभंगो सुक्काईएसु होइ चउसु भंगेसु थोवे थोवं थोवे बहुं च विवरीय दो अन्ने ॥५६८॥-५६८ ६११) जत्थ उ थोवे थोवं सुक्के उल्लं च छुहइ तं गेज्झं जइ तं तु समुक्खेउं थोवाहारं दलइ अन्नं ॥५६९॥-५६९ ६१२) उक्खेवे निक्खेवे महल्लभाणंमि लुद्ध वह डाहो अचियत्तं वोच्छेओ छक्कायवहो य गुरुमत्ते ॥५७०॥-५७० ६१३) थोवे थोवं छूढं सुक्कं उल्लं तु तं तु आइन्नं बहुयं तु अणाइन्न कडदोसो सोत्ति कारुणं ॥५७१॥-५७१ ६१४) बाले वुड्ढे मत्ते उम्मत्ते वेविए य जरिए य अंधिल्लए पगलिए आरुढे पाउयाहिं च ॥५७२॥-५७२ ६१५) हत्थुऽदुनियलबद्धे विवज्जिए चेव हत्थपाएहिं तेरासि गुव्विणी बालवच्छ भुंजंति घुसुलिंती ॥५७३॥-५७३ ६१६) भज्जंति य दलयंती कंडंती चेव तह य पीसंती पीजंती रुंचंती कत्तंति पमइमाणी य ॥५७४॥-५७४ ६१७) छक्कायवग्गहत्था समणट्ठा निक्खिवित्तु ते चेव ते चेवोगाहंती संघट्टंताऽगभंती य ॥५७५॥-५७५ ६१८) संसत्तेण य दव्वेण लित्तहत्था य लित्तमत्ता य उव्वत्तंती साहारणं व दिंती य चोरियं ॥५७६॥-५७६ ६१९) पाहुडियं च ठवंती सपच्चवाया परं च उद्धिस्स आभोगमणाभोगे दलंती वज्जणिज्जा ए ॥५७७॥-५७७ ६२०) एसि दायगाणं गहणं केसिंचि होइ भइयव्वं केसिंची अग्गहणं तव्विवरीए भवे गहणं ॥५७८॥-५७८ ६२१) कब्बट्टिए अप्पाहण दिन्ने अन्नन्न गहण पज्जत्तं खंतिय मग्गणदिन्ने उड्डाह पओस चारभडा ॥५७९॥-५७९ ६२२) थेरो गलंतलालो कंपणहत्थो पडिज्ज वा देंतो अपहुत्ति य अचियत्तं एगयरे वा उभयओ वा ॥५८०॥-५८० ६२३) अवयास भाणभेओ वमणं असुइत्ति लोगगरिहा य उड्डाओ पंतावणं च मत्ते वमणविवज्जा य उम्मत्ते ॥५८१॥-५८१ ६२४) वेविय परिसाडणया पासे व छुभेज्जा भाणभेओ वा एमेव य जरियंमिवि जर संकमणं च उड्डाहो ॥५८२॥-५८२ ६२५) उड्डाह कायपडणं अंधे भेओ य पास छुहणं च

तद्दोसी संकमणं गलंत भिस भिन्नदेहे य ॥५८३॥-५८३ ६२६) पाउयदुरुढपडणं बद्धे परियाव असुइ खिंसा य करछिन्नासुइ खिंसा ते चिय पायेऽवि पडणं च ॥५८४॥-५८४ ६२७) आयपरोभयदोसा अभिक्खगहणंमभि खोभण नपुंसे लोगदुगुंछा संका एरिसया नूनमेएऽवि ॥५८५॥-५८५ ६२८) गुव्विणि गब्भे संघट्टणा उ उट्टंतुवेसमाणीए बालाई मंसुडग मज्जारो विराहेज्जा ॥५८६॥-५८६ ६२९) भुंजंती आयमण उदगं छोटीय लोगगरिहा य घुसुलंती संसत्ते करंमि लित्ते भवे रसगा ॥५८७॥-५८७ ६३०) दगबीए संघट्टण पीसणकंडदल भज्जणे डहणं पिंजंत रुंचणाई दिन्ने लित्ते करे उदगं ॥५८८॥-५८८ ६३१) लोणदगअगणिवत्थीफलाइमच्छाइ सजिय हत्थंमि पाएणोगाहणया संघट्टण सेसकाएणं ॥५८९॥-५८९ ६३२) खणमाणी आरभए मज्जइ धोयइ व सिंचए किंचि छेयविसारणमाई छिंदइ छट्टे फुरुफुरंते ॥५९०॥-५९० ६३३) छक्कायवग्गहत्था केई कोलाइकन्नलइयाई सिद्धत्थगपुप्फाणि य सिरंमि दिन्नाइं वज्जंति ॥५९१॥-५९१ ६३४) अन्ने भणंति दससुवि एसणदोसेसु नत्थि तग्गहणं तेण न वज्जं भन्नइ नणु गहणं दायगग्गहणा ॥५९२॥-५९२ ६३५) संसज्जिमम्मि देसे संसज्जिमदव्वलित्तकरमत्ता संचारो ओयत्तण उक्खिप्पंतंतेऽवि ते चेव ॥५९३॥-५९३ ६३६) साधारणं बहूणं तत्थ उ दोसा जहेव अणिसिद्धे चोरियए गहणाई भयए सुण्हाइ वा दंते ॥५९४॥-५९४ ६३७) पाहुडिठवियगदोसा तिरिउड्ढमहे तिहा अवायाओ धम्मियमाई ठवियं परस्स परसंतियं वावि ॥५९५॥-५९५ ६३८) अनुकंपा पडिणीयट्टया व ते कुणइ जाणमाणोऽवि एसणदोसे बिइओ कुणइ उ असढो अयाणंतो ॥५९६॥-५९६ ६३९) भिक्खमित्ते अवियालणा उ बालेण दिज्जमाणंमि संदिट्टे वा गहणं अइबबहुय वियालणेऽणुत्ता ॥५९७॥-५९७ ६४०) थेर पहु थरथरंते धरिए अन्नेण दढसरीरे वा अव्वत्तमत्तसइढे अविंभले वा असागरिए ॥५९८॥-५९८ ६४१) सुइभद्दगदित्ताई दढग्गहे वेविए जरंमि सिवे अन्नधरियं तु सइढो देयंधोऽन्नेण वा धरिए ॥५९९॥-५९९ ६४२) मंडलपसूतिकुट्टीऽसागरिए पाउयागए अयले कमबद्धे सवियारे इयरे बिट्टे असागरिए ॥६००॥-६०० ६४३) पंडग अप्पडिसेवी वेला थणजीवि इयर सव्वंपि उक्खित्तमणावाए न किंचि लग्गं ठवंतीए ॥६०१॥-६०१ ६४४) पीसंती निप्पिट्टे फासुं वा धुसुलणे असंसत्तं कत्तणि असंखचुत्तं चुत्तं वा जा अचोक्खलिणी ॥६०२॥-६०२ ६४५) उव्वट्टणिऽसंसत्तेण वावि अट्टील्लए न धट्टेइ पिंजणपमद्दणेसु य पच्छाकम्मं जहा हिं नत्थि ॥६०३॥-६०३ ६४६) सेसेसु य पडिवक्खो न संभवइ कायगहणमाईसु पडिवक्खस्स अभावे नियमा उ भवे तयग्गहणं ॥६०४॥-६०४ ६४७) सच्चित्ते अच्चित्ते मीसग उम्मीसगंमि चउभंगो आइतिए पडिसेहो चरिमे भंगंमि भयणा उ ॥६०५॥-६०५ ६४८) जह चेव य संजोगा कायाणं हेट्टओ य साहरणे तह चेव य उम्मीसे होइ विसेसो इमो तत्थ ॥६०६॥-६०६ ६४९) दायव्वमदायव्वं च दोऽवि दव्वाइं देइ मीसेउं ओयणकुसुणाईणं साहरण तयन्नहिं छोढुं ॥६०७॥-६०७ ६५०) तंपिय सुक्के सुक्कं भंगा चत्तारि जह उ साहरणो अप्पबहुएऽवि चउरो तहेव आइन्नाऽणाइन्ने ॥६०८॥-६०८ ६५१) अपरिणयंपिय दुविहं दव्वे भावे य दुविहमेक्केक्कं दव्वंमि होइ छक्कं भावंमि य होइ सज्जिलगा ॥६०९॥-६०९ ६५२) जीवत्तंमि अविगए अपरिणयं परिणयं गए जीवे दिट्टंतो दुद्धदही इय अपरिणयं परिणयं तं च ॥६१०॥-६१० ६५३) दुगमाई सामन्ने जइ परिणमई उ तत्थ एगस्स देमिन्ति न सेसाणं अपरिणयं भावओ एयं ॥६११॥-६११ ६५४) दुगमाई सामन्ने जइ परिणमई उ तत्थ एगस्स देमिन्ति न सेसाणं अपरिणयं भावओ एयं ॥६११॥-६११ ६५५) घेत्तव्वमलोवकडं लेवकडे मा हु पच्छकम्ममाई न य रसगेहिपसंगो इअ वुत्ते चोयगो भणइ ॥६१३॥-६१३ ६५६) जइ पच्छकम्मदोसा हवंति मा चेव भुंजऊ सययं तवनियमसंजमाणं चोयगहाणी खमंतस्स ॥६१४॥-६१४ ६५७) लित्तंति भाणिऊणं छम्मासा हायए चउत्थं तु आयंबिलस्स गहणं असंथरे अप्पलेवं तु ॥६१५॥-६१५ ६५८) आयंबिलपारणए छम्मास निरंतरं तु खविऊणं जइ न तरइ छम्मासे एगदिणूणं तओ कुणउ ॥६१६॥-६१६ ६५९) एवं एक्केक्कदिणं आयंबिलपारणं खवेऊणं दिवसे दिवसे गिणहउ आयंबिलमेव निल्लेवं ॥६१७॥-६१७ ६६०) जइ से न जोगहाणी संपइ एसे व होइ तो खमओ खमणंतरेण आयंबिलं तु नियमं तवं कुणइ ॥६१८॥-६१८ ६६१) हेट्टावणि कोलसगा सोवीरगकूरभोइणो मणुया जइ तेऽवि जवंति तहा किं नाम जई न जावंति ॥६१९॥-६१९ ६६२) तिय सीयं समणाणं तिय उण्ह गिहीण तेणऽणुत्तायं तक्काईणं गहणं कट्टरमाईसु भइयव्वं ॥६२०॥-६२० ६६३) आहारवहिसेज्जा तिण्णिवि उण्हा गिहीण सीएऽवि तेण उ

जीरइ तेसिं दुहओ उसिणेण आहारो ॥६२१॥-६२१ ६६४) एयाइं चिय तिन्निवि जईण सीयाइं होंति गिम्हेवि तेणुवहम्मइ अग्गी तओ य दोसा अजीराई ॥६२२॥-६२२ ६६५) ओयणमंडगसत्तुगकुम्मासारायमासकलवट्टा तूयरिमसूरमुग्गा मासा य अलेवडा सुक्का ॥६२३॥-६२३ ६६६) उब्भिज्जपिज्जकंगू तक्कोल्लणसूवकंजिकढियाई एए उ अप्पलेवा पच्छाकम्मं तहिं भइयं ॥६२४॥-६२४ ६६७) खीर दहि जाउ कट्टर तेल्ल धेयं फाणियं सपिंडरसं इच्चाई बहुलेवं पच्छाकम्मं तहिं नियमा ॥६२५॥-६२५ ६६८) संसट्टेयरहत्थो मत्तोऽविय दव्व सावसेसियरं एएसु अट्ट भंगा नियमा गहणं तु ओएसु ॥६२६॥-६२६ ६६९) सच्चित्ते अच्चित्ते मीसग तह छट्टणे य चउभंगो चउभंगे पडिसेहो गहणे आणाइणो दोसा ॥६२७॥-६२७ ६७०) उसिणस्स छट्टणे देंतओ व डज्जेज्ज कायदाहो वा सीयपडणंमि काया पडिए महुबिंदुआहरणं ॥६२८॥-६२८ ६७१) नामं ठवणा दवए भावे धासेसणा मुणेयव्वा दव्वे मच्छाहरणं भावंमि य होइ पंचविहा ॥६२९॥-६२९ ६७२) चरियं व कप्पियं वा आहरणं दुविहमेव नायव्वं अत्थस्स साहणट्टा इंधणमिव ओयणट्टाए ॥६३०॥-६३० ६७३) अह मंसंमि पहीणे झायंतं मच्छियं भणइ मच्छो किं झायसिं तं एवं सुण ताव जहा अहिरिओऽसि ॥६३१॥-६३१ ६७४) तिबलागमुहुम्मुकको तिक्खुत्तो वलयामुहे तिसत्तक्खुत्तो जालेणं सइ छिन्नोदए दहे ॥६३२॥-६३२ ६७५) एयारिसं ममं सत्तं सढं घट्टियघट्टणं इच्छसि गलेण घेतुं अहो ते अहिरीयया ॥६३३॥-६३३ ६७६) बायालीसेसणसंकडंमि गहणंमि जीव न हु छलिओ इण्हिं जह न छलिज्जसि भुंजंतो रागदोसेहिं ॥६३४॥-६३४ ६७७) घासेसणा उ भावे होइ पसत्था तहेव अपसत्था अपसत्था पंचविहा तव्विवरीया पसत्थाउ ॥६३५॥-६३५ ६७८) दव्वे भावे संजोअणा उ दव्वे दुहा उ बहि अंतो भिकखं चिय हिंडंतो संजोयंतंमि बाहिरिया ॥६३६॥-६३६ ६७९) खीरदहिसूवकट्टरलंभे गुडसप्पिवडगवालुंके अंतो उ तिहा पाए लंबण वयणे विभासा उ ॥६३७॥-६३७ ६८०) संयोयणाएँ दोसो जो संजोएइ भत्तपाणं तु दव्वाई रसहेउं वाघाओ तस्सिमो होइ ॥६३८॥-६३८ ६८१) संजोयणा उ भावे संजोएऊण ताणि दव्वाइं संजोयइ कम्मणं कम्मण भवं तओ दुक्खं ॥६३९॥-६३९ ६८२) पत्ते य पउरलंभे भुत्तुवरिए य सेसगमणट्टा दिट्ठो संजोगो खलु अह क्कमो तस्सिमो होइ ॥६४०॥-६४० ६८३) रसहेउं पडिसिद्धो संयोगो कप्पए गिलाणट्टा जस्स व अभत्तछंदो सुहोचिओऽभाविओ जो य ॥६४१॥-६४१ ६८४) बत्तीसं किर कवला आहारो कुच्छिपूरओ भणिओ परिसस्स महिलियाए अट्टावीसं भवे कवला ॥६४२॥-६४२ ६८५) एत्तो किणाइ हीणं अब्धं अब्धऽब्धगं च आहारं साहुस्स बिंति धीरा जायामायं च ओमं च ॥६४३॥-६४३ ६८६) पगामं च निगामं च जो पणीयं भत्तपाणमाहारे अइबहुयं अइबहुसो पमाणदोसो मुणेयव्वो ॥६४४॥-६४४ ६८७) बत्तीसाइ परेणं पगाम निच्चं तमेव उ निकामं जं पुण गलंतनेहं पणीयमिति तं बुहा बेत्ति ॥६४५॥-६४५ ६८८) अइबहुयं अइबहुसो अइप्पमाणेण भोयणं भोत्तु हाएज्ज व वामिज्ज व मारिज्ज व तं अजीरंतं ॥६४६॥-६४६ ६८९) बहुयातीयमइबहुं अइबहुसो तिन्नि तिन्नि व परेणं तं चिय अइप्पमाणं भुंजइ जं वा अतिप्पंतो ॥६४७॥-६४७ ६९०) हियाहारा मियाहारा अप्पाहारा य जे नरा न ते विज्जा तिगिच्छंति अप्पाणं ते तिगिच्छगा ॥६४८॥-६४८ ६९१) तेल्लदहिसमाओगा अहिओ खीरदहिकंजियाणं च पत्थं पुण रोगहरं न य हेऊ होइ रोगस्स ॥६४९॥-६४९ ६९२) अब्धमसणस्स सव्वंजणस्स कुज्जा दवस्स दो भागे वाऊपवियारणट्टा छब्भायं ऊणयं कुज्जा ॥६५०॥-६५० ६९३) सीओ उसिणो साहरणो य कालो तिहा मुणेयव्वो साहारणंमि काले तत्थाहारे इमा मत्ता ॥६५१॥-६५१ ६९४) सीए दवस्स एगो भत्ते चत्तारि अहव दो पाणे उसिणे दवस्स दोन्नि उ तिन्नि व सेसा उ भत्तस्स ॥६५२॥-६५२ ६९५) एगो दवस्स भागो उवट्ठितो भोयणस्स दो भागा वड्ढंति वहायंति व दो दो भागा उ एक्केक्के ॥६५३॥-६५३ ६९६) एत्थ उ तइयचउत्था दोण्णि य अणवट्टिया भवे भागा पंचमछट्टो पढमो बिइओविं अवट्टिया भागा ॥६५४॥-६५४ ६९७) तं होइ सइंगालं ज आहारेइ मुच्छिओ संतो तं पुण होइ सधूमं जं आहारेइ निदंतो ॥६५५॥-६५५ ६९८) अंगारत्तमपत्तं जलमाणं इंधणं सधूमं तु अंगारत्ति पवुच्चइ तं चिय दइढं गए धूमे ॥६५६॥-६५६ ६९९) रागगिसंपलित्तो भुंजंतो फासुयंपि आहारं निदइढंगालनिभं करेइ चरणंधणं खिप्पं ॥६५७॥-६५७ ७००) दोसग्गीवि जलंतो अप्पत्तियधमधूमियं चरणं अंगारभित्तसरिसं जा न हवइ निदही ताव ॥६५८॥-६५८ ७०१) रागेण सइंगालं दोसेण सधूमं मुणेयव्वं छायालीसं दोसा बोद्धव्वा भोयणविहीए ॥६५९॥-६५९ ७०२) आहारंति

तवस्सी विगङ्गालं च विगयधूमं च ज्ञाणज्झयणनिमित्तं एसुवएसो पवयणस्स ॥६६०॥-६६० ७०३) छहिं कारणेहिं साधू आहारितोवि आयरइ धम्मं छहिंचेव कारणेहि निज्जुहितोवि आयरइ ॥६६१॥-६६१ ७०४) वेयण वेयावच्चे इरियट्ठाए य संजमट्ठाए तह पाणवत्तियाए छट्ट पुण धम्मचिंताए ॥६६२॥-६६२ ७०५) नत्थि छुहाए सरिसा वियणा भुंजेज्ज तप्पसमणट्ठा छाओ वेयावच्चं न तरइ काउं अओ भुंजे ॥६६३॥-६६३ ७०६) इरिअं नवि सोहेई पेहाईअं च संजमं काउं थामो छाओ वा परिहायइ गुणणुप्पेहासु अ असत्तो ॥६६४॥-६६४ ७०७) अहव न कुज्जाहारं छहिं ठाणेहिं संजए पच्छा पच्छिमकालंमि काउं अप्पक्खमं खमं ॥६६५॥-६६५ ७०८) आयंके उवसग्गे तित्तिक्खया बंभचेरगुत्तीसु पाणिदया तवहेउं सरीरवोच्छेयणट्ठाए ॥६६६॥-६६६ ७०९) आयंको जरमाई रायसन्नायगाइ उवसग्गो बंभवयपालणट्ठा पाणिदया वासमहियाई ॥६६७॥-६६७ ७१०) तवहेउ चउत्थाई जाव उ छम्मासिओ तवो होइ छट्टं सरीरवोच्छेयणट्ठया हो अणाहारो ॥६६८॥-६६८ ७११) सोलसउग्गमदोसा सोलस उप्पायणाए दोसा उ दस एसणाएँ दोसा संजोयणमाइ पंचेव ॥६६९॥-६६९ ७१२) एसो आहारविही जह भणिओ सव्वभावदंसीहिं धम्मावस्सगजोगा जेण न हायंति तं कुज्जा ॥६७०॥-६७० ७१३) जा जयमाणस्स भवे विराहणा सुत्तविहिसमग्गस्स सा होइ निज्जरफला अज्झत्थविसोहिजुत्तस्स ॥६७१॥-६७१ ४१

**क्कक्क पिंडनिज्जुत्ति समत्ता बीअं मूलसुत्तं समत्तं क्कक्क**

सौजन्य :- प.पू. साध्वीश्री महोदयश्री७ म. सा. नी प्रेरणाथी मातुश्री डोकीलाबेन अनंतराय शाह पडालावाणा